

四庫全書

經部

欽定四庫全書

經部

周易會通卷十二

詳校官監察御史臣邱庭澍

通政使司副使臣莫瞻菴覆勘

總校官編修臣王燕緒

校對官中書臣葉蘭

謄錄監生臣陳春熙

欽定四庫全書

周易會通卷十二

元 董真卿 撰

繫辭上停

呂音訓繫陸氏音系辭易始有卦畫而已文
王繫之以卦辭周公又繫之以爻辭故曰聖

人設卦觀象繫辭而明吉凶至於孔子所作則繫
辭之傳也陸氏曰繫辭亦作嗣依字應作詞說也說

大云詞者意內而言外也上傳案陸氏釋文王肅本
作繫辭上傳訖於雜卦皆有傳字此蓋鄭立未合經

傳前標題之舊也第五上下繫古今分章不同今以
應孔氏伊川程氏萬山晁氏漢上朱氏諸家參定上

繫凡十四章自天尊地卑至成位乎其中矣為第一
章聖人設卦觀象至吉无不利為第二章彖者言乎

象者也。至各止其所之。為第三章。易與天地準。至君子之道鮮矣。為第四章。顯諸仁。至陰陽不測之謂神。為第五章。夫易廣矣大矣。至易簡之善配至德。為第六章。子曰。易其至矣乎。至道義之門。為第七章。聖人有以見天下之賾。至盜之招也。為第八章。大衍之數五十。至其知神之所為乎。為第九章。易有聖人之道。四焉。至此之謂也。為第十章。子曰。夫易何為者也。至所以斷也。為第十一章。易曰。自天祐之。至吉无不利也。為第十二章。子曰。書不盡言。至鼓之舞之。以盡神也。為第十三章。乾坤其易之緼邪。至存乎德行。為第十四章。第四章。第一章。第二章。諸家並同。第三章。第四章。從程氏。晁氏。第五章。第六章。第七章。從程氏。第八章。第九章。第十章。從程氏。晁氏。第十一章。從晁氏。第十二章。從九章。第十三章。移別章。第十四章。從晁氏。首天

晁氏集解

朱子曰。繫辭本謂文王周公所作之辭。繫于卦爻之下者。即今經文。此篇乃孔子所述。繫于

辭之傳也以其通論一經之大體附錄程子語聖人凡例故無經可附而自分上下云

在繫辭顯繫辭本欲明易若不先求卦義則看繫辭不得大昭一本云繫辭所以解易須看了易方看得

繫辭入闕錄如繫辭之文後人決學不得譬之化工生物且如生出一枝花或有剪裁為之者或有繪畫

為之者看時雖自相類然終不若化工所生自有一般生意安節朱子語繫辭恐并彖辭亦是蓋彖繫

於全卦之下而又分繫於逐爻之下其經只是連書并在卦下不再畫卦如今所定本也大傳言繫辭

者四今考其二上文皆兼卦爻而言恐不得專以為爻辭其一雖專指爻辭則爻辭固繫辭之一也其一

為七八九六而言七八九六雖是逐爻之數然全卦七八則當占本卦辭三文七八則當占兩卦辭全卦

九六則當占之卦辭卦辭固不害其為繫辭也並答仁除熟讀六十四卦則覺得繫辭之語甚為精密是

易之括例道夫曰歐公疑繫辭非孔子作曰這也是他一時所見如繫辭文言若是孔子做如何又却有子曰字某嘗疑此等處如五峯刻通書相似去了本來所有篇名却於每篇之首加一周子曰字又却本所无者次第易繫文言亦是

纂註 雙湖先生曰繫門人弟子所勦入耳並道夫

繫辭者六曰聖人設卦觀象繫辭焉而明吉凶曰聖人有以見天下之動繫辭焉以斷其吉凶兩出曰繫辭焉所以告也曰繫辭焉以盡其言曰繫辭焉而命之皆指大王周公卦爻辭言也若繫辭上下傳則是孔子統論一經之卦爻大體凡例如論先聖作易之由則見於包犧氏仰觀俯察及易有大極及河圖洛書數章如論用易之法則見於大衍之數五十章與夫卦爻之剛柔象數之變化三極之道幽明之故鬼神之情狀皆搜抉无隱若徒有上下經而无繫辭傳則象數之學不明理義之微莫顯易亦竟无以致用

於萬世而適乎仁義中正之歸矣其有稱大傳者因太史公引天下同歸而殊塗一致而百慮為易大傳蓋太史公受易揚何何之屬自著易傳行世故稱孔子者曰大傳以別之耳 愚案繫辭上下傳程朱分章不同今既合二家為一故不復識別經文則從朱子讀者於集解分節處自可知也

天尊地卑乾坤定矣卑高以陳貴賤位矣動靜有常剛柔斷矣方以類聚物以羣分吉凶生矣在天成象在地

成形變化見矣

呂音訓卑陸氏曰如字又音婢本又作婢同斷陸丁亂反見陸賢遍反 集

解

朱子曰天地者陰陽形氣之寶體乾坤者易中純陰純陽之卦名也卑高者天地萬物上下之位貴賤者

易中卦爻上下之位也動者陽之常靜者陰之常剛柔者易中卦爻陰陽之稱也方謂事情所向言事物善惡

各以類分而吉凶者易中卦爻占決之辭也象者日月星辰之屬形者山川動植之屬變化者易中蓍策卦爻陰變為陽陽化為陰者也此言聖人作易因陰陽之實體為卦爻之法象莊周所謂易以道陰陽此之謂也

附錄

朱子語天尊地卑上一截昏說而前道理下一截是說易書聖人做這簡易與天地準處如此如今

看面前天地便是那乾坤卑高便是貴賤聖人只是見成說這簡見得易是準這簡若把下面一句說做未畫之易也不妨然聖人是從那有易後說來淵天尊地卑乾坤定矣觀天地則見易也備天地物也乾坤理也然以作易或謂此第一章第一節蓋言聖人因造化之自然書此是後來人說話又是見天地之實體而知易之書如此如見天之尊地之卑却知得易之所謂乾坤者如此如見天之高地之下却知得易所分貴賤者如此又曰此是因至著之象以見至微之理備此只是說乾坤

之卦在易則有乾坤非是因有天地而始定乾坤觀天地則見易也 殊問陰陽以氣言剛柔以質言既有卦爻可見則當以質言而不得以陰陽言矣故彖辭多言剛柔不言陰陽不知是否曰是 殊貴賤是易之位剛柔是易之變化類皆是易不必專主乾坤二卦而言方以類聚物以羣分方只是事訓術訓道善有善之類惡有惡之類各以其類而聚也 殊善有善類惡有惡類隨其善惡而類聚羣分善者吉惡者凶而吉凶亦由是而生爾 淵方向也所向善則善底人皆來聚所向惡則惡底人皆來聚物又是通天下之物而言是箇好物事則所聚者皆好物事也若是箇不好底物事則所聚者皆不好底物事也 殊問在天成象在地成形變化見矣變化非因形象而後有也變化流行非形象則无以見故因形象而變化之迹可見也日月星辰象也山川動植形也象陽氣所為形陰氣所為然陽中有陰則日呈陽也月辰陰也陰中有陽則山陰而川陽然陰陽又未嘗不相

雜而各自為陰陽細推之可見夫不知是否答云亦是
鍊上是天地之變化下是易之變化董鍊變化流行非
形象无以見其解變化二字下章說得最分曉變是自
陰而陽化是自陽而陰易中說變化唯此處最親切又
有自天尊地卑至變化見矣是舉天地事理以明易自
是故以下却舉易以明天地間事人傑問繫辭首章之
義曰天尊地卑乾坤定矣上句是言造化之實體以明
下句易中之事天尊地卑故易中之乾坤定矣龜山說
得深了易中固有言屈伸往來之乾坤處然此只是說
乾坤之卦卑高以陳貴賤位矣上句是說天地間有卑
有高故易之六爻有貴賤之位也故曰列貴賤者存乎
位方以類聚物以羣分伊川說是亦是言天下事物各
以類分故存乎易者吉有吉類凶有凶類在天成象在
地成形變化見矣變化是易中陰陽二爻之變化故又
曰變化者進退
之象也易說
纂註錢氏曰无畫之易在太極先有畫
之易自兩儀始蓋下文所謂貴賤

剛柔吉凶變化自乾坤而始者非自乾坤而始有也故曰乾坤成列而易立乎其中矣上言尊卑而下言卑高張子曰先分天地之位乾坤立則方見易故其事則莫非易也所以先言天地乾坤易之門也不言高卑而曰卑高者亦有義高以下為基亦是人先見卑處然後見高也又曰靜專動直不為物累則其動靜可常不牽制於物也然則乾為剛果斷然不疑矣又曰天地自然之理天圓則須轉動地方則須安靜又曰有形有象然後知變化之驗魏氏曰卦畫自下始也位六位也賤觀也言以貴下賤訟言以下訟上可見天圓而動地方而靜故有常剛爻一三五柔爻二四六也斷因九六之得位失位而斷之也觀位正當也位不當也之類可見矣楊氏馬里曰南方之人喜聞楚語北方之人喜聞燕語方以類聚也鶴之巢无烏之子馬之廐无狐之穴物以羣分也善惡之分聚亦然聚散異嚮好惡相攻由是吉凶生焉蘇氏曰方本異也而以類而聚此同

之生於異也物羣則其勢不得不分此異之生於同也象者其精華之發於上形者其體質之留於下蓋雷電日月之類象也水火山澤之類形也天地所以變化而既成萬物者也 柴氏曰冲漠无朕之中萬象森然乾實成之一氣之感萬象畢著坤實成之變化之神於此始見 朱氏曰陽為貴乾也陰為賤坤也在天成象陰陽也在地成形剛柔也陰陽交錯剛柔互分天地變化之上剛柔之形化於下陰陽交錯剛柔互分天地變化之道乾坤之交也爻或得朋或失類或遠而相應或近而不相得或睽而通或異而同此吉凶所由生也 楊氏時曰天地者乾坤之象一也一闢一闔往來不窮其孰為乾孰為坤也觀乎天地則乾坤定矣故乾為君為父以天尊故也坤為臣為子為妻地卑故也又曰六爻自初而至於上則尊卑陳矣五為君二為臣則貴賤位矣又曰乾道成男自坎至震東北方也坤道成女自巽至兌西南方也此方以類聚也則凡麗乎陰陽者无物不

然矣八卦類萬物之情而不相通此物以羣分也以其所言推其所未言亦无物不然矣有聚有分則同異交错而吉凶之所由分也游氏曰在天成象則鳥與火虛與昴四時迭見者天道之變也在地成形則作而長斂而藏四時異形者地道之變也至於成象者莫測其進退之機成形者莫見其生成之迹則天地之化也司馬公曰象有隱見形有死生易皆效之是也然則乾坤定於天地貴賤陳於尊卑剛柔斷於動靜吉凶生於方物變化見於形象皆非聖人為之也天地之判陰陽之交本自有之而聖人準之以為教爾雙湖先生曰天尊地卑陰陽固有自然尊卑之象然於易上欲見其尊卑處何者為最親切曰自太極生兩儀象卦最可見太極動而生陽靜而生陰則陽已居先矣至於陽儀之上生一陽一陰先陽固宜也陰儀上當以陰為主矣其生一陽一陰亦以陽居先焉以至於六畫莫不先陽而後陰於是首乾終坤乾不期尊而自尊坤不期卑而自

卑於此見尊陽卑陰非聖人之私意卦畫自然之象而亦造化自然之位也又曰案朱子訓方義蓋本程子而諸說訓為四方亦不可不備龜山與南軒徑就後天八卦論方物南軒曰如乾位西北坎艮震陽皆以類聚坤位西南巽離兌陰皆以類聚此方以類聚也乾為天而坎水艮山震雷皆羣分於此坤為地而離火兌澤巽木皆羣分於此此物以羣分也或聚或分而得者為吉失者為凶吉凶生矣愚意方物聚分本只就四方萬物說吉凶生方是易然萬物之類聚羣分其具列於八卦亦有如二先生所言矣若就先天八卦論乾兌離震生於陽儀故類聚於東南巽坎艮坤生於陰儀故類聚於西北而八卦之物亦皆隨卦而羣分焉亦未有不可要之繫辭首章是說作易事作易莫先於伏義則方物之聚散是論先天八卦矣

是故剛柔相摩

八卦相盪

呂音訓摩陸氏曰本又作磨末何反京云相盪切也馬云磨切也盪陸氏曰眾家作蕩王

肅音唐黨反馬云除也桓
云動也唯韓云相推盪 桓
集解 朱子曰此言易卦之變
化也六十四卦之初剛

柔兩畫而已兩相摩而為四四相
摩而為八八相盪而為六十四相 附錄 朱子語繫辭中
說故都是喚

那下文起也有相連處也有不相連處 問剛柔相摩
八卦相盪竊謂六十四卦之初剛柔兩畫而已兩而四

四而八八而十六十六而三十二三十二而六十四皆
是自然生生而己而謂之摩盪何也先生曰摩如物

在一物上面而摩旋底意思亦是相交意思如今人磨子
相似下面一片不動上面一片只管摩旋推盪不曾住

自兩儀生四象則老陽老陰不動而少陰少陽則交自
四象生八卦則乾坤震巽不動而兌離坎艮則交自八

卦而生六十四皆是從上加去下體不動每一卦生八
卦故謂之摩盪 摩是兩箇物事相摩盪是圓轉推

盪出來摩是八卦以前事盪是有那八卦了圓轉推盪
那六十四卦出來漢書所謂盪軍是圓轉去殺它摩轉

它底意思淵相盪只是相纂註張子曰以人言之喘息
摩易說盪比摩便閤了煇纂註是剛柔相摩一出一入

是上下相摩錯也於鼻息見之鼻息相
摩以盪於腹中物既銷鑠氣復昇騰 鼓之以雷霆潤

之以風雨日月運行一寒一暑 呂音訓鼓陸氏曰動也
陸氏曰王呂音庭徐

又徒鼎反又音定運 集解 朱子曰此變
行陸氏曰姚遠行 化之成象者 附錄 程子語問

樂幽則有鬼神何也曰鬼神只是一箇造化天尊地卑
乾坤定矣鼓之以雷霆潤之以風雨是也 陸錄 朱子

語鼓之以雷霆以下四 纂註 丘氏曰前以乾坤貴賤剛
句是說易中所有淵 柔吉凶變化言是對待之

陰陽交易之體也此以摩盪鼓潤運行言是流行之陰
陽變易之用也至下文則言乾坤之德行而繼以人體

乾坤者 乾道成男坤道成女集解 朱子曰此變化之成
終之 形者此兩節又明易

之見於實體者與
上文相發明也
附錄
朱子語此以上是將造化之實
體對易中之理此下便是說易

中却有許多物事
天地父母分明是一理
乾道成男
坤道成女則凡天下之男皆乾之氣
天下之女皆坤之氣
從這裏便徹上徹下即是一箇氣都透了
貫
成男坤道成女通人物而言之在動物如牝馬之類在
植物亦有男女如麻有牡麻及竹有雌雄之類皆離陰
陽剛柔不得淵如乾道成男坤道成女豈得男便都无
陰女便都无陽這般須錯看
得剛柔相摩八卦相盪方
是說做這卦做這卦了那鼓之以雷霆與風雨日月寒
暑之變化皆在這卦中那成男成女之變化也在這卦
中見造化關捩子才動那許多物事都出來易只是模
寫他這箇淵游氣紛擾合而成質者生人物之萬殊陰
陽兩端循環不息者立天地之大義陰陽循環如磨游
氣紛擾如磨中出者易曰剛柔相摩八卦相盪鼓之以
雷霆潤之以風雨日月運行一寒一暑此陰陽之循環

立天地之大義也。乾道成男，坤道成女。纂註：此游氣紛擾，生人物之萬殊也。問祖：楊氏時曰：此一動一

靜，天地之間理之所不能已者，其相摩相盪，非有機織。綱維而然也。至於乾道成男，坤道成女，蓋變化之見而

形象之著也。朱氏曰：六子致用萬物，化生然不越乎。乾坤也。震坎艮之為三男，得乾之道也。巽離兌之為三

女，得坤之道也。又曰：乾陽物也，得乎乾者皆陽物也。乾道成男，是也。坤陰物也，得乎坤者皆陰物也。坤道成女

是也。楊氏萬里曰：自是故剛柔相摩，至坤道成女，言乾坤錯綜而生六子之妙也。以乾之剛，摩坤之柔，以坤

之柔，摩乾之剛，一剛一柔，相推相盪，鼓之以雷霆，而為震離莫之鼓，而鼓也。潤之以風雨，而為巽坎莫之潤，而

潤也。日月運行，夫寒暑而為坎離莫之運，而運也。得乾之剛者為長男，中男，少男，得坤之柔者為長女，中女，少

女，亦莫之成而成也。乾知大始，坤作成物。呂音訓：大陸易之乾坤，其神乎。乾知大始，坤作成物。氏曰：音泰王

肅作泰坤作陸氏曰虞姚
作坤化姚云化當為作

集解

朱子曰知猶主也乾主
始物而坤作成之承上

文男女而言乾坤之理蓋凡物之屬乎陰陽者莫不如此大抵陽先陰後陽施陰受陽之輕清未形而陰之重

濁有附錄程子語坤作成物是積學處乾知大始坤作成物知者

也管也乾管却大始大始則生物之始乾始物而坤成之也乾知大始知主之意也如知州知縣乾為其初為

其萌芽坤作成物坤管下面一截有所作為前知訓管字不當解作知見之知大始是萬物資始成物是萬物

資生大始未有形知之而已成物乃流形之時故有為益如大始是萬物資始乾以易故管之成物是萬物資

生坤以簡故能之生知猶管也作猶為也乾始物而坤成之記曰樂著大始坤作成物先儒請為附著之著則

此之謂也非解乾只是氣之統體无所不包但自其氣之動而言則為陽自其氣之靜而言則為陰所以陽常

兼陰陰不得兼陽陽大陰小陽全陰半陽既陰之而陰必附陽皆此意也邵子曰陽不能獨立必得陰而後立故陽以陰為基陰不能自見必待陽而後見故陰以陽為倡陽知其始而享其成陰效其法而終其勞也月錄

纂註

張子曰天地雖一物須從此分別大始者物之始乾全體之而不遺故无不知也知之者蓋莫如乾

成物者物既形矣故言作已入於形器也初未嘗有自地而漸形不謂之作謂之何哉柴氏曰一氣之動則

自有知覺而生意所始乾實為之一氣既感則妙合而成凝其形乃著有作成之意坤實為之一氣既感則妙合而

男坤道成女以兩物之雌雄觀乾坤也乾知大始坤作成物以一物之首尾觀乾坤也男固屬乾女固屬坤而

男女之始皆稟於乾乾以易知坤以簡能呂音訓易陸其成皆育於坤也

下同鄭荀董音亦能陸氏集解朱子曰乾健而動即其日如字姚云能當作從

難故為以易而知大始坤順而靜凡其所能
皆從乎陽而不自作故為以簡而能成物 附錄 朱子
則可見只是這氣一過時萬物皆生了可見其易化生
以易知蓋乾惟行健其所施為自是容易觀造化生長
德剛健做時便通透徹達攔截障蔽它不得人剛健者
亦如此乾以易知只是說它恁地做得不費力剛健則
自是易這如龍興而雲從虎嘯而風生鴻毛之遇順風
巨魚之縱大壑都不費力列厲坤以簡能者坤最省事
更无勞攘它只承受那乾底生將出來便見得是順若
不順如何配陽而生物簡只順從而已木之問乾坤易
簡之理曰易簡只是健順可見且以人論之健底人遇
事時自然覺易只是不難又如人稟得順性及其作
事便自然簡簡只是不煩然乾之易只簡得上一截事
到下一截却屬坤故易坤只是承乾故不着做上一截
事只做下面一截故簡如乾以易知坤以簡能知便是
做起頭能便是做了只觀墮然確然亦可見得易簡之

理乾以易知乾陽物也陽剛健故作為易成坤以簡能坤因乾先發得有頭腦特因而為之故簡節簡字却難理會易字却難說他是健了是自然恁地都不勞氣力才從這裏過要生便生所謂因行不妨掉臂便是這樣話繫辭有數處說易簡皆是這意子細看便見一方伯謨問乾坤易簡曰易只是一簡要做便做簡只是一簡恁地都不入自家意思惟意思惟順他乾道做將去爾乾以易知坤以簡能以上是言乾坤之德易則易知以下是就人而言言人兼體乾坤之德也乾以易知者乾健不息惟主於生物都無許多艱深險阻故能以易而知大始坤順承天惟以成物都無許多繁擾作為故能以簡而作成物大抵陽施陰受乾之生物如瓶成水其道至易坤惟承天以成物別無作為故其理至簡在人則無艱阻而白直故人易知順理而不煩擾故人易從易知則人皆同心親之易纂註張子曰乾至健無體從則人皆協力而有功矣珠纂註為感速故易知坤至

順不煩其施普故簡能
而為也以易知而已坤代終其作之也以其簡而能之
故成物而已宋氏曰乾確然不易無為而為萬物宗
以易知也天動地隨坤順乎乾其作萬物也以簡能也
楊氏萬里曰自乾知大始至坤以簡能何謂也曰此
贊乾坤之功雖至濶而無際而乾坤之德實至要而不
繁也
則可久有功則可大可久則賢人之德可大則賢人之

業集解

朱子曰人之所為如乾之易則其心明白而人
易知如坤之簡則其事要約而人易從易知則

與之同心者多故有親易從則與之叶力者衆故有功
有親則一於內故可久有功則兼於外故可大德謂得
於己者業謂成於事者上言乾坤之德不同
此言人法乾坤之道至此則可以為賢矣
附錄 朱子語乾

以易知坤以簡能易簡在乾坤易則易知簡則易從却
以人事言之兩箇易字又自不同一箇是簡易之易一
箇是難易之易要之只是一箇字但微有屯釐之間又
有易知易從不必皆指聖人但易時人自然易知簡時
人自然易從並可久可大則為賢人之德業而今工夫
易得間斷便是不能久見道理偏滯不開展便是不能
大須是兩頭齊着工夫始得周回有親可久為賢人
之德是就存主處言有功可大為賢人之業是就做事
處言蓋自乾以易知便是指存主處坤以簡能便是指
做事處故易簡而天下之理得則與天地參矣其德者
得之於心謂之德如得這孝則為孝之德業是做而成
頭緒有次第不然汎汎做只是俗事更无可守處必大
先生曰鵝湖之會子靜作詩云易簡工夫終久大彼所
謂易簡者苟簡容易耳全看得不予細乾以易知者乾
是至健要做便做直是易坤是至順順理而為故曰簡
此言造化之理至於可久則賢人之德可久者日新而

不已可大則賢人之業可大者富有而无疆易簡有幾
多事在豈容易苟簡之云乎人問可久可大只說是
賢人之德業楊氏曰可而已非其至也如何曰其說亦
是此雖不說是聖人至成位乎中亦是聖人也問本
義云知則同心從則叶力如何曰易知底人人心自然
去親他若其中險深不可測則人誰親之做事不繁碎
人所易從有人從之功便可成若是頭項多做得來艱
難底必无人從之如何得有功問知則同心從則叶
力一於內故可久兼於外故可大如何曰既易知則人
皆可同心既易從則人皆可叶力一於內故可久者謂
可久是賢人之德德則得於己者兼於外故可大
者謂可大是賢人之業事業則見於外者故爾董纂註
項氏曰稱賢人者明乾坤之德業人皆可充而至也若
但言聖人則嫌於必生知安行而後可而進修之路絕
矣丘氏曰知猶識也與上文易知之知異朱氏曰
乾坤之道觀乎天地萬物之變化其道較然著見矣然

反觀吾身善端所起者乾也身行之而作成之者坤也
人皆有善端不亦易知乎行其所知不亦簡能乎饑而
食渴而飲晝作而夜止豈不簡且易哉蓋以此推天下
未有不知而從者也我知之人亦知之故有親我行之
人皆行之故有功有親則侯百世而不惑有功則教諸
四海而準可久者謂之德可大者謂之業賢人之德業
至於配天地成位乎兩間可謂久且大矣然不過健順
而已而健順者在反求諸己而已知此則天尊地卑八
卦相盪在乎中矣古之傳此者唯曾子子思孟軻則然

易簡而天下之理得矣天

下之理得而成位乎其中矣

呂音訓而成位乎其中今本有矣字陸氏曰馬王肅

作而易成

集解程子曰天尊地卑尊卑之位定而乾坤之位乎其中之義明矣尊卑既判貴賤之位分矣陽

動陰靜各有其常則剛柔判矣事有理一作方事理也物有形也事則有類形則有羣善惡分而吉凶生矣象

見於天形成於地變化之跡見矣陰陽之交相摩軌八
方之氣相推盪雷霆以動之風雨以潤之日月運行寒
暑相推而成造化之功得乾者成男得坤者成女乾當
始物坤當成物乾坤之道易簡而已乾始物之道易坤
成物之能簡平易故人易知簡直故人易從易知則可
親就而奉順易從則可取法而成功親合則可以常久
成事則可以廣大聖賢德業久大得易簡之道也天下
之理易簡而已有理而後有象成位在乎中也 朱子
曰成位謂成人之位其中謂天地之中至此則體道之
極功聖人之能事可以與天地參矣 此第一章以造
化之實明作經之理又言乾坤之 附錄 朱子語自天尊
理分見於天地而人兼體之也 地界至變化見
矣是舉天地事理以明易自是故以下是舉易以明天
地間事胡張子所謂盡人道並立乎中以成三才以盡
人道非聖人不能程子之說不可曉 問程子云乾當
始物當字如何形容曰乾便是物之大始故以當字言

之得為切密
答呂祖儉
纂註
張子曰易簡得而成位乎天地之中
蓋盡人道並立乎天地以成三才則

是與天地參夫蓋盡得人道理自當爾不必受命仲尼
之道豈不可參天地
朱氏曰乾坤之理盡於易簡易

簡而天下之理得矣則上下與之同流德業既成乃位
乎兩間與天地為一
柴氏曰人心一造乎易簡而天

下之理舉不外此是理也三才之道也人得之與天地
並立矣
雙湖先生曰第一章專論伏羲體造化以作

易之事重在乾坤二卦生八卦以至六十四卦蓋先天
易首乾終坤包六十四卦於其中凡陽皆乾凡陰皆坤

也末歸結乾坤易簡之德賢人
體之造其極聖人之能事畢矣
聖人設卦觀象繫辭焉

而明吉凶
呂音訓吉凶陸氏曰
集解
朱子曰象者物之
虞本更有悔吝二字
似也此言聖人作

易觀卦文之象
附錄
朱子語自伏羲而上但有此六爻
而繫以辭也
而无文字可傳到得文王周公乃

繫以辭故曰聖人設卦觀象繫辭焉而明吉凶蓋是卦之未畫也因觀天地自然之法象而畫及其既畫也一卦自有一卦之象象謂有箇形似也故聖人即其象而命名以爻之進退而言則如剝復之類以形之肖似而言則如井鼎之類此是伏羲即卦體之全而立箇名如此及文王觀卦體之象而為之彖辭周公視卦爻之變而為之爻辭而吉凶之象益著矣句孫易當來只是為卜筮而作文言彖象却是推說做義理上去觀乾坤二卦便可見孔子曰聖人設卦觀象繫辭焉而**纂註**楊氏時曰總明吉凶不是占筮如何明吉凶文蔚

也朱氏曰聖人設卦本以觀象不言而見吉凶自伏羲至于堯舜文王觀象而自得也聖人懼觀之者其智有不足以知此於是繫之卦辭又繫之爻辭剛柔相推以明告之非得已也為觀象而未知者設也

而生變化集解

朱子曰言卦爻陰陽迭相推盪而陰或變陽陽或化陰聖人所以觀象而繫辭

衆人所以因著而求卦者也 附錄 朱子語易中說卦文多只是說剛

質了陰陽全是氣又曰健順剛柔之精者剛柔健順之

粗者切聖人設卦觀象繫辭焉而明吉凶剛柔相推而

生變化三句是題目下面是解說這箇吉凶悔吝自大

說去小處變化剛柔自小說去大處吉凶悔吝說人事

變化剛柔說卦畫從剛柔而為變化又自變化而為剛

柔所以下簡變化之極者未到極處時未成這箇物事

變似那一物變時從萌芽變來成枝成葉化時 纂註 楊

是那消化了底意思 淵此吉凶所由出 集解 氏

時曰總言爻之變動也 柴氏曰剛柔 是故吉凶者失

之爻推移不常以發易道變化之理

得之象也悔吝者憂虞之象也 集解 朱子曰吉凶悔吝者易之辭也得失

憂虞者事之變也得則吉失則凶憂虞雖未至凶然已足以致悔而取羞矣蓋吉凶相對而悔吝居其中間悔

自凶而趨吉吝自吉而向凶也故聖人觀
卦爻之中或有此象則繫之以此辭也
附錄 朱子語

趨於吉而未至於吉凶者將趨於凶而未至於凶必人
悔吝小於吉凶而將至於吉凶者也並悔吝便是吉凶
底交互處悔是吉之漸吝是凶之端文蔚剛過當為悔
柔過當為吝節悔屬陽吝屬陰悔是逞快做出事來了
有錯失處這便生悔所以屬陽吝則是那猥猥良良不
分明底所以屬陰亦猶驕是氣盈吝是氣歉易說過便
悔不及便吝必大吉凶悔吝四者正如剛柔變化相似
四者循環周而復始悔了便吉吉了便吝吝了便凶凶
了便悔正如生於憂患死於安樂相似蓋憂苦患難中
必悔悔便是吉之漸及至吉了少間便安意肆志必至
做出不好可羞吝底事出來這便是吝吝便是凶之漸
矣又至凶矣又却悔只管循環不已正如剛柔變化剛
了化了柔柔了變變便是剛亦循環不已何問本義
說悔吝者憂虞之象以為悔自凶而趨吉吝自吉而向

凶曰不然吉凶悔吝正是對那剛柔變化說剛極便柔
柔極便剛這四箇循環如春夏秋冬相似凶便是冬悔
便是春吉便是夏吝便是秋秋又是冬去曰此以配陰
陽則其屬當如此於人事上說則如何曰天下事未嘗
不生於憂患死於安樂若這吉中不知戒懼自是生出
吝來雖未至於凶畢竟是向那凶路去又曰日中則足
月盈則食自古極亂未
有不生於極治專家
纂註 朱氏曰得失之初微於毫
見憂慮虞度躊躇而不決者得失未判之時也又有悔
吝而憂虞之象見凡此明人道也 蔡氏曰象者有其
彷彿而未形之謂其辭之吉者則得之象可由之而見
其辭悔吝者則憂虞之象可由之而見憂慮也虞度也
能慮能度則可免失而致得矣此
言上文觀象繫辭明吉凶之義

變化者進退之象也

剛柔者晝夜之象也六爻之動三極之道也

呂音訓剛
柔者晝夜

之象三極陸氏曰虞本作晝夜者剛柔集解朱子曰柔變而
而進也剛化而趨於柔者進極而退也既變而剛則晝
而陽矣既化而柔則夜而陰矣六爻初二為地三四為
人五上為天動即變化也極至也三極天地人之至理
三才各一太極也此明剛柔相推以生變化而變化之
極復為剛柔流行於一卦六爻之附錄朱子語變化者
間而占者得因所值以斷吉凶也
剛化為柔柔變為剛蓋變是自无而有化是自有而无
也變化只進退便是進者陰變而為陽如自坤而乾
退者陽變而為陰如自乾而坤方變而未定故曰進退
若已定則便是剛柔也問變化者進退之象如此則
變是自微而著化是自感而哀曰固是變是自陰而陽
化是自陽而陰易中說變化惟此處最親切如言剛柔
者立本者也變通者趣時者也剛柔是體變通不過是
二者盈虛消息而已此所謂變化此章剛柔者晝夜之

象所謂立本變化者進退之象所謂起時變化者進退之象是剛柔之未定者剛柔者晝夜之象是剛柔之已成者蓋柔變而趨於剛是退極而進既變而剛則晝而陽既化而柔則夜而陰如子午卯酉是陰陽未定子午是陰陽已定又如四象之有老少故此兩句惟以子午卯酉言之則明矣然陽化為柔只恁地消縮去无痕迹故曰化陰變為剛是其勢浸長有頭面故曰變又曰剛柔便是箇骨子只管恁地變化並無問變者化之漸化者變之成蓋化无痕迹變有頭面逐漸消縮去无痕迹以至於无者化也陽化為陰剛化為柔暖化為寒是也其勢浸長突然改換有頭面者變也陰變為陽柔變為剛寒變為暖是也陽化為陰是進極而回故為退陰變為陽則退極而上故為進故曰變化者進退之象也先生云得之殊變是進化是退便與悔吝相似且以一歲言之自冬至至春分是進到一半所以謂之分自春分至夏至是進到極處故謂之至進之過則退至

秋分是退到一半處到冬至也是退到極處天下事物皆有此兩箇字繫辭一字也不胡亂下只人不子細看易說吉凶者失得之象也止剛柔者晝夜之象也四句皆互換往來乍讀似不貫穿細看來不勝其密吉凶與悔吝相貫悔自凶而趨吉進退與晝夜相貫進自陰而趨乎陽退自陽而趨乎陰也謀言易之所有皆人事也兼而兩之則為六爻動謂九六之變並其解纂註朱氏曰陰陽進退於子午孰知其然哉萬物繫解而搖落則進退之象見所謂變化者不盡於是也此特其凡耳糾察相分死生相纏无非其變化也故曰變化者進退之象也日升降於太虛之中本无晝夜由地上而觀之則出乎地為晝入乎地為夜然南極大暑北極大寒東西出入之際晝夜長短中國自不同故剛柔之象亦然凡此明天是故君子所居而安者易之序也所樂而地之道也

玩者文之辭也

呂音訓序陸氏曰陸績云序象也京云次也虞本作象晁氏曰虞作象舊讀序

作原或作序者非說之集作象乃與下義合樂陸氏曰音岳適會也虞本作所變晁氏曰虞云舊作樂誤玩陸

氏曰五亂反研玩也集解朱子曰易之序謂卦爻所著馬云會也鄭作既事理當然之次第玩者觀之

詳附錄

朱子語問所居而安者易之序何謂也曰序是次序謂卦爻之初終如潛見飛躍循其序則安

又問所樂而玩者文之辭曰橫渠謂每讀每纂註張子有益所以可樂蓋有契於心則自然樂必大纂註曰序

猶言分也易中有貴賤吉凶皆自然之分也所居皆安之君子安分也蔡氏曰序次序也自卦言否泰剝復

之類自又言潛見飛躍之類皆序也知其序之有常故居其位而安樂樂其理也玩習馱也辭者聖人所繫所

以明理知其理之无窮故樂而玩齊氏曰序作象則與上下文義合易唯序卦專言次第故不若作象若處

也象言吉凶悔吝蓋其理之自然勢之必然也君子窮理盡性以至於命知其合必如此恃必如彼而唯易之聽焉所謂安也南軒張氏曰爻辭雖吉凶得失之類而性命道德之奧寓焉是故君子居則

觀其象而玩其辭動則觀其變而玩其占是以自天祐

之吉无不利集解

程子曰聖人既設卦觀卦之象而繫之辭明其吉凶之理以剛柔相推而

知變化之道吉凶之生由失得也悔吝者可憂虞也進退消長所以成變化也剛柔相易而成晝夜觀晝夜則知剛柔之道矣三極上中下也極中也皆其時中也三才以物言也三極以位言也六爻之動以位為義乃其序也得其序則安夫辭所以明義玩其辭義則知其可樂也觀象玩辭而能通其意觀變玩占而能順其時動不違於天矣朱子曰象辭變已見上凡單言變者化在其中占謂其所值吉凶之決也此第二章言聖人

作易君子附錄朱子語居則玩其辭有不待占而自顯
學易之事者蓋問居則觀其象而玩其辭動則觀

其變而玩其占如何曰若是平時理會不得却如何理
會得占間常理會得此道理動時則可以此占決必大

居則玩其辭如潛龍勿用其理當此時只是潛晦不當
用若占得此文凡事便未可做所謂君子動則觀其變

而玩其占亦當知其理如此賀孫問所居而安與居則
觀其象之居不同上居字是總就身之所處而言下居

字是對動而言先生曰然蓋易有象然後有辭筮有變
然後有占象之變也在理而未形於事者也辭則各因

象而指其吉凶占則又因吾所值之辭而決焉其示人
也益以詳矣故君子居而學易則既觀象矣又玩辭以

考其所處之當否動而詠筮則既觀變矣又玩占以考
其所值之吉凶善而吉者則行否而凶者則止是以動

靜之間舉无遺理而自天祐之吉无不利也蓋觀
者一見而決玩者反覆而不舍之辭也答丘子野筮註

楊氏時曰觀象玩辭故能明吉凶之變觀變玩占故能
識時措之宜所以盡三極之道也 朱氏曰居者靜而
未涉於事也動者涉於事也居則觀卦之象而玩其辭
以探其隱蹟動則觀其剛柔之變而玩其辭之所占以
求不悖其道一動一靜不違天理則俯仰无愧心逸日
休德進業長用无不利蓋言道之所寓人當體之也
蔡氏曰觀象玩辭學易也觀變玩占用易也學易則无
所不盡其理用易則唯盡乎一爻之時居既盡乎天之
理動必合乎天之道故曰自天祐之吉无不利也 項
氏曰吉凶者失得之已定者也其憂虞之初謂之悔吝
變化者易之用也其所以變化則剛柔二物而已故觀
吉凶者必自悔吝始觀變化者必自剛柔始文王觀此
四者而繫之以辭請易者亦當觀此四者而玩文王之
辭則靜居動作无不利矣 雙湖先生曰上言君子居
觀樂玩皆是居之事下文以居對動言重在行之事矣
其曰觀象玩辭申上文義也嘗觀此第二章專論文王

周公繫辭以明伏羲卦象剛柔變化吉凶悔吝凡三極之道皆見辭中而君子學易必當合伏羲卦象文王周公卦爻辭兼得之未歸結在
 卜筮上以獲自天之祐也
 彖者言乎象者也爻者言

乎變者也

呂音訓爻陸氏曰爻反說文云爻也

集解

朱子曰彖謂卦辭文王所作者爻謂

爻辭周公所作者象指全體而言變指一節而言

附錄

朱子語爻是兩箇爻又看來只是交變之義變

謂剛柔相推而生者卦分明似將一片木畫掛於壁上所以為卦

纂註

張子曰象謂一片木畫掛於壁上所以為卦

時曰彖總言一卦之象若坤言牝馬之類是也六爻變動不可為典要故曰言乎變

蔡氏曰爻言剛柔變化

吉凶者言乎其失得也悔吝者言乎其小疵也无咎者

善補過也

呂音訓疵陸氏曰徐才斯反馬云瑕也

集解

朱子曰此卦爻辭之通例 附錄

朱子語問悔吝所以謂之小疵者只是以其未便至於
吉凶否曰悔是知道是錯便有進善之理吝只是心下
不足又不肯說只管隱惡芒護沒**纂註**南軒張氏曰悔
分曉然未至大過故曰小疵必大**纂註**吝雖未為大過
然悔未純吉吝未純凶如物有瑕疵也无咎本有咎能
以善補其過惡故无咎也朱氏曰易有言又誰咎者
其咎實自取自咎可也有言不可咎者義所當為才不
足也君子度德量力折之以中道则无咎矣吉凶悔吝
一也其實悔吝无咎所以明吉凶也彖不言无咎无咎
則悔可知矣吉凶而不言吝吝不足言也愚案西山
真氏歷舉易中无咎之文以釋補過之說而記其後云
予友湯伯紀曰无咎之所以善補過者蓋謂卦爻中有
時位之難處本當有咎以其善處故免所謂轉禍為福
易危為安故謂之善補過耳非真以為某卦某爻先有
過而後能改也今之所取本為改過而无咎之辭取之
太汎但當取豫上六臨六三復六三離初九損六四夬

九五六條皆改過之親切者餘爻可削伯紀之說是矣然當處難之時而處之善乃可以无過尤學者所宜盡心故存而不削是故列貴賤者存乎位齊小大者存乎因并記其說云

卦辨吉凶者存乎辭

呂音訓辨陸氏曰如字京云明也虞董姚顧惟蜀才並云別也

集

解朱子曰位謂六爻之位齊猶定也小謂陰大謂陽

附錄

朱子語問上下貴賤之位何也曰二四則

四貴而二賤五三則五貴而三賤上初則上貴而初賤上雖无位然本是貴重所謂貴而无位高而无民在人君則為天子父為天子師在它人則清高而在物外不與事者此所以為貴也 殊問齊小大者存乎卦龜山曰陽大陰小如何曰齊如分辦之義一云猶斷也小謂否睽之類大謂泰謙之類必大齊又不是整齊如叶字是分辦

字並纂註

楊氏叶曰陽大而陰小陽卦多陰則陽為之主陰卦多陽則陰為之主雖小大不齊而剛

柔得位為一卦之主則均 錢氏曰存字與上文言字
正相應言易中皆已具而可求也 雙湖先生曰自乾

坤外雖皆陰陽之雜然伏羲畫卦生於陽儀者三十二
生於陰儀者亦三十二陰陽均齊意其以此齊之也

憂悔吝者存乎介震无咎者存乎悔

呂音訓介陸氏曰
音界王肅干韓云

纖介也震陸氏曰馬云震驚也鄭
云懼也王韓云動也周云救也 集解 朱子曰介謂辨
別之端蓋善惡

已動而未形之時也於此憂之則不至於悔吝矣震
動也知悔則有以動其補過之心而可以无咎矣 附

錄 朱子語問憂悔吝者存乎介悔吝未至於吉凶是那
初萌動可以向吉凶之微處介又是悔吝之微處介

字如所謂界至界限之界是善惡初分界處於此憂之
則不至於悔吝矣曰然憚悔吝固是吉凶之小者介又

是幾微之間慮悔吝之來當察之幾微之際无咎者本
是有咎善補過則為无咎蓋震動也欲動而无咎當存

乎悔耳纂註以祁氏曰寬讀繫辭至憂悔吝者存乎介因書

細處也先生曰柳下惠不以三公易其介諸儒說異同

也吾謂介者謂細微不以三公易其介是毫毛无動其心

此則无及矣龍氏仁夫曰震動也不能察於其介事

謂補過也雙湖先生曰祁是故卦有小大辭有險易

辭也者各指其所之呂音訓險易陸氏曰以政集解程

則得无咎位有貴賤之分卦兼小大之義吉凶之道於

辭可見以悔吝為防則存意於微小震懼而得无咎者

以能悔也卦有小大於時之中有小大也有小大則辭

之險易殊矣辭各隨其事也朱子曰小險大
易各隨所向此第三章釋卦爻辭之通例
附錄朱
語問卦有大小舊說謂大畜小畜大過小過如此則只
說得四卦不知如何先生曰看來只是好底卦便是大
不好底卦便是小如復如泰如大有如夫之類盡是好
底卦如睽如困如小過之類盡是不好底卦譬如人光
明磊落落底便是好人昏昧迷暗底便不是好人所以謂卦
有小大辭有險易大卦辭易小卦辭險即此可見矣易
說遇好卦便說得平易如泰謙之類是也凶卦便說得
艱險如困睽之類是也並問卦有小大辭有險易陽為
大陰為小觀其爻之所向而為之辭如休復吉底辭自
是平易如困于葛藟底辭自是險曰這般處依約看也
是恁地自是不曾見得它底透只是依眾說如所謂吉
凶失得者之象一段却是徹底見得聖人當初作易時
意似這處更移易一字不得只是其它處不能
盡見得如此所以不能盡見得聖人之心
纂註
氏

曰辭各指其所之聖人之情也指之使趨時順性命之
理臻三極之道也能從則不陷於凶悔矣柴氏曰卦
之義雖无小大之用其辭可見辭有凶吉故險易以分
險辭憂懼戒謹之辭也易辭安平休美之辭也之適也
朱氏曰辭有易者之于吉也辭有險者之于凶也所
謂能研諸慮有憂慮悔吝非險辭不足以盡之龍氏
仁夫曰卦有管得義理闕如乾坤坎離否泰剝復之類
謂之大卦有主一事一物管得義理狹如家人歸妹困
漸睽蹇之類謂之小卦辭之易凡平易可通者是也辭
之險如見斗見沫窺戶无人與曳牛掣負塗載鬼之類
是也上文齊小大與此義同雙湖先生曰第一章夫
子論伏羲畫卦而有望於賢人之體易第二章論文王
周公繫辭而有望於君子之體易至此三章專論彖文
之辭汎示夫衆人之用易也意若曰彖辭言象使人知
卦之統體又辭言變使人知爻之推遷吉凶之辭以明
人事之得失悔吝之辭以明人事之小疵无咎之辭以

明人事之補過此自是一節教人知得失小疵補過之道也自是故以下又論夫位者使人知有貴賤也卦者使人知有小大也人知即辭以辨吉凶則失得亦可免矣人知介然之頃憂悔吝則小疵亦可免矣人知萌悔心自可无咎則亦自无過之可補矣此又自是一節教人辨吉凶憂悔吝震无咎之道至此則失得小疵補過又不足言矣然後總結之以是故以下之辭謂卦所以有小大辭所以有險易无非各指夫人所之也三章之意庶在

易與天地準故能彌綸天地之道

呂音訓準陸氏曰京云準

等也鄭云中也準也彌陸氏曰本又作彌綸陸氏曰音倫京云彌通綸知也王肅云綸纏裏也荀云彌終也綸

迹也天下之道今本作天地集解朱子曰易書卦文具之道陸氏曰一本作天地

準彌如彌縫之彌有終竟附錄朱子語彌若今所謂合之意綸有選擇條理之意附錄封彌之彌是恣地糊

合之使泯无縫罅底意思綸如絡絲之綸自有條理並
綸謂兩條絲相合各有條理言雖是彌得外而无縫罅
而中則事事物物各有條理彌則有脗合不滲漏之意
論有條理精密之意彌如大德敦化綸如小德川流彌
而非綸則空疎无物綸而非彌則判然不相干此二字
見得聖人下字甚密也義剛如天地之化雖是周密渾
然无有縫罅而其中萬事萬物莫不各有條理此易彌
綸之理然也聖人用易彌綸天地之道亦是如此淵易
道本與天地準所以能彌綸之凡天地有許多道理易
上皆有所以與天地準而能彌綸天地之道又曰天地
有未至處易却
能彌綸得他
纂註朱氏曰聖人觀天地以作易其道
甚大與天地均故能用天地之道
楊氏萬里曰易之未作也法天地之道以為易之道
故曰準準法也如太玄準易之準也易之既作也以易
之道而理天地之道故曰綸綸經理也如君子經綸之綸彌滿
也惟準則乎天地故能彌綸乎天地非以易理天地以

天地理天地也游氏曰彌之使不虧其體則履者
統元氣持載者統元形陽敷而能生陰肅而能成綸之
使无失其故則日月代明寒仰以觀於天文俯以察於
暑迭運將來者進成功者退

地理是故知幽明之故原始反終故知死生之說精氣

為物游魂為變是故知鬼神之情狀

呂音訓察於陸氏曰一本作觀於反

終陸氏曰鄭虞作及終說陸氏曰如字宋衷始銳反云舍也

集解

朱子曰此窮理之事以者聖人以易

之書也易者陰陽而已幽明死生鬼神皆陰陽之變天
地之道也天文則有晝夜上下地理則有南北高深原
者推之於前反者要之於後陰精陽氣聚而成附錄子
物神之伸也魂游魄降散而為變鬼之歸也
語原始反終故知死生之說但窮得則自知死生之說
不須將死生便做一箇道理求之闕然人能原始知得

生理一作所以土便能要終知得死理一作所以死若
不明得便雖千萬般安排着亦不濟事安節原始則足
以知其終反終則足以知其始死生之說如是而已矣
故以春為始而原之其必有冬以冬為終而反之其必
有春死生者其與是類也大隲夫子曰未知生焉知死
知生則知死矣能原始則能要終矣答鮑若而魂謂精
魂其死也歸乎天消散之意呂氏精義鬼是往而不反
之義問易言知鬼神之情狀果有情狀否曰有之又
問既有情狀必有鬼神曰易說鬼神便是造化也棘問
如名山大川能興雲致雨何也曰氣之蒸成爾又問既
有祭莫須有神否曰以氣便是神也今人不知此理才
有水旱便去廟中祈禱不知雨露是甚物從何處出復
從廟中求邪名山大川能興雲致雨却都不說著只於
山川外土木人身上討雨露土木人身上有雨露邪又
問莫是人與妖曰只妖亦无人心與之也世人只因祈
禱而有雨遂指為靈驗爾豈知適然精氣問世言鬼神

之事雖知其不然不能無疑懼何也曰此只是自疑爾
曰如何可曉悟其理曰理會得精氣為物游魂為變與
原始反終之說便能知也須是於原字上用工夫或曰
游魂為變是變化之變否曰既是變則堅者腐存者亡
更无物也鬼神之道只恁說與賢雖會得亦信不過須
是自得也或曰何以得无恐懼曰須是氣定自然不惑
氣未充要強不得朱子語觀察天地之文理是
就這裏地盤上言始終生死是以循環言精氣鬼神以
聚散言其實不過陰陽兩端而已人傑仰觀天俯察地
只是一箇陰陽聖人看許多般物事都不出陰陽兩字
便做河圖洛書也只是陰陽顯于問天文為陽地理為
陰是否曰然然天亦具陰陽日是陽月是陰晝是陽夜
是陰地東南是陽西北是陰平坦是陽險阻是陰高者
是陽下者是陰必大先生因擊正蒙方其形也有以知
幽之因方其不形也有以知明之故蓋以形之時幽之
因已在此不形之際其明之故已在此聚者散之因散

者聚之故。寓問天文，則有晝夜上下地理，則有南北高深。故是幽明之所以然者，曰晝明夜幽，上明下幽，晝夜之運，日月星辰之上下可見，天文幽明之所以然也。南明北幽，高明深幽，觀南北高深可見地理幽明之所以然也。然也。人傑問原始反終，曰反只如折轉來，謂方推原其始，却折轉來看其終。原字反字，皆就人說，反如回頭之意。必大問天地之化，雖生生不窮，然而有聚必有散，有生必有死，能原始而知其聚之生，則必知其後之必散。而死能知其生也，得於氣化之自然，初无精神寄寓於太虛之中，則知其死也，與氣而俱散，无復更有形象尚留於冥漠之內，曰死便是都散了。易說精氣為物，游魂為變，天地陰陽之氣，交合便成人物，到得魂氣歸于天體魄降于地，是為鬼便是變了。質孫精氣為物，是合精與氣而成物，精魄而氣魂也。游魂為變，變則是魂魄相離，獨說游魂而不言魄，魂離魄之意，自可見矣。美則死，則謂之魂魄生，則謂之精氣。天地公共底，謂之鬼神。變

魂精聚則魄聚氣聚則魂聚是以為人物之體至於精
竭魄降則氣散魂游而无所知矣降者屈而无形故謂
之鬼游者伸而不測故謂之神辨蘇易陰陽之始交天
一生水物生始化曰魄既生魄煖者為魂走有魂而後
有魄故魂常為主為幹倘若以精氣言則是有精氣者
方有魂魄但出底氣便是魂精便是魄譬如燒香燒得
出來底汁子便是魄那成煙後香底便是魂魂者魄之
光皎魄者魂之根本義剛魂氣升於天體魄歸於地魂
氣上升體魄下降不特人也凡物之枯敗其香氣騰上
物則腐於下推此可見萬間精氣為物游魂為變曰此
只是聚散聚而為物神也散而為變鬼也神屬陽鬼屬
陰又錯綜而橫看之則精為陰氣為陽就人身而言雖
是屬陽然體魄已屬陰蓋生之中已帶箇死底道理變
雖屬陽然魂氣上游體魄下降亦是具陰陽如言但落但
升也便是魂之游落即魄之降古人祭祀求諸陽所以
求其魂求諸陰所以求其魄必大陽魂為神陰魄為鬼

鬼陰之靈神陽之靈此以二氣言也然二氣之分甯一
氣之運故凡氣之來而方伸者為神氣之往而既屈者
為鬼陽為主伸陰主屈此以一氣言也故以二氣言則陰
為鬼陽為神以一氣言則方伸之氣亦有伸有屈其方
伸者神之伸其既屈者神之鬼既屈之氣亦有屈有伸
其既屈者鬼之鬼其來格者鬼之神天地人物皆然不
離此氣之往來屈伸合散而已此所謂可錯綜者也因
問精氣為物陰精陽氣聚而成物此總言神遊魂為變
魂游魄降散而成變此總言鬼疑錯綜而言曰然此所
謂人者鬼神之會也殊不知我曰吾間鬼神之名不知其
所謂子曰氣也者神之威也魄也者鬼之威也合鬼與
神教之至也注謂口鼻嗔吸為氣耳目聰明為魄氣屬
陽魄屬陰而今有人說眼光落這便是魄降今人將死
有云魄落若氣則升而散故云魂氣歸于天體魂歸于
地雖書云魂人陽神也魄人陰神也亦可取質稜橫渠
云物之初生氣日至而滋息物生既盈氣日反而游散

至之謂神以其伸也反之謂鬼以其歸也天下萬事萬物自古及今只是箇陰陽消息屈伸橫將屈伸說得貫通句孫橫渠說精氣自无而有游魂自有而无其說亦自分曉必大智孫問游魂為變間有為妖孽者是如何得未散曰游字是漸漸散者是為妖孽者多是不得其死其氣未散故鬱結而成妖孽若是疴羸病死底人這氣消耗盡了方死豈復更鬱結成妖孽然不得其死者久之亦散如今打麵做糊中間自有成小塊核不散底久之漸漸也自會散又如其取精多其用物弘如伯有者亦是卒未散也百孫觀文察變以至知鬼神之情狀皆是言窮理之事直是要纂註楊氏時曰天地之間知得許多然後謂之窮理纂註一氣而萬形一息而成古今達觀之士會物於一已通晝夜而知則雖死生之變无恒矣張子曰動物本乎矢以呼吸為聚散之漸植物本諸地以陰陽升降為聚散之漸又曰陰陽之氣散則萬殊人莫知其一也合則渾然人莫知其殊也

形聚為物形清反原反原者其游魂為變歟所謂變者對聚散存亡為文非如螢雀之化指前後身而為說也知晝夜陰陽則能知性命能知性命則能知鬼神又曰精氣者自无而有游魂者自有而无自无而有神之情也自有而无鬼之情也自无而有故顯而為物神之狀也自有而无故隱而為變鬼之狀也尹氏曰精氣為物游魂為變是死生之意否曰然是知鬼神之情狀只是說游魂一句朱氏曰陰陽之精五行之氣氣聚為精精聚為物及其散也五行陰陽各還其本故魂陽反於天魄陰歸於地又曰形始化曰魄氣能動曰魂傳曰心之精爽是謂魂魄子產曰人生始化曰魄既生魄陽曰魂及其散也形散而魄散故季札曰魂氣則无不之也神伸也其氣息而日息鬼歸也其氣散而日消物其形也散其情也然則氣何從而生乎曰太虛氣之本體人之形也動則聚而為氣靜則散而為太虛動靜聚散有形无形其鬼神之情狀乎楊氏萬里曰鬼神无聲

无臭何為而有狀狀且无也何為而有情曰物者具是形者也魂者使是形者也魂止則物存魂游則物亡游者止之變也亡者存之變也觀其聚散則鬼神之情狀可知矣記曰鬼神之德其威矣乎視之不見聽之不聞體物而不可遺洋洋乎如在其上如在其左右此其狀也易曰與鬼神合其吉凶又曰鬼神害盈而福謙此其情也 柴氏曰萬物皆有始故生有終故死有不倚於生死而 生不能違之者出乎震而成乎艮之說也 鄭氏原善曰易大傳言原始反終故知死生之說原者推究其本也反猶覆也謂以其始者而覆觀之也生者物之始死者物之終推究其始而知所以生則反觀其終而知所以死矣夫子答季路之間死雖不質言之然味其語實所以直季路之間而不隱也 蔡氏曰與天自仰觀天文至鬼神情狀三者以易窮理之事也 與天

地相似故不違知周乎萬物而道濟天下故不過旁行

而不流樂天知命故不憂安土敦乎仁故能愛

呂音訓
知陸音

智道陸氏曰如字鄭云道當作導流陸氏曰虞作變天集解朱子曰

曰如字京作留樂天陸氏曰虞作變天盡性之事也天地之道知仁而已知周萬物者天也道

濟天下者地也知且仁則知而不過矣旁行者行權之

知也不流者守正之仁也既樂天理而又知天命故能

無憂而其知益深隨處皆安而无一息之不仁故能不

忘其濟物之心而仁益篤蓋仁者愛之附錄程子語今

理愛者仁之用故其相為表裏如此語道則須

待要寂滅湛靜形使如槁木心使為死灰豈有直做

壁木石而謂之道所貴乎智周天地萬物而不遺又幾

時要如死灰所貴乎動大昭樂天知命通上下而言也

聖人樂天則不須言知命而信之者爾不知命无以為

君子是矣命者所以輔義一循於義則何庸斷之以命

哉若夫聖人之知天命則異於此大昭仁者不憂樂天

者也。詢仁者在己，何憂之有？凡不在己，逐物在外，皆憂也。樂天知命，故不憂此之謂也。若顏子簞瓢在，它人則憂而顏子獨樂者，仁而已。先庭朱子語與天地相似，故不違。凡其不違，以其與天地相似。若此心有外，必其與天地不相似矣。測與天地相似，方且无外，凡事都出這天地範圍之內，所以方始得知周乎萬物而道又能濟天下。旁行便也不走，作易說此下數句，皆是與天地相似之事。人傑與天地相似，是說聖人第一句。汎說知周乎萬物，而道濟天下，是細密底工夫。知便直要周乎萬物，无一物之適道，直要盡濟天下。董知周乎萬物，便只是知幽明死生鬼神之理。易說知周萬物，是體旁行，是可與權，乃推行處。樂天知命，是自處三節各說一理。淵旁行而不流，此小變而不失其大常。然前後却有故字，又相對此一句，突然易中自有恁地處，頗難曉。必大問安土敦乎仁，故能愛曰：此是與上文樂天知命對說。樂天知命，是知崇安土敦仁，是禮卑安是隨所居而

安在在處處皆安若自家不安何以能愛敦只是萬厚去盡已私純是天理更無夾雜充足盈滿方有箇敦厚之意只是仁而又仁敦厚於仁故能愛惟安土敦仁則其愛自廣又曰樂天知命主知言是崇德事安土敦仁主禮言是廣業事又曰敦是仁體能愛是及物處必大安土者隨所寓而安也敦乎仁者不失其天地生物之心也安土而敦乎仁則无過而非仁矣所以能愛也仁者樂山之意於此可見答何鶴安土者隨所寓而安若擇安處便只知有己不知有物也此厚於仁者之事故能愛也去偽安土敦乎仁故能愛聖人說仁是恁地說不似江西人說知覺相似又曰此語說仁最密淵上文易與天地準是言易之道與天地準此言與天地相似故不違是言聖人之道與天地相似此下數句皆是與天地相似之事上文易與天地準下數句皆是與天地準之事人傑問本義云知周萬物者天也道濟天下者地也是如何曰此與後段仁者見之謂之仁知者見之

謂之知又自不同此以清濁言彼以動靜言知之先知
得之地又言旁行而不流樂天知命故不憂此兩句本
皆是知之事蓋不流便是貞也不流自旁行是應變處
无本則不能應變能應變而无其本則流而入於變詐
矣細分之則旁行是知不流屬仁其實皆是知之事
對下文安土敦乎仁故能愛一句專說仁也人傑

註

楊氏曰天地與聖人无二道也列而為三則相似
而已故先後天而不違知周乎萬物而道不足以濟

天下則過矣道不足以濟天下則知亦有不周者若佛
老之徒則過之者也縱心之所為而各當於道則不流
矣莫之為而為者天也莫之致而致者命也苟能樂之
安之則事變之來猶風雨寒暑之序夫何憂素富者止
行乎患難隨所寓而安之則无惡於物矣又能敦乎仁
則天下无一物之非我也尚何所憂之有 柴氏曰極
高明故周蓋萬物之理道中庸故能濟天下敦仁者以
萬物為一體以體物之心安不擇之地愛无息時也

雙湖先生曰與天地相似故不違此統論聖人之體段
知周萬物道濟天下故不遇此指知仁與天地相似之
實處不過對不違而言惟其相似則配合无間所以不
違推其周萬物濟天下則廣大无外所以不過旁行而
不流樂天知命故不憂即周萬物之知而似乎天也安
土敦乎仁故能愛即道濟天下之仁而似乎地也不憂
對能愛而言惟知與天相似則極其高明矣隨其所行
汎應曲當此動而樂天之事也何憂之有惟仁與地相
似則極其博厚矣隨其所處厚重不遷此靜而安土之
事也何所不愛之有此聖人仁智盡性之學而上下與
天地同流

者蓋如此

範圍天地之化而不過曲成萬物而不遺通

乎晝夜之道而知故神无方而易无體

吕音訓範圍陸氏曰鄭云範法

也馬王肅張作犯違張云範違猶裁成也

知陸氏曰如字荀爽柔之明僧紹音智 集解 朱子曰 此聖人

至命之事也。範如鑄金之有模，範圍匡郭也。天地之化，无窮而聖人為之範圍，不使過於中道，所謂裁成者也。通猶衆也。晝夜即幽明，生死鬼神之謂如此。然後可見至神之妙，无有方所易之變化，无有形體也。此第四章言易道之大附錄。程子語範圍天地之化而不過者，聖人用之如此。附錄：模範出一天地，爾非在外也如此。曲成萬物，宜有遺哉。範圍天地之化，天本廓然无窮，但人以目力所及見其寒暑之序，日月之行，立此規模以窺測它天地之化，不是天地之化，其體有如城郭之類，都感其氣，假使言日升降於三萬里，不可道三萬里外更无物，又言天地升降於八萬里，中不可道八萬里外。天地盡學者，要默體天地之化，如此言之，甚與天地不相似。其卒必有窒礙，八關絲通乎晝夜之道，而知晝夜死生之道也。大隱晝夜死生之道，盡事人之道，則盡事鬼之道。死生生死一而二，二而一者也。精義冬寒夏暑，陰陽也。所以運動變化者，神也。神无方故易无體。若

如或者別立一天謂人不可以包天則有方矣是二本也絢 朱子語天地之化滔滔无窮如一爐金汁鎔化不息聖人則為之鑄馮成器使人模範匡郭不使過於中道也曲成萬物而不遺此又就事物之分量形質隨其大小闊狹長短方圓无不各成就此物之理无有遺闕範圍天地是極其大而言曲成萬物是極其小而言範圍如大德敦化曲成如小德川流人傑範圍天地之化範是鑄金作範圍是圓裏如天地之化都沒箇遮欄聖人便將天地之道一如用範來範成箇物包裹了試舉一端有如一歲分四時節候之類以此做箇漚輟更无過差此特其一爾 問範圍天地之化而不過如天之生物至秋而成聖人則為之斂藏人之生也欲動情勝聖人則為之教化防範此皆是範圍而使之不過之事否曰範圍之事闊大此亦其一事也今且就身上看如何或曰如視聽言動皆當存養使不過差此便是否曰事事物物无非天地之化皆當有以範圍之就喜怒

哀樂而言喜其所當喜怒其所當怒哀其所當哀樂其所當樂其
所當樂皆範圍也又曰能範圍之而不過曲成之而不
遺方始見得神无方易无體若範圍有不盡曲成有所
遺神便有方易便有體矣易說通乎晝夜之道而知既
曰通又曰知似不可曉通是兼通乎晝夜之道若通晝
而不通夜通生而不通死便是不知便是神有方易有
體了易說兼通乎晝夜之道而知其所以然也必大神
无方而易无體神便是在陰底又忽然在陽在陽底又
忽然在陰易便是或為陽或又為陰如為春又為夏為
秋又為冬交錯代換而不可以形體拘也易說易无體
這箇物事逐日各自是箇頭而日異而時不同淵无體
與那其體則謂之易不同各自一箇道理若恁地哀將
來說少間都說不去它那箇說上天之載无聲无臭其
體則謂之易這只說箇陰陽動靜閑關剛柔消長不着
這七八箇字說不了若喚做易只是一字便了又曰此
體是箇了淵窮理是知字上說盡性是仁字上說言能

造其極也於範圍天地是纂註南軒張氏曰天地之化

至命言與造化一般董陰陽之氣也萬物陰陽

之形也晝夜陰陽之理也此三者不外乎陰陽惟易則

能陰能陽故无體神則陰陽不測故无方聖人盡神易

之道故於天地之化能範圍之萬物能曲成之晝夜之

道能通之蔡氏曰天地之化而使之不過一動一植

晷化之過也聖人則能範圍之而使之不過一動一植

不得其遂則為有遺矣聖人則能委曲成就而使之不

遺張子曰體不偏滯乃所謂无方无體偏滯於陰陽

晝夜者物也若道則兼體而无累也以其兼體也故曰

一陰一陽又曰陰陽不測又曰一闔一闔又曰通乎晝

夜語其推行故曰道語其不測故曰神語其生生故曰

易其實一物指事而異名耳項氏曰易與天地準故

能彌綸天地之道此二句者一章之主意也自仰以觀

於天文至鬼神之情狀此三知者言易之所知與天地

準也伏羲觀天見陰陽之象察地見剛柔之形晝夜奇偶

以準其象使萬物之情皆以類從而天文地理遂與人
事物情相通為一而幽明之故可得而知矣原畫之所
由始二分四揲之變皆起於至一无朕之中要畫之所
以終三變六扐之餘復歸於至一无朕之始而死生之
說可得而知矣氣聚而為物奇偶之畫所以有象魂游
而為變九六之化所以為无迹而鬼神之情狀可得而
知矣自與天地相似至故能愛此四故者言易之所能
與天地準也奇偶之象正與天地相似故能於天下之
理无所違奇偶之變通於萬物之情故知雖崇而不失
之於過當於萬民之用故道雖廣而不失於流樂時位
之推移而知其卒歸於有數故能乘化而不憂隨時位
之險易而常遂其濟物之心故能无往而不用其愛夫
能其理故能通其變能通其變故能極其數能極其
數故能用其利凡易之所能備於此四者也自範圍天
地至易无體此三者總結一章之義以見其彌綸之
功也蓋易有奇偶二畫所以匡括天地之變化而天地

不能越乎其外所謂彌也曲成萬物之始終而无一物之或遺此所謂綸也此即上文四故之所能也通乎幽明死生鬼神之道而知无所不至此所謂道也此即上文三知之所知也是故天地之神无陰陽之定方而奇偶之變亦與之周流无定體此所謂易與天地一陰一準也此一節正以明始初之意而極言之也

陽之謂道集解

朱子曰陰陽迭運者附錄一程子語一陰

此理固深說則无可說所以陰陽者道既曰深則便是一作有二言開闔便是感既二則便有感所以開闔者道開闔便是陰陽老子言虛而生氣非也陰陽開闔本无先後不可道今日有陰明日有陽如人言形影蓋形影一時不可言今日有形明日有影有便齊有離了陰陽更无道所以陰陽者是道也陰陽氣也氣是形而下者道是形而上者形而上者則是密也並入闕錄一陰一陽之謂道道非陰陽也所以一陰一陽者道也如一

一闕一開謂之變良世朱子語一陰一陽往來不息
則是道之全體非陰陽之外別有道也胡問一陰一陽
之謂道陰陽氣也所以陰陽道也道也者陰陽之理也
此說得之荅石菴殊問一陰一陽之謂道曰此與下文
一闕一開謂之變語意相似陰陽非道也一陰又一陽
循環不已乃道也往來循環不已之意此理即道也鍊
陰陽之端動靜之機而已動極而靜靜極而動故陰中
有陽陽中有陰未有獨立而孤居者此一陰一陽所以
為道也辨蘇易大傳既曰形而上者謂之道矣而又曰
一陰一陽之謂道此豈真以陰陽為形而上者哉正所
以見一陰一陽雖屬形器然其所以為一陰而一陽者
乃道體之所為也荅陸九淵一陰一陽之謂道陰陽何
以謂之道當離合看董一陰一陽之謂道則陰陽是氣
不是道所以為陰陽者乃道也若只言陰陽之謂道則
陰是道今日一陰一陽不是道所以循環者乃道也一
闕一開謂之變亦然楊驥理則一而形者則謂之器其一

不形者則謂之道然而道非器不形器非道不立蓋陰陽亦器也而所以陰陽者道也是以一陰一陽往來不息而聖人指是以明道之全體也此一陰一陽之謂道之說也問一陰一陽之謂道便是太極否曰陰陽只是陰陽道便是太極程子說所以一陰一陽者道也並或問一陰一陽之謂道曰以一日言之則晝陽而夜陰以一月言之則望前為陽望後為陰以一歲言之則春夏為陽秋冬為陰從古至今恁地袞將去只是這箇陰陽孰使之然哉乃道也從此句下又分兩脚此氣之動為人物渾是一箇道理故人未生以前此理本善所以謂繼之者善此則屬陽氣曾既定為人為物所以謂成之者性此則屬陰學案一陰一陽此是天地之理如大哉乾元萬物資始乃繼之者善也乾道變化各正性命此成之者性也這一段是說天地生成萬物之意不是說人性上事真謂之纂註楊氏時曰通天下一氣耳名之也之謂直為也董纂註誰能出不由戶乎道者即

此而已又曰斯於穆不已純亦不已之意昏在其中矣
胡氏曰陽中有陰陰中有陽一陰一陽此太極之所

以為繼之者善也成之者性也集解朱子曰道具於陰而行乎陽繼言其

發也善謂化育之功陽之事也成言其具也性謂物之
所受言物生則有性而各具是道也陰之事也周子程

子之書言附錄程子語止於至善不明乎善此言善者

之備矣義理之精微无可得名且以至善目之

繼之者善此言善却言得輕但謂繼斯道者莫非善也
不可謂之惡八關錄生生之謂易是天之所以為道也

天只是以生為道繼此生理者即是善也善便有一箇
元底意思元者善之長萬物皆有春意便是繼之者善

也成之者性也成却待萬物自成其一作性性須得大
照朱子語問繼之者善繼則是此理之流行未賦與
在萬物曰如兩箇輪只管推流動不已萬化皆從此出
來某嘗喻之如兩片磨中間一箇磨心只管推轉不已

穀米四散撒出來所以為繼之者善顯子化育流行未
有定質者為陽此繼之者善附着成形不可變易者為
陰此成之者性大凡已成形後即漸衰息以至於盡所
以屬陰董繼之者善也元亨是氣之方行而未着於物
也是上一截事成之者性也利貞是氣之結成一物也
是下一截事節問妙合之始便是繼乾道成男坤道成
女便是成曰動而生陽之時便有繼底意至靜而成陰
方是成繼之者善便是公共底成之者性便是自家
底並董繼之者善如水之流行成之者性如水之止而
成潭也另說問繼之者善成之者性是道是器曰繼之
成之是器善與性是道人傑繼之者善易中本是就造
化上說到下旬成之者性方以人物而言黃灝陳淳問
繼之者善成之者性曰這箇理在天地間只是善无有
不善者生物得來方始名曰性只是這箇理在天則曰
命在人則曰性胡流行於造化處是善凝成於我即是
性繼是接續綿綿不息之意成是凝成有主之意大雅

造化所以發育萬物者為繼善萬物各正其性命者為成性純繼善是動處成性是靜處繼善是流行出來成性則各自成箇物事繼善便是元亨成性便是利貞及至成之者性各自成箇物事恰似造化都无可做了及至春來又流行出來又是繼善譬如禾穀一般到秋故冬藏千條萬穗各自成一箇物事了及至春又各自發生出以至人物以至禽獸皆是如此義剛孟子言性善繫辭云一陰一陽之謂道繼之者善也成之者性也如此則性善却是二事曰一陰一陽是總名繼之者善是二氣五行之事成之者性是氣化後事謹問孔子已說繼善成性如何人尚未知性到得孟子方說出到周先生方說得盡曰孔子說得細膩孟子說得疎略孟子不曾推原源頭不曾說上面一截只是說成之者性也易說周子通書誠上第一曰誠者聖人之本大哉乾元萬物資始誠之源也乾道變化各正性命誠斯立焉純粹至善者也故曰一陰一陽之謂道繼之者善也成之者

性也元亨誠之通利貞誠之復大哉易也其性命之源乎先生擇之曰此書與太極圖相表裏誠即所謂太極也言乾坤之元萬物所取以為始者乃實理流出而賦於人之本如水之有源即圖之陽動也天所賦為命物所受為性言乾道變化而萬物各得受其所賦之正則實理於是而各為一物之主矣即圖之陰靜也純不雜也粹无疵也言天之所賦物之所受皆實理之本然无不善之雜陰陽氣也形而下者也所以一陰一陽者理也形而上者也道即理之謂也繼之者氣之方出而未有所成之謂也善即理之方行而未有所以立之名也陽之屬也誠之源也成則物之已成性則理之已立者也陰之屬也誠之立也元始亨通利遂貞正乾之四德也通者方出而賦於物善之繼也復者各得而藏於己性之成也易者交錯代換之名卦爻之立由是而已天地之間陰陽交錯而實理流行一賦一受於其中亦猶是也又通書後錄曰善之與性固不可謂有二物也然繼

之者善自其陰陽變化而言也成之者性自夫人物稟受而言也陰陽變化流行而未有窮陽之動也人物稟受一定而不可復易陰之靜也以此辨之亦安得无二者之分哉然性善形而上者也陰陽形而下者也周子之意亦豈直指善為陽而性為陰哉但語其分則以為當屬之此耳答人辨繼善成性分屬陰陽乃通書首章之意但熟之自可見矣蓋天地變化不為无陰然物之未形則屬乎陽物正其性不為无陽然形器已定則屬乎陰答德明問明道先生曰人生而靜以上不容說才說性時便已不是性也凡人說性只是說繼之者善也孟子言人性善是也夫所謂繼之者善也者猶水流而就下也先生曰此繼之者善也指發處而言之也性之在人猶水之在山其清不可得而見也流出而見其清然後知其本清也所以孟子只就見孺子入井皆有怵惕惻隱之心處指以示人使知性之本善也易所謂繼之者善也在性之先此所引繼之者善也在性之後處

易以天道之流行者言此以人性之發見者言惟天道
流行如此所以人性發見亦如此周祖繼之者善也周
子是說生生之善程子說作人傑纂註齊氏曰道太極也
性之善用處各自不同答人傑纂註陰陽所乘之機也
動而生陽靜而生陰今不先言陽而先言陰將就所繼
而言也朱子曰繼者靜之後而動之端也若靜極之後
不繼之以動造化便從此合殺了宜道也哉一陰一陽
此生生之機所謂道也楊氏時曰繼之者善無間也
成之者性无虧也丘氏曰一陰一陽之謂道是就造
化流行上說繼之者善是就天所賦人所受中間過接
上說成之者性是就人心稟受上說如帝降
之衷天命之性所謂降所謂命即繼之之義仁者見之
謂之仁知者見之謂之知百姓日用而不知故君子之

道鮮矣

呂音訓鮮陸氏曰恣淺反師說云
盡也鄭作匙馬鄭王肅云少也

集解

程子曰
聖人作

易以準則天地之道易之義天地之道也故能彌綸天地之道彌綸也綸理也在事為倫治絲為綸彌綸偏理也偏理天地之道而復仰觀天文俯察地理驗之著見之跡故能知幽明之故在理為幽成象為明知幽明之故知理與物之所以然也原究其始要考其終則可以見死生之理聚為精氣散為游魂聚則為物散則為變化觀聚散則見鬼神之情狀萬物始終聚散而已鬼神造化之功也以幽明之故死生之理鬼神之情狀觀之則可以見天地之道易之義與天地之道相似故无差違相似謂同也知周乎萬物而道濟天下故不過義之所包知也其義周盡萬物之理其道足以濟天下故无過差旁行而不流旁通遠及而不流失正理順乎理樂天也安其分知命也順理安分故无所憂安去安所止也敦乎仁存乎同也是以能愛範圍俗語謂之模量模量天地之運化而不過差委曲成就萬物之理而无道失道晝夜闔闢屈伸之道而知其所以然如此則得天地

之妙用知道德之本源所以見至神之妙无有方所而易之準道无有形體道者一陰一陽也動靜无端陰陽无始非知道者孰能識之動靜相因而成變化順繼此道則為善也成之在人則謂之性也在眾人則不能識隨其所知故仁者謂之仁知者謂之知百姓則由之而不知故君子之道人鮮克知也朱子曰仁陽知陰各得是道之一隅故隨其所見而目為全體也日用不知則莫不飲食鮮能知味者又其每下者也然亦莫不有是道焉或曰上章以知屬乎天仁屬乎地與附錄程子此不同何也曰彼以清濁言此以動靜言附錄語一陰一陽之謂道自然之道也繼之者善也出道則有用元者善之長也成之者却是性各正性命者也故曰仁者見之謂之仁知者見之謂之知百姓日用而不知故君子之道鮮矣如此則亦无始亦无終亦无因甚有亦无因甚无亦无有處有亦无无處无如這箇義理仁者又看做仁了也知者又看做知了也百姓日用而不

知此所以君子之道鮮矣此箇義理亦不少亦不剩只是人看它不見大眼朱子語問仁者見之謂之仁知者見之謂之知百姓日用而不知故君子之道鮮矣此言萬物各具是性但氣稟不同各以其性之所近者闢之故仁者只見得它發生流動處而以為仁知者只見得它貞靜處便以為知下此一等百姓日用之間習矣不著行矣不察所以君子之道鮮矣此章自易與天地準以下只是言箇陰陽至仁者見之謂之仁知者見之謂之知謂各隨人氣稟偏處見仁亦屬陽知亦屬陰此又分著陰陽如繼之者善成之者性便是於造化流行處分陰陽此是指人氣稟有偏處分屬陰陽耳或問程子知周乎萬物而道濟天下故不過釋之曰義之所包知也大意如何曰程子說易與天地準故能彌綸天地之道此固指書而言自仰觀俯察以下須是有人始得蓋聖人因易之書而窮理盡性之事也若呂伯恭太極動極而靜靜而生陰不成動以前便无靜程子言

動靜无端陰陽无始蓋此亦且從那動處說起若論那動以前又有靜靜以前又有動如云一陰一陽之謂道繼之者善也道繼字便是動之頭若只一闕一闕而无便是合殺了又問繼是動靜之間否曰是靜之終動之始也且如四時到得冬月萬物都歸窠了若不生來年便都息了蓋是貞而復生元无窮如此義剛太極之有動靜是天命之流行也所以一陰一陽之謂道誠者聖人之本物之終始而命之道也其動者誠之通也繼之者善萬物之所資以始也其靜也誠之復也成之者性萬物各正其性命也動極而靜靜極而動一動一靜互為其根命之所以流行而不已也動而生陽靜而生陰分陰分陽兩儀立焉分之所以一定而不移也蓋太極有本然之妙也動靜有所乘之機也太極形而上之道也陰陽形而下之器也是以自其著者而觀之則動靜不同時陰陽不同位而太極无存焉自其微者而觀之則沖漠无朕而動靜陰陽之理已悉備於其中矣

雖然推之於前而不見其始之合引之於後而不見其終之離也故程子曰動靜无端陰陽无始非知道者孰

能識之

纂註

齊氏曰仁者見之於已動之後而識其動而及物之機故曰仁知者見之於未動之

先而識其復而幹事之體故曰知百姓則又行不著習不察而全未有見者也百姓固未見道仁者知者亦未

見道之全故曰君子之道鮮矣君子何道也一陰一陽之道也上文所謂天地之道也故必有知幽明之故知

死生之說知鬼神之情狀與天地相似之聖人而後可以成位乎其中矣不然仁者知者之知其視百姓之日

用而不知亦何以大相遠哉尹氏曰百姓日用而不知何以與知與能天地同體耳天地之有陰陽晝夜人

之有生死進退知顯諸仁藏諸用鼓萬物而不與聖人此則與天地同功

同憂盛德大業至矣哉

呂音訓藏陸氏曰才剛反鄭作臧云善也晁氏曰集蒙无臧字

鄭訓**集解**朱子曰顯自內而外也仁謂造化之功德之非耳**發也**藏自外而內也用謂機械之妙業之本

也程子曰天地无心而**附錄**程子語天地之大德曰生成化聖人有心而無為**其生可見也**所以生之者

用也故曰顯諸仁藏諸用解鼓萬物而不與聖人同憂聖人入也故不得無憂天則不為无存不為祭亡者

也物天地鼓萬物如此聖人循天理而欲萬物同之故以有憂患解天地以无心故不憂聖人致有為之事故

憂尹焞聖人有為之功天地不宰之功解鼓動萬地與人異處聖人有不能為天之所為處解鼓動萬

物聖人之神知則不可名或問老子言天地不仁聖人不仁如何曰謂天地不仁以萬物為芻狗是也謂聖

人不仁以百姓為芻狗非也聖人宜有不仁所患者不仁也天地何意於仁鼓舞萬物而不與聖人同憂聖人

則仁此其為能弘道也時氏拾遺朱子語顯諸仁是**用底**速藏諸用是仁底心顯諸仁是流行發見處藏諸

用是流行發見底物事顯諸仁千頭萬緒藏諸用只是
一箇物事作顯諸仁底骨子顯諸仁是繼之者善也藏
諸用是成之者性也天下萬事萬物其槩然發見處皆
是顯然者然一事自是一事一物自成一物便是用藏
在這裏如元亨利貞元亨是流行處利貞是流行底骨
子流行箇甚麼是流行這貞而已此顯諸仁藏諸用之
謂也又云顯諸仁似忠藏諸用似恕顯諸仁似以貴藏
諸用似一易說顯諸仁如春生夏長其發生彰露可見
者藏諸用是所以生長者藏在裏面而不可見又這箇
有作先後說如元亨利貞之類有作表裏說處便是這
裏又曰譬之仁發出來便是惻隱之心便是顯諸仁仁
便藏在惻隱之心裏面便是骨子人傑顯諸仁是元亨
誠之通藏諸用是利貞誠之復並顯諸仁如惻隱藏諸
用似仁也惻隱羞惡辭遜是非顯諸仁也仁義禮智藏
諸用也只是這一箇惻隱隨事發見及至成那事時一
事各成一仁此便是藏諸用其發用時在這道理中發

去及至成這事時又只是這一箇道理此便是業業是
事之已成處易託顯諸仁似隱而貴藏諸用似貴而隱
董顯諸仁易說藏諸用極難說這用字如橫梁說一故
神神字用字一樣人無顯諸仁者德之所以盛藏諸用
者業之所以成譬如一樹一根生許多枝葉花實此是
顯諸仁處及至結實一枝成一箇種子此是藏諸用處
生生不已所謂日新也萬物无不具此理所謂富有也
董又曰如此一大穗禾其始只用一箇母子少間成穀
一箇各自成得一箇將去種植一箇又自成一穗又開
枝開葉去所以下文謂富有之謂大業人無鼓萬物而
不與聖人同憂此正是顯諸仁藏諸用底時節盛德大
業便是顯諸仁藏諸用成就處也天地造化是自然聖
人雖生知安行然畢竟是有心去做所以說不與聖人
同憂淵盛德大業至矣哉是贊歎上面顯諸仁藏諸用
又曰盛德大業至矣哉只是說易之理非指聖人而言
董明道二語最好天地无心而成化聖人有心而无為

无心地鼓萬物亦何嘗有心來誤

纂註

邵子曰若日月之照臨四時成

歲顯諸仁也故不與聖人同憂

然藏諸用也

楊氏時曰其生也

其殺也咸其自取天地不能加毫末於其間也尚何與聖人同憂哉蓋聖人與人羣也其憂樂以天下則與天

地異矣仁與用天地之德業也其盛大孰加焉

朱氏曰天理自動萬物聽之鼓萬物也此天道无心之妙猶

不與聖人同憂者聖人有相之道不以其可憂者同乎无憂以為配天地立人道者存乎已易之道是已則聖

人感德大業豈不至矣乎

蔡氏曰用者神運无迹仁者庶物露生故在天則生者為仁而所以生者為用在

聖人則發者為仁而所以發者為知天不可以知言也知不離乎心有則有憂此天人之道所以分也故曰

鼓萬物而不與聖人同憂仁與用天地之德業而其感大又有非聖人所能至者故曰至矣哉

勉齋黃氏曰

或問本義云顯自內而外藏自外而內竊疑造化之功固有自內而外機緘之妙何以見其自外而內答曰仁本是在內以其發出在外故謂之自內而外用本是在外以其收藏歸內故謂之自外而內如春夏之生長萬物便是顯諸仁至秋冬則收斂成實便是藏諸用春夏是顯秋冬所藏之仁秋冬是藏春夏所顯之用富

有之謂大業日新之謂盛德集解

朱子曰張子曰富有者大而無外日新者

久而無窮附錄

程子語君子之學必日新日新者日進也不日新者必日退未有日新而不退者唯聖人

之道无所進退以其所造者極也大隱問日新有進意抑只是无弊意曰有進意學者求有益須是日新也

朱子語先說箇富有方始說日新此與說宇宙相似先是有這箇物事了方始相連相續去富之謂大業言萬物萬事无非得此理所謂富有也日新是只管運用流行生生不已富有之謂大業以人言之須是天下

事无不理會方得若才工夫不到業无由得
纂註曰富
大小間措置事業便有欠闕此便有病

有之謂歟陰陽升降變化不窮其日新之謂歟
真氏
有廣人不禦日新悠久无疆天高地下萬物散殊其富

曰此雖言易之理然易也天地也聖人也一而已矣生
物无窮天地之大業也運行不息天地之威德也功及

萬世聖人之大業也終始日新聖人之威德也學者有
志於進德修業者亦必以天地聖人為法蓋非富有不

可以言大業非日生生之謂易集解朱子曰陰生陽陽
新不可以言威德

與書皆附錄程子語所以謂萬物一體者皆有此理只
然也為從那裏來生生之謂易生則一時生皆

完此理人則能推物則氣昏推不得不可謂他物不與
有也生生之謂易生生之用則神也絢生生之謂易

是天之所以為道也天只是以生為道大旺天地陰陽
其勢高下甚相背然必相須而為用也有陰便有陽有

陽便有陰有一便有二才有一二便有一二之間便是
三已往便无窮老子亦言三生萬物此之謂生生之謂
易理自然如此 維天之命於穆不已自是理之相續
不已非是人為之如使可為雖使百萬般安排也須是
有息時只為无窮故不息中庸言不見而章不動纂註
而變无為而成天地之道可一言而盡也 並安節
朱氏曰陽生陰陰生陽陽復生陰陰復生陽生生不窮
如環无端此之謂易 程氏鉅夫曰生生之謂易剝初
盡而復已生生不息靡有間絕象辭變占雖其別
有四生生之理則一而已外此二字不足以知易 成

象之謂乾效法之謂坤

呂音訓成象陸氏曰蜀才作威
象又法今本作效法陸氏曰故

孝反馬韓如字云故也蜀才
作效晁氏曰秦爻占爻效字集解
朱子曰效呈也法謂造化之詳密而可見

者附錄朱子語既說威德大業又說它只管恁地生去
所以接之以生生之謂易是漸說入場上去成

象之謂乾效法之謂坤乾只略成一箇形象到得坤便都呈見出許多法來又曰到坤處都細了萬物一齊出見象謂風霆雨露日星只是箇象效法則效其形法而可見也人惟成象之謂乾效法之謂坤依舊只是陰陽凡屬陽底便只有箇象是方做未成形之意已成形便屬陰成象便如日月星辰風霆之類亦無箇實體只有箇懸象如此效者陳也呈也如禮記中效羊效犬效馬今人言效力之效法是一成已成已定之物可以形狀見者如條法亦是實有一定已成之法乾便略坤便備必大成象之謂乾此造化方有些顯露處效法之謂坤則效其形法而可見以法言之大段詳密矣效字難看如效順效忠效成之效有陳獻底意思乾坤只是理理本无心自人而觀猶必待乾之成象而後坤能效法然理自如此本无相待大槩乾底只是成得這箇大象到得坤底則漸次詳密資**纂註**柴氏曰朕兆之可見者皆成始資生於此可見淵

著見所以為坤 齊氏曰見乃謂之象成象其生而可見者也 觀下文言大生可見成象則可法矣 效因其成象而法之也 觀下文言乾靜也專而坤為之翕 乾動也直而坤為之闢 可見 極數知來之謂

占通變之謂事集解

朱子曰占筮也 事之未定者屬乎陽也 事行也 占之已決者屬乎

陰也 極數知來所以通事之變 張附錄 朱子語占出這忠定公言公事有陰陽意蓋如此 事人便依它這

簡做便是通變之謂事 看來聖人說到至處便說在占上去則此書分明是要做占用矣 張乖崖說公事

未判時屬陽已判後屬陰便是此意 公事未判生殺輕重都未定今已判了更不可易又曰乖崖曾見希夷來

其言亦自太極圖 淵自富有至效法是說其理如此 用處却在那極數知來與通變謂事上面 蓋說上面許多

道理要做這 纂註 朱氏曰天數二十有五地數三十極般用顯子 天地之數而吉凶可以前知此之謂

占 張子曰極數知來前知也前知其變有道術以通
之君子之所以措於民者遠矣 蔡氏曰極數極著數

也通變通卦變也 齊氏曰下文一闕一闕謂之變住
來不窮謂之通彼言其自通也故曰變通此言聖人通

之也故 陰陽不測之謂神 集解 程子曰運行之跡生育
曰通變 之功顯諸仁也神妙无

方變化无迹藏諸用也天地不與聖人同憂天地不宰
聖人之心也天地无心而成化聖人有心而无為天地

聖人之威德大業可謂至矣富有溥博也日新无窮也
生生相續變易而不窮也乾始物而有象坤成物而體

備法象著矣推數可以知來物通變不窮事之理也天
下之有不離乎陰陽惟神也莫知其鄉不測其為剛柔

動靜也 朱子曰張子曰兩在故不測 此第五章言
道之體用不外乎陰陽而其所以然者則未嘗倚於陰

陽也 附錄 程子語游定夫問陰陽不測之謂神先生曰賢
是疑了問是揀難底問是 以客語 仲尼於論語

中未嘗說神字只於易中言數處而已八關錄日新之謂盛德生生之謂易陰陽不測之謂神要思得之編

朱子語陰陽不測之謂神是總結這一段不測者是在這裏又在那裏便只是這一箇物事走來走去无處不

在六十四卦都說了這又說三百八十四爻許多變化都只是這一箇物事周流其間學家問日新之謂盛德

生生之謂易陰陽不測之謂神要思得之明道提此三句是如何曰此三句也是緊要須是看本文方得問德

是得於已底業是發出來底德便是本生生之謂易便是體成象謂乾效法謂坤便是裏而交錯底曰乾坤

其易之溫易是一塊乾坤是裏面往來底聖人作易便是如此又問陰陽不測之謂神便是妙用處曰便是包

括許多道理並橫渠說得極好一故神橫渠親注云兩在故不測只是這一物却周行事物之間如所謂陰陽

屈信往來上下以至行乎什百千萬之中纂註張子曰无非這一箇物事所謂兩在故不測淵

體一故神兩在故不測兩故化推行乎一又曰氣有陰陽推行有漸為化合一不測為神 楊氏時曰以其富
有則謂之大業以其日新則謂之盛德至於不測之神
皆若是而已其實一物也知所謂一物則凡散殊不一
物者皆源源自見矣 丘氏曰上章言易无體此言生
生之謂易惟其生生所以无體上章言神无方此言陰
陽不測之謂神惟其不測所以无方言易而以乾坤繼
之乾坤毀則无以見易也言卦而以占事先之占事則
神所托而顯者也 神易用而變化无窮其實則不越乎
陰陽兩端而已 雙湖先生曰此章專論陰陽之道在
造化與易書其在造化者生而為人則自繼善成性之
後而有仁知百姓之分生而為物則自顯仁藏用之後
而有鼓萬物之妙君子之道鮮聖人所憂也造化不預
焉而自極其德業富有日新之至其在易書者自生儀
象以至生卦成象而為乾陽之為也效法而為坤陰之
為也此陰陽之在卦者極七八九六之數而占以知來

通陰陽老少之變而因以作事此陰陽之在著者故首之以一陰一陽之謂道終之以陰陽不測之謂神其體則謂之道其用則謂之神在造化者以體言在易書者以用言也聖人其殆假易書之陰陽以洗其憂世之心望天下為君子之歸而成造化所不及之能者歟

夫易廣矣大矣以言乎遠則

不禦以言乎邇則靜而正以言乎天地之間則備矣

音呂

訓禦陸氏曰魚呂反禁止也邇今本作迹陸氏曰本又作邇音尔

集解

朱子曰不禦言无盡靜而正言

即物而理存備言无所不有

附錄

朱子語易不是象乾坤乾坤乃是易之子曰下面一壁子是乾一壁

子是坤蓋說易之廣大是這乾便做它那大坤便做它那廣淵問以言乎遠則不禦以言乎邇則靜而正曰无小无大无物不包然當體便各具此道理所謂靜而正者宜着工夫看徐又曰未動時便都有此道理都是真

實所以下箇正字必大靜而正謂觸處皆見有此道不
待安排不待措置雖至小至近至鄙至陋之事無不見
有隨處皆見足無所欠
纂註 楊氏時曰以言乎遠則無
闕只觀之人便見人傑
外故不樂以言其過則非
求諸外也取諸身而已反而隱之於吾心則所謂靜而
正者默可識矣 蔡氏曰正不偏備偏也言乎遠其理
不以遠而窮言乎過其理不以過而偏
夫乾其靜也專
言乎天地之間不以事物之多而不備

其動也直是以大生焉夫坤其靜也翕其動也闢是以

廣生焉 呂音訓專陸氏曰陸績作埴音同翕陸氏
曰虛級反故也闢陸氏曰婢亦反闢也
集解

朱子曰乾坤各有動靜於其四德見之靜體而動用靜
別而動交也乾一而實故以質言而曰大坤二而虛故
以量言而曰廣蓋天之形雖包於地之外而其
氣常行乎地之中也易之所以廣大者以此
附錄 程子

語乾陽一有物字也不動則不剛其靜也專一其動也直直遂不專一則不能直遂坤陰一有物字也不靜則不柔一作殊其靜也翁翁聚其動也開發散不翁聚則不能發散翁聚朱子語乾不專一則不能直遂坤不翁聚則不能發散翁聚坤靜翁動開而廣生這說陰陽體性如此卦畫也仿佛似恁地測以乾坤二卦觀之亦可見乾畫奇便見得其靜也專其動也直坤畫偶便見得其靜也翁其動也開並這箇只是說理然也是說畫有這理便有是畫畫是載得那理底測天之性情健而无息其靜也專是性其動也直是情坤亦然問陽奇陰偶就天地之實形上看如何見得曰大生是渾淪无所不包廣生是廣闊能容受得那天之氣專直則只是一物直去翁開則是兩箇翁則合開則開此奇偶之形也另說地到冬間都翁聚不開至春則天氣入地氣開以迎之天自是一地自是二凡物皆然蓋天之形雖包乎地之外而其氣

實透乎地之中地雖是一塊物事在天之中實虛容得
天許多氣乾靜專動直大生都是一底意思大而兀間
斷故曰大生坤得靜翕動闢便是兩箇物事其翕也兩
箇之聚其闢也兩箇之閒它中間盡容得天許多氣所
以說廣生又曰陰自虧不可盈只得一半兩箇方做得
一箇輝大抵陰是兩件如陰文兩畫闢是兩開去翕是
兩合如地皮上生出物來地皮須開今天固包着地然
天之氣却貫在地中地却虛有以受天之氣下文大生
廣生云者大是一箇大抵物事廣便容得許多物事大
字實廣字虛必大地却是有空闕處天却四方上下都
周匝无空闕偏塞滿皆是天地之四向底下却靠着那
天天包地其氣无不通恣地看來渾只是天了氣却從
地中进出又見地廣處橫梁云地對天不過問本義
云乾一而實故以質言而曰大坤二而虛故以量言而
曰廣曰此兩句解得極分曉蓋曰以形言之則天包地
外地在天下所以說天之質大以理與氣言之則天之

氣却盡在地之中地盡承受得那天之氣所以說其量
廣天只是一箇物事一故實從這裏面便實出來流行
發生只是一箇物事所以說乾一而實地形雖是堅實
然却虛天之氣流行乎地之中皆從地裏面發出來所
以說坤二而虛用之云地如人之肺形質雖硬而中本
虛故陽氣升降乎其中无所障礙雖金石也透過去地
便承受得這氣育萬物曰然要之天之形如一箇鼓鞞
中間包得許多氣開闔消長中間盡是這氣升降往來
緣中間虛所以容得天以其包地所以說其質之大地
以其容得天之氣所以說其量之廣非是說地之形有
盡故以量言也只是說地盡容得天之氣所以說其量之
廣耳今治歷家用律呂候氣其法最精氣之至也分寸
不差是這氣都在地中透上來如十一月冬至黃鍾管
距地九寸以葭灰實其中至之日氣至灰去晷刻不差

人
纂註

楊氏曰乾君道也故其靜而專專故能直
猶所謂方正於天下也故大生焉大則无外坤

承順乎乾者也故其靜也翕翕受乾之施也故廣大配其動也闢受而施生也故廣生焉廣則有方也

天地變通配四時陰陽之義配日月易簡之善配至德

呂音訓易集解程子曰易道廣大推遠則无窮近言則陸以歧反

同乾靜也專動也直專專一也直直遂也惟其專直故其生物之功大坤靜翕動闢坤體動則閒應乾閒闕而

廣生萬物廣大天地之功也變通四時之運也一陰一陽日月之行也乾坤易簡之功乃至善之德也朱子

曰易之廣大變通與其所言陰陽之說易簡附錄朱子曰德配之天道人事則如此此第六章

見廣大則於天地乎觀之欲見其變通則於四時乎觀之欲知陰陽之義則觀於日月可見欲知易簡之善則

觀人之善可見易說林學履問廣大配天地莫是配合否曰配只是似下句云變通配四時四時如何配合四

時是流行不息所謂變通者如此又問易簡之善配至德至德亦如何配合曰易簡是常行之理至德是自家所得者最剛問這配字是配合底意思否曰是相似之意也是易上有這道理如人心之至德也易說廣大配天地變通配四時陰陽之義配日月是以易配天易簡之善配至德是以易配人之至德人昧問簡易之善配至德曰此是將易中之理取外而一事來對謂易之廣大便配天地易之變通便如四時寒暑之往來如老陰變陰老陰變陽陰陽之義便與日月相似易簡之善便如在人至德必大上而幾句是虛說底這簡配天地四時日月至德纂註朱氏曰夫子於泰伯之讓文王是說它實處董德孝也皆謂之至德德至於是無以復加矣楊氏萬里曰此章聖人所以贊易之道其極至於廣大之二言其原生於乾坤之二卦也項氏曰夫易廣大夫此章之總目也遠而不禦即直與闢也邇而靜正即專與翕也天地之間備矣即大生廣生

也易之為道一與兩而已乾即一也靜而守一則其事專而无不閉動而用一則其行直而无不開此乾所以為萬物之父坤即兩也兩閉者為翁言與乾俱閉也兩開者為闕言與乾俱開也此坤所以為萬物之母大者无不統也廣者无不承也自廣大而至易簡其言之序自博而趨約也天地之間至大者天地至變者四時至精者日月至善者至德易之書具此四者豈不謂之備乎 雙湖先生曰此章大旨誠齋已得之又觀以廣大贊易而其所謂廣大者乃生於乾坤則夫所謂贊易者乃所以贊乾坤也然必及於變通陰陽之義易簡之善則非特廣大不淪於空虛无用且可以見乾坤有至精至粹之實者矣謂易為卜筮書流於伎藝曷不觀諸此

子曰易其至矣乎夫易聖人所以崇德而廣業也知崇

禮卑宗效天卑法地

呂音訓知陸音智禮陸氏曰蜀才禮作體卑陸氏曰必彌反本又作

婢徐音集解朱子曰十翼皆夫子所作不應自著子曰婢下同字疑皆後人所加也窮理則知崇如天而

德崇循理則禮卑如地而業附錄程子語問知崇禮卑廣此其取類又以清濁言也曰崇底便是知卑底

便是禮游氏拾遺兵法遠交近攻須是審行此道知崇禮卑之息精義朱子語知是知處禮是行處知儘要

高行却自近起董知崇者德之所以崇禮卑者業之所以廣禮才有些子不到處這業便有所欠闕便不廣矣

地惟其極卑无所欠闕所以廣人無知崇天也是致知事要得高明禮卑地也是事事都要踐履過卑便業廣

必大知却要極於高明禮却要極於卑順如禮儀三百威儀三十職悉委曲无非至卑之事如羹之有菜者用

挾其无菜者不用挾主人升東階客上自西階皆不可亂然不是強安排皆是天理之自然人無所謂德言威

禮言恭禮便是要極卑故无物事无箇禮雖於至微至細底事皆當畏謹戒懼惟恐失之這便是禮之卑處禮

儀三百威儀三千无非卑底事然又不是強安排皆是
天理合如此知識日多則知益高又曰這事也合禮那
事也合禮積累得多業便廣易說知崇天也是致知事
禮卑地也是踐履事知識貴乎高明踐履貴乎着實知
既高明須是放低着實做去顏子以能問於不能以多
問於寡有若无實若虛犯而不校與曾子三省其身惟
恐謀之不忠交之不信傳之不習其知之崇如彼而禮
之卑如此宜有一毫自滿自是強辨取勝之心乎鉢禮
卑是卑順之意界便廣地卑便廣高則狹了人若揀取
高底做便狹兩脚踏地做方得若是着件物事填一二
尺高便不穩了如何會廣地卑便會廣世上更无卑似
地底又曰禮卑是從貼底謹細處做去所以能廣 林
宰問卑字如何解曰只是卑約意須常本卑約之意方
可行禮若知則超越流通无往不可也且淵知崇禮界
這是兩截知崇是知識起邁禮界是須就切實處行若
知不高則識見淺陋若履不切則所行不實知識高便

是象天所行實便是法地識見高於上所以行實於下中間便生生而不窮故說易行乎其中成性存存道義之門大學所說格物致知是知崇之事所說誠意正心修身齊家治國平天下是禮卑之事曾孫人之知識不可不高明而行之在乎小心如大學之格物致知是知崇處誠意正心修身是禮卑處有開學只是知與禮它這意思却好禮便細密中庸致廣大
纂註齊氏曰就天地盡精微等語皆只是說知禮淵
就聖人言曰崇德廣業崇欲其威廣欲其大也知屬水內陽而外陰故欲崇禮屬火內陰而外陽故欲卑蓋亦各矯其質也天下莫有崇於天者故欲
天地設位而易

行乎其中矣成性存存道義之門集解

程子曰易之道其至矣乎聖人

以易之道崇大其德業也知則崇高禮則卑下高卑順理合天地之道也高卑之位設則易在其中矣斯理也

成之在人則為性成之者性也人心存乎此理之所存
乃道義之門也 朱子曰天地設位而變化行猶知禮
存性而道義出也成性本成之性也存存 附錄 程子語
謂存而又存不已之意也 此第七章 天地設
位而易行其中何不言人行其中蓋人亦物也若言神
行乎其則人只於鬼神上求矣若言理言誠亦可也
而特言易者欲使默識而自得之也 天地設位而易
行乎其則只是敬也敬則無間斷體物而不可遺者誠
敬而已矣不誠則無物也詩曰維天之命於穆不已於
乎不顯文王之德之純純亦不已純則無間斷矣 且
與做中若以四方之中為中則四邊無中乎若以中外
之中為中則外無中乎如生生之謂易天地設位而
易行乎其則中豈可只以今之易書為易乎中者且謂之
中不可捉一箇中來為中 天地只是設位易行乎其
中者神也並詢天地設位而易行乎其則中矣乾坤毀則
無以見易易不可見則乾坤或幾乎息矣易是簡甚易

又不只是這一部書是易之道也不要將易又是一個
事即事一作唯一作只是盡天理便是易也大臨天位
乎上地位乎下人位乎中無人則无以見天地書曰惟
天地萬物父母惟人萬物之靈易曰天地設位而易行
乎其中矣成性存存便是道義之門並詢成性存存道
義之門亦是萬物各有成性存存亦是生生不已之意
天只是以生為道大臨成性存存道義之門道无體義
有方也詢朱子語天地設位而易行乎其中以造化
言之也乾坤成列而易立乎其中以卦位言之也答連
萬即天地設位而易行乎其中陰陽升降便是易易者
陰陽是也並成性猶言見成底性這性元自好了但知
崇禮界則成性便存存易此成性是不曾作壞底存謂
常在這裏存之又存湯沐或問成性存存是不忘其所
存否曰衆人多是說到聖人處方是性之成看來不如
此成性只是一箇渾淪之性存而不失便是道義之門
便是生生不已處有問存存是生生不已之意當以伊

川說為是必大成性與成之者性止爭些子不同成之者性便從上說來言成這一箇物成性是說已成底性如成德成說之成然亦爭些子也如正心心正誠意意誠相似智源成之者性是成就之意如言成已成物之類堯舜性之是其性本渾然學者學之須是以知禮做也到得他成性處道義出謂這裏流出道體也義用也又曰性是自家所以得於天底道義是衆人公共底變豫問天地設位而易行乎其中矣成性存存道義之門荅曰上文言知崇禮卑崇效天卑法地人崇其知須如天之高卑其禮須如地之下天地設位一句只是引起要說知崇禮卑人之知禮能如天地便能成其性存其存道義便自此出所以道義便是易也成性存存不中只是敬如何曰易是自然造化聖人本意只說自然必專主聖人而言請問程子曰天地設位而易行乎其道化流行程子是將來就人身上說敬則是這道理流行不敬便斷了前輩引經文多是借來說已意問天

地設位而易行乎其中只是敬也敬則无間斷天地人只是一箇道理天地設位而變易之理不窮所以天地生生不息人亦全得此理只是氣稟物欲所昏故須持敬治之則本然之理自无間斷曰也是如此天地也似有箇主宰方始恁地變易

纂註

錢氏曰設先未有而始便是天地底敬並易說陳也天地設位易已行

矣非謂行於設位之後也張子曰知崇天也形而上也通晝夜之道而知其知崇矣知及之而不以禮性之

非己有也故知禮成性而道義出如天地設位而易行又曰成性則不勉而中不思而得從容中道蔡氏曰

道義之在造化則謂之易易之在人則謂之道義位謂有位可行行門謂有門可出存存謂存之又存使之有體

如天地也故有天地之位而後易行有知禮之門而後道義出雙湖先生曰此章贊易道之至聖人所以崇

廣其德業而參天地也竊意聖人之稱非汎蓋指作易聖人也崇德乾之事廣業坤之事知崇效天而乾畫成

夫禮卑法地而坤畫成矣。天地設位而易行乎其中。即天尊地卑乾坤定矣。之義也。成性存存道義之門。聖人畫易亦无非所以教民。卜筮決嫌疑。定猶豫。俾得以存存其已成之性。而由乎道義之門耳。夫子之意或者在乎此。聖人有以見天下之賾而擬諸其形容。象其物宜。是

故謂之象。

呂音訓賾陸氏曰仕責反。下同。九家作册京作噴云情也。

集解

朱子曰賾雜亂也。象

卦之象如說卦所列者。

附錄

朱子語問聖人有以見天下之賾而擬諸其形容。蓋聖人見陰陽變化雜

亂於是。比度其形容而象其物宜。是故謂之象。曰也是如此。嘗得郭子和書云。其先人云。不獨是天地風雷水火山澤謂之象。只是畫卦便是象也。說得好。黃問聖人有以見天下之賾。是說卦畫之初。否曰。正是說卦畫之初。聖人只是見陰陽之變化。雜見便畫出一畫。便有一箇象。只管生去。只管不同。六十四卦自六十四樣更生。

到十以上卦亦自一卦一樣學家擬諸其形容未便是
說那水火風雷之形容方擬這卦看是甚形容始去象
那物之宜而名之一陽在二陰之下則象以雷一陰在
二陽之下則象以風擬是比度之義易說聖人有以見
天下之噴止故謂之象象言卦也下截言爻也爾說文
噴雜亂也古无此字只作噴今從臣亦口之義必大與
左傳噴有煩言之噴同那從口這從臣是箇口裏說話
多雜亂底意思所以下面說不可惡若喚做好字不應
說箇可惡字也探噴索隱若與人說話時也須纂註齊
聽它雖亂說將出來底方可索他那隱底淵
曰來子云探噴索隱謂如聽人說話須聽它雜亂說出
來底方可索它幽隱底最於程子說有發明蓋六爻之
中或以本體或以各體或以互體或以飛伏體各連上
下二體雜然取之非可以一律拘也聖人於諸卦諸爻
各擬度其物以形容之而象其所宜蓋所謂惟其時物
也故雖鄙細及於履餗塗豕之類而不可惡楊氏時

曰形容者乾為圓坤為大與之類是也
物宜者若乾稱龍坤稱牝馬之類是也
聖人有以見天

下之動而觀其會通以行其典禮繫辭焉以斷其吉凶

是故謂之爻

呂音訓典禮陸氏曰京典作
等姚禮作體斷陸丁亂反

集解

朱子曰
會謂理

之所聚而不可遺處通謂理之可行而无所礙處如庖丁解牛會則其族而通則其虛也
附錄 朱子曰

人有以見天下之動言事若未動時不見得道理是如
何人平不語水平不流須是動方見得觀會通行典禮
只是說道觀他會通處後却求箇道理來區處它所謂
卦爻之動便是法象這箇故曰爻也者效天下之動者
也動亦未便說事之動只是事到而前自家一念之動
要求處置它便是動也淵會便是四邊合聚來處通便
是空處行得去便是通進夫一卦之中自有會通六爻
又各自有會通且如此卦初九在卦之下未可以進為

屯之義乾坤始交而遇險陷亦屯之義似草穿地而未
申亦屯之義凡此數義皆是屯之會聚處若盤桓利居
自便是一個合行底却是通處也學象會是眾理聚處
便有許多難易窒碍必於其中得其通處乃可行耳如
庖丁解牛於扶處却批大卻導大竅此是於其筋骨叢
雜之所得其可通之理故十九年而刃若新發於硎且
如事理間若不於會處理會却只見得一偏如何行得
通須是於會處都理會其間却自有箇通處便如脉理
相似到得多處自然貫通又曰會而不通則窒碍而不
可行通而不會亦不知許多曲直錯雜處故必觀會通
而後可行典禮必大會通者觀衆理之會擇其通者而
行且如有一事關着許多道理也有父子之倫也有君
臣之倫也有夫婦之倫若是父子重則就父子行將去
而他有所不暇計若君臣重則行君臣之義而他
計若父母之恩重則便得身體髮膚受之父母不敢毀
傷之義而委致其身之說不可行若君臣之義重則當

委致其身而不敢毀傷之說不暇顧此之謂觀會通
典禮猶常禮常法又曰禮便是節文也升降揖遜是禮

之節文這禮字又說得闊凡事物之常皆是劉礪問
典禮曰如堯舜揖遜湯武征伐皆是典禮處典禮只是

常事解謂卦纂註錢氏曰人事百千萬變而莫不各
文之辭並並一定不易之則其所謂宜所謂

典禮者歟柴氏曰動非紛擾可見者也凡消息進退
屈伸往來已然未然之謂也會通謂事與理合而通行

處典禮猶典常法度也聖人默識天下之動觀其事理
之會合通行處欲常行法度不廢於天下則繫辭以明

其又而斷之曰如此則為吉如此則為凶人知
避凶趨吉則常法不廢之矣此易所以有爻也言天下

之至蹟而不可惡也言天下之至動而不可亂也呂音
訓惡

陸氏曰鳥嫁反荀作亞亞次也又鳥路反馬鄭高洛反
晁氏曰泰亞古文善惡字至動陸氏曰衆家本並然鄭

本作至賸云賸當為動九家作賸冊
晁氏曰案虞作動云舊誤作賸

集解

朱子曰惡猶厭也

附錄

朱子語先儒多以賸字為至妙之意若如此說則何以謂之不可惡賸只是箇雜亂冗闌底意思言之而不惡

者精麤本末无不盡也 義剛云惡字有三音或亞或如字或烏故反曰烏故切於義為近只是說雖是如此

勞攘事多然也不可厭惡 問賸是說事物如此不是說卦上否曰卦亦如此三百八十四爻是少少雜亂學

東不可惡者言雖是雜亂聖人却於雜亂中見其不雜亂之理便與下句天下之至動而不可亂之義一般必

大雜亂處人易得厭惡然而這都是道理合有底事自合理會故不可惡動亦是合有底事然上面各自有道

理故自不可亂 **擬之而後言議之而後動擬議以成其變化**

呂音訓議之陸氏曰陸績 **集解** 程子曰聖人見天下深
姚桓玄荀柔之作儀之 遠之事賸深遠也而此

擬其形容體象其事類故謂之象天下之動无窮也故
觀其會通會通綱要也乃以行其典禮典禮法度也物
之則也繫之辭以斷其吉凶者爻也言天下之深遠難
知也而理所有不可厭也言天下之動无窮也而物有
有其方不可紊也擬度而設其辭商議以察其動擬議
以成其變化也變化爻之時義擬議議而言之也舉鳴
鶴在陰以下七爻擬議而言者也餘爻皆然也朱子
曰觀象玩辭觀變玩占而法行之此下七爻則其例也
附錄 程子語至誠則動動則變變則化故曰擬之而後
言議之而後動擬議以成其變化精義朱子語
問擬之而後言議之而後動凡一言一動皆即易而擬
議之否曰然必大擬議以成其變化只就人事說擬議
只是裁度自家言動使合此理變易以從道之意如擬
議得是便吉擬議未善則為凶矣謹這變化是就人動
作處說如下所舉七
爻皆變化也易說
纂註 項氏曰學易者擬其所立之
象以出言則言之淺深詳畧

必各當其理議其所合之又以制動則動之久速任止必各當於時而易之變化成於吾身矣故曰以言者尚其辭以動者尚其變此之謂也未章亦有此段其下文則亦歸於人之德行正與此同自此以下引爻辭七章皆教人擬議之方姚大老曰自天祐之一爻亦當在此章之末脫簡在後耳雙湖先生曰章首聖人有以見天下之動隨文王也所謂象者言乎象是也聖人有以見天下之動周公也所謂爻者言乎變是也不可惡不可亂復釋上文擬之而後言以下即極天下之隨者存乎卦鼓天下之動者存乎辭之事此卦爻所以能成其變化斯人也

鳴鶴在陰其子和之我有好爵吾與爾靡之子曰君子居其室出其言善則千里之外應之況其邇者乎居其室出其言不善則千里之外違之況其邇者乎

言出乎身加乎民行發乎迺見乎遠言行君子之樞機

樞機之發榮辱之主也言行君子之所以動天地也可

不慎乎

呂音訓和陸胡卧反靡陸氏曰本又作靡亡池反徐又亡彼反京作劇行陸夏益反見陸賢遍

反樞陸氏曰尺朱反王虞云戶樞一云門白機陸氏曰王虞云斝牙也

集解

朱子曰釋中孚九二爻義

附錄

朱子語鳴鶴子和好爵爾靡此本是說誠信感通之理夫子却專以言行論之蓋誠信感通莫大於

言行誤鳴鶴好爵皆卦中有此象諸爻立象聖人皆有所據非是白撰但今不可考耳到孔子方不說象董言

行樞機是言所發者至近而所應者甚遠否曰樞機便是鳴鶴在陰下而大祭只說這意都不解着我有好爵

二句纂註柴氏曰鳴鶴在陰而其子必和情之所同無聲家隱顯之間也我有好爵而爾亦靡於此心之

所欲无物我之間也言之善人皆以為善故應言之不善天下亦皆以為不善故違人心之於善惡豈異其所趨哉極言之至可以動天地則三才一理又可見也蔡氏曰萬化不窮感應二端而已故夫子取中字九二之辭而推廣其理也居其室即在陰之義出其言即鳴鶴之義千里之外應之即其子和之之義持主乎人而為言耳感應者心也言者心之聲行者心之迹言行乃感應之樞機也善者至善之理也不善則悖理矣人以善而感應則感應同乎天矣故曰動天地

同人先號咷而後笑子曰君子

之道或出或處或默或語二人同心其利斷金同心之

言其臭如蘭

呂音訓默陸氏曰字或作嘿斷陸氏曰丁亂反王肅丁管反

集解

朱子曰釋

同人九五爻義言君子之道初若不同而後實無間斷金如蘭言物莫能間而其言有味也

附錄

朱子曰

語同心之利雖金石之堅亦被他斷決將去斷是斷做
兩段又曰同人先號咷而後笑聖人知恁地解學蒙

纂註

余氏曰以出處語默發明號笑之義聖人讀易不
滯於故而知其新有如此者 楊氏時曰君子之

學求仁而已夷清惠和伊尹之任昏聖人也其道不同
而趨同者何曰仁而已故古之君子雖相去千里相望
異世出處語默未嘗同及攷其所歸若合符契同歸於
仁而止 楊氏萬里曰君子之道于其心不于其迹心
同迹異君子不以迹聞心心異迹同君子不以心混迹
故同人之先悲後喜與君子之甲出乙處此默彼語皆
所不計也出處同道則為顯顯晦同一情語默同道則
史直蘧卷同一意心同故也金石至堅也然不堅於人
心故二人一心則石可裂金可折董猶同器一童子能
辨之臭味不同故也取南山之蘭雖北山之蘭十黃帝
不能分臭味同故也 雙湖先生曰二人九五六二也
先號咷後笑先隔後遇也不取君臣義者特借爻辭論

同心之利耳 初六藉用白茅无咎子曰苟錯諸地而可矣藉

之用茅何咎之有慎之至也夫茅之為物薄而用可重

也慎斯術也以往其无所失矣

呂音訓藉陸在夜反錯陸氏曰七故反本亦作

措重陸直勇反慎斯術陸氏曰一本慎作順鄭云術道晁氏曰案順慎多誤

集解 朱子曰釋大過初六

義 纂註 蔡氏曰物之置於地也亦可安矣而又藉之以茅過於慎也凡天下之事過則有失惟過於慎

則无所失故无咎 勞謙君子有終吉子曰勞而不伐有功而不

德厚之至也語以其功下人者也德言盛禮言恭謙也

者致恭以存其位者也

呂音訓德陸氏鄭陸績蜀才作置鄭云置當為德晁氏曰案德

古文類置字因相亂
下陸遜嫁反下同

集解

朱子曰釋謙九三爻義德言
威禮言恭言德欲其威禮欲

其恭

纂註

齊氏曰三下卦之終也以九居三諸侯而有
功者也六五方用侵伐以衰多益寡故謙則

有終勞而不伐兩句正釋謙字存其位正釋有終字謙
者致恭以存其位者也一朝不朝則貶再不朝則削吾未

見其存矣朱氏曰能致恭而不出其位分乃所謂謙
有君人之大德有事君之小心是也南軒張氏曰風

不厚不能負大翼水不厚不能負大舟君子處心不厚
則恃勞而傲物耀功而忽人安能以其功而下人乎竊

觀地中有山之象夫德之盛而充實如山焉禮之恭而
接下如地焉夫內之德盛而外之禮恭所以處上而人

不忌處前而人不恣此
謙所以長保其位也

亢龍有悔子曰貴而无位高而

无民賢人在下位而无輔是以動而有悔也集解

朱子曰釋

乾上九爻義當屬
文言此蓋重出

不出戶庭无咎子曰亂之所生也則

言語以為階君不密則失臣臣不密則失身幾事不密

則害成是以君子慎密而不出也

呂音訓階陸
氏曰姚作機

集解朱

曰釋節初
九爻義

纂註

蔡氏曰不言則是非不形人之招禍惟
言為甚故言所當節也密於言語即不

出戶庭之義允有言象故於節之初爻重明之
曰口舌乃人一身之門戶一語不謹則失臣失身殃禍

五至此尤君子之所重也故夫子因明謹行而又推之
謹言也 楊氏萬里曰唐高宗告武后以上官儀教我

廢汝此君不密而失臣也陳蕃乞宣
臣章以示宦者此臣不密而失身也子曰作易者其知

盜乎易曰負且乘致寇至負也者小人之事也乘也者

君子之器也小人而乘君子之器盜思奪之矣上慢下

暴盜思伐之矣慢藏誨盜治容誨淫易曰負且乘致寇

至盜之招也

呂音訓為易者今本作作易者陸氏曰本又云作易者晁氏曰虞作為寇陸氏曰徐

或作戎宋衷云戎誤乘也陸如字一讀繩證反藏陸才浪反誨陸氏曰如字教也虞作悔謂悔恨治容陸氏曰

音也鄭陸績姚虞王肅作野言妖野集解朱子曰釋解容儀教誨淫佚也王肅云作野音也

此第八章言附錄朱子語六居三大率少有好底自且卦爻之用乘聖人這裏又見得有這箇小人乘

君子之器底象故又於纂註柴氏曰六三以不正小人此發出這箇道理來淵據非其位故有此家人據

非其義之所當有則啓謀利者攘奪之心作易者明義利之分故於六三不正之小人居有德之位知其必有

盜乘其後而奪之天下之大盜未有不乘隙而動也
司馬公曰上慢下暴慢其上而暴其下也 楊氏萬里

曰司馬氏安能盜魏曹操教之也蕭衍安能盜齊蕭道
成教之也蓋盜非能盜小人之有也小人實教盜以盜

己之有也所謂知盜非知奪伐之盜也知教奪伐者之
盜也故又終之曰誨盜曰盜之招者以此 蔡氏曰自

中乎初又至此乃夫子擬議之辭而為三百八十四爻
之凡例也爻之有義非辭不明而天下之事變化無窮

又豈辭之所能備哉苟玩之者拘而不通則一爻不過
一事而已擬議以成其變化其所以示人者詳矣然夫

子之辭又特發其端耳學易者當玩而有得也 項氏
曰七爻皆欲人畏謹也鳴鶴言處隱之誠同人言同心

之一曰茅貴慎有終尚謙亢龍惡亢戶庭以教密負乘
以戒慢皆所以養人之敬心也若從姚氏說移自天祐

之於此則終之以信順之福於義亦不相悖 胡氏炳
文曰夫子於乾坤皆有文言以申彖傳象傳之意其餘

表傳亦有文言如履與豫釋卦辭已畢復曰剛中正至光明也天地以順動至豫之時義大矣哉此類皆是也然則繫辭此數卦即象傳之文言也善學易者可以觸類而通其餘矣

天一地二天三地

四天五地六天七地八天九地十

呂音訓天一至地十今本在十一章首崇

前漢律歷志引易曰天一地二天三地四天五地六天七地八天九地十天數五地數五五位相得而各有合天數二十有五地數三十凡天地之數五十有五此所以成變化而行鬼神也又崇程氏張氏說並云自天一至地十合在天數五地數五上集解程子曰自天一至地十合在天數五地數五上生數地六成數才有上五者便有下五者二五合而成陰陽之功萬物變化鬼神之用也朱子曰此簡本在第十一章之首程子曰宜在此今從之此言天地之數陽奇陰隅即所謂河圖者也其位一六居下二七居上

三八居左四九居右五十居中就此章而言之則中五為衍母次十為衍子次一二三四為四象之位次六七八九為四象之數二老位於西北二少位於東南其數則各以其類交錯於外也

附錄

程子語五行只

古人說迭王字說盡了只是威衰自然之理也人多言木得土方生得火火得土方生得金某以為不然木生火火生土土生金金生水只是迭威衰也或曰五行是一氣人以為一物某道是五物既謂之五行豈不是五物也五物備然後能生且如五常人誰不知是一箇道理既謂之五常安可混而為一也天之生數地之成數才有上五者便有五者語錄朱子語來論謂某不當以大衍之數參乎河圖之數此亦有說矣數之為數雖各主於一義然其三五錯綜无所不通則有非人之所能為者其所不合固不容以強合其所必合則縱橫反覆如合符契亦非人之所能強離也若於此見得自然契合不假安排底道理方知造化工夫神妙巧密直

是好笑說不得也若論易文則自大衍之數五十至再
劫而後掛便接乾之策二百一十有六至可與祐神矣
為一節是論大衍之數自天一至地十却連天數五至
行鬼神也為一節是論河圖五十五之數今其文間斷
差錯不相連接舛誤甚明伊川先生已嘗釐正啓蒙雖
依此寫而不曾推論其所以然者故覽者不之察耳
中 衷機
纂註 項氏曰姚大老云天一至地十班固律歷志
安未先生亦用此說今從之為是 張子曰夫混然一
物无有終始首尾其中何數之有然此言特示有漸耳
理須先數天一必須先言一次乃至於十也且天下之
數止於十窮則自十而反一又當止於九其言十者九
之偶也又曰陽極於九陰終於十數乃成五行奇偶乃
備過此周而復始滋至无算不越於是 蔡氏曰天地
者陰陽對待之定體也一至十者陰陽流行之次序也
然對待非流行則不能變化流行非對待則不能自行

而五十五者則流行之細分也天數五地數五五位相得而各有合天

數二十有五地數三十凡天地之數五十有五此所以

成變化而行鬼神也

集解 程子曰有理則有氣有氣則有數行鬼神者數也數氣之

用也大衍之數五十數始於一備於五小衍之而成十大衍之則為五十五十數之成也成則不動故損一以
為用天地之數五十有五成變化而行鬼神者也變化
言功鬼神言用 朱子曰此簡本在大衍之後今案宜
在此天數五者一三五七九皆奇也地數五者二四六
八十皆偶也相得謂一與二三與四五與六七與八九
與十皆兩相合二十有五者五者五奇之積也三十者五偶
之積也變化謂一變生水而六化成之二化生火而七
變成之三變生木而八化成之四化生金而九變成之
五變生土而十化成之鬼神謂凡奇偶生成之屈伸往

來附錄

朱子語所以成變化而行鬼神也先生舉程子曰變化言功鬼神言用張子曰成行鬼神之氣

而已數只是氣變化鬼神亦只是氣天地之數五十有五變化鬼神皆不越乎其中必大纂註朱氏

即五也十盈數不可行也又曰大衍之數五十而策數六七八九何也曰六者一五也七者二五也八者三五

也九者四五也舉六七八九則一二三四具所謂五與十者未始離也五與十中也中不可離也考之於歷四

時迭王而土王四季凡七十有五曰與金木水火等退藏於密是也故六七八九而五十之數具五十之數具

而天地五十有五之數具奇偶相合也故能成變化相合而有升降也故能行鬼神變化鬼神者天地也行之

成之者人也又曰老者變少者不變易以變為占者也變則成化變化則鬼神行矣管子曰流行於天地之間

者謂之鬼神南軒張氏曰天地自然之數盈虛消息往來不停變化雖妙而數有以成之若月令所謂鳩化

為鷹雀化為鵠草木乃茂草木黃落可以歷數推而迎之此天地之數有以成其變化也鬼神雖幽而數有以行之若其神勾芒其神祝融其神蓐收其神玄冥各司其時各治其職者此天地之數有以行乎鬼神也

大衍之數五十其用四十有九分而為二以象兩掛一以

象三揲之以四以象四時歸奇於扚以象閏五歲再閏

故再扚而後掛

呂音訓行陸氏曰延善反鄭云衍演也干云合也王虞蜀才云廣也掛一陸氏

曰卦買反別也王肅音卦揲陸氏曰時設反秦揲猶數也說文云閱持也一音思煩反徐音息列反鄭云取也

奇陸紀宜反扚陸氏曰郎得反下同馬云指間也荀集柔之云別也後掛陸氏曰京作卦云再扚而後布卦

解來子曰大衍之數五十蓋以河圖中宮天五乘地十而得之至用以筮則又止用四十有九蓋皆出於理

勢之自然而非人之知力所能損益也。兩謂大地也。掛懸其一於左手小指之間也。三三才也。揲間而數之也。奇所揲四數之餘也。扚勒於左手。中三指之兩間也。閏積月之餘日而成月者也。五歲之間再積日而再成月。故五歲之中凡有再閏。然後別起。積分如一掛之後。左右各一揲而一扚。故五者之中凡有再扚。然後別起。一掛也。

附錄 朱子語河圖洛書之中數皆五行之而各極其也。其五十者皆因五而後得。獨五為五十。所因而自无。所以因故虛之。則但為五十。又五十五之中。其四十者分為陰陽老少之數。而其五與十者无。所為則又以五乘十。十乘五而亦皆為五十矣。洛書積數四十五。其四十者散布於外。而分陰陽老少之數。唯五居中。而无所為。則亦自含五數。而并為五十矣。啓蒙中數五行之。而各極其數。以至於十者。一箇衍成十箇。五箇便是五十。聖人說這箇。不只是說得一路。他說出這箇物事。自然有許

多樣通透去如五奇五偶成五十五又一說六七八九十因五得數也董河圖五十五是天地自然之數大衍五十是聖人去這河圖裏面取那天五地十衍出這箇數大槩河圖是自然底大衍是用以揲蓍求卦底淵或問大衍之義曰天地之數五十有五虛其中金木水土五數便是五十又虛天一故用四十有九此一說也三天兩地便是虛去天一只用天三對地二耳又五為生數之極十為成數之極以五乘十以十乘五亦為五十此一說也又數始於一成於五小衍之成十大衍之成五十此一說又一說也數家之說雖多不同某謂此說却分曉必大珠問竊謂大衍之數不過五而已五者數之祖也河圖洛書皆五居中而為數祖宗大衍之數五十者即此五數衍而乘之各極其數而合為五十也是五也於五行為土於五常為信水火木金不得土不能各成一器仁義禮智不實有之亦不能各成一德此五所以為數之宗也不知是否先生曰此說是奇者左右

四揲之餘也。扚指間也。謂四揲左手之策而歸其餘於
无名指間。四揲右手之策而歸其餘於中指之間也。與
和子和聖人下字皆有義。掛者挂也。扚者扚於二指之
中也。和掛一歲揲右二歲扚右三歲一揲揲左四
歲扚左五歲再揲也。人傑一掛之間凡再扚即五歲之
間。凡再揲之象也。與和子和大衍之數五十其用四十
有九者。五十之內去其一。但用四十九。策合同未分是
象太一也。分而為二者。以四十九策分置左右兩手象
也。於右手之中取一策懸於左手小指之間。象三者所
掛之策。所以象人而配天地是象三才揲之以四者。揲
數之也。謂先置右手之策於一處。而以右手四四而數
左手之策。又置左手之策於一處。而左手四四而數右
手之策也。象四時者。皆以四數是象四時也。歸奇於扚
者。奇零也。扚勒也。謂既四數兩手之策。則其四四之後
必有零數。或一或二或三或四。左手者歸之於第四第

三指之間右手者歸之於第三第二指之間而扞之也象閏者積分而成閏月也五歲再閏故再扞而後掛者凡前後閏相去大略三十二月在五歲之中此掛一揲四歸奇之法亦一變之間凡一掛兩揲兩扞為五歲之象其間凡兩扞以象閏是五歲之中凡有再閏然後置前掛扞之策復以見存之策分二掛一而為第二變也善卦考法大衍之數五十著之籌乃其策也策中乘除則直謂之數耳易說著卦當初聖人用之亦須有箇見成圖筭後自失其傳所僅存者只有這幾句其間已自是添入字去說他了想得古人无許多解頌別有箇全文說賀孫繫辭言著法大抵只是解其大略想別有文字今不可見但如天數五地數五此是舊文五位相得而各有合是孔子解文天數二十有五地數三十凡天地之數五十有五此是舊文此所以成變化而行鬼神此是孔子解文分而為二是本文以象兩是解掛一揲之以四歸奇於扞皆是本文以象三以象四時以象閏

之類皆是解文也乾之策二百一十有六坤之策百四十有四孔子則斷之以當期之日二篇之策萬有一千五百二十孔子則斷之以當萬物之數於此可見誤看繫辭須先看自大衍之數以下皆是說卜筮若不是說卜筮却是說一箇无頭底

纂註

朱氏曰小衍之五參兩也大衍之五十則小衍

在其中矣一者體也太極不動之數四十有九者用也兩儀四象分太極之數總之則一散之則四十有九非四十有九之外復有一而其一不用也方其一也兩儀四象未始不具及其散也太極未始或亡體用不相離也項氏曰大衍之數五十其用四十有九然而十與五常藏於七八九六之中九六合而為十五七八合亦為十五七八九六當一月之日數也又曰今之言揲者謂初一揲掛第二第三揲不掛於象閏之說皆不可通若以揲象閏則每揲必有劫三劫凡三閏不得為再閏也若以掛象閏則每爻三劫而後一掛止為三歲一

問不得為五歲再問也朱先生曰初劫謂左手之劫再
劫謂右手之劫故止有再劫而无三劫也後掛謂次掛
亦掛也聖人止言一揲之法明一卦十八揲皆然无掛
與不掛之分也西山蔡氏曰五歲再問者一變之中
自有五節掛為一節揲左為二節歸左奇於劫為三節
揲右為四節歸右之奇於劫為五節一節象一歲三節
一歸奇象三歲一問五節再歸奇象五歲再問天地之
數三百六十每歲氣盈六日朔虛六日一歲餘十二日
三歲餘三十六日以三十日為一月更餘六日又二歲
餘二十四日合前所餘六日為三十為再問又曰後掛
者再掛之後復以所餘之著合而為一為第二變再分
再掛再揲也不言分二不言揲四獨言掛一者明第二
變不可不掛也又曰或曰揲著之法虛一分二掛一揲
四歸奇其第一揲不五則九第二揲不四則八計其奇
數以定陰陽老少去其初掛之一何也曰虛一分二掛
一揲四歸奇乃天地四時之生萬物也其奇數策數以

定陰陽老少乃萬物正性命於天地也生著以分二掛
一為體揲四歸奇為用五卦以奇數為體策數為用在
天地則虛其一而用四十九在萬物則掛其一而用四
十八此聖人所以知變化之道也又曰或曰第一揲掛
一以四十九其奇一也第二揲非四十四則四十三
揲非四十則二十六不復有奇矣其掛何也曰人與天
地並立為三天地非人則无以財成輔相故分二必掛
一也初掛者人極所以立天地因乎人也再揲三揲之
掛者人因天地以為用也郭氏雍曰正義以左右兩
手之餘為再揲而前後三奇謂四揲之餘者則是既以
奇為餘又以揲為餘奇與揲異名而同一事矣繫辭言
歸奇於揲則奇與揲為二事也又言再揲而後掛則揲
與掛亦二事也由是知正義誤以奇為揲又誤以左右
兩揲為再揲如曰再末之餘歸之合於揲掛之一處則
是又以揲為奇而揲為掛亦不復為二事也其說自相
抵牾莫知所從惟當從橫渠先生之說曰奇所掛之一

也劫左右兩揲之餘也以此為正

乾之策二百一十有六坤之策百四

十有四凡三百有六十當期之日

呂音訓策陸氏曰初革反字亦作筮期陸

氏曰本又作

集解

朱子曰凡此策數生於四象蓋河圖四而太陽居一而連九少陰居二而

連八少陽居三而連七太陰居四而連六揲著之法則通計三變之餘去其初掛之一凡四為奇凡八為偶奇

圓圓三偶方圓四三用其全四用其半積而數之則為六七八九而第三變揲數策數亦皆符會蓋餘三奇則

九而其揲亦九策亦四九三十六是為居一之太陽餘二奇一偶則八而其揲亦八策亦四八三十二是為居

二之少陰二偶一奇則七而其揲亦七策亦四七二十八是為居三之少陽三偶則六而其揲亦六策亦四六

二十四是為居四之老陰是其變化往來進退離合之妙皆出自然非人之所能為也少陰退而未極乎虛少

陽進而未極乎盈故此獨以老陽老陰計乾坤六爻之策數餘可推而知也期周一歲也凡三百六十五日四分日之一此特舉之耳

附錄 朱子語策者著之莖數曲禮所成數而繫言之耳 謂策為筮者是也 大傳所謂乾坤二篇之策者正以其掛扚之外見存著數為言耳 蓋扚著之法凡三扚掛扚通十三策而見存三十六策則為老陽之扚三扚掛扚通十七策而見存三十二策則為少陰之扚三扚掛扚通二十一策而見存二十八策則為少陽之扚三扚掛扚通二十五策而見存二十四策則為老陰之扚大傳專以六爻乘二老而言故曰乾之策二百一十有六坤之策百四十有四凡三百有六十其實六爻之為陰陽者老少錯雜其積而為乾者未必皆老陽其積而為坤者未必皆老陰其為六子諸卦者或陽或陰亦互有老少焉蓋老少之別本所以生又而非所以名卦今但以乾有老陽之象坤有老陰之象六子有少陰陽之象且均其策數又偶合焉而因假此以明彼則可若便以乾六爻皆為老陽坤六爻皆為老

陰六子皆為少陽少陰則恐其未安也但三百六十者陰陽之合其數必齊若乾坤之爻而皆得於少陰陽也則乾之策六其二十八而為百六十八坤之策六其三十二而為百九十二其合亦為三百六十此則不可易也答程可久著之一籌謂之一策策中乘除之數則直謂之數策數云者凡手中之數皆是如禮曰倒策剛龜於君前有誅龜策弊則埋之不可以既揲餘數不為策也必大此凡言策數雖指掛扐之外過揲見存之著數而言然不以掛扐之內所餘之著不為策也著卦考誤當期之日者每月三十日合十二月為三百六十也蓋以氣言之則有三百六十有六日以朔言之則有三百五十四日今舉氣盈朔虛之中數而言故曰三百有六十也辟家此獨以老陰陽之策為言者以易用九六不用七八也然二少之合亦三百有六十必大纂註郭氏志考曰或曰乾坤稱九六而六子不稱七八何也曰九六有象七八无象也以卦則六子之卦七八隱於

其中而无象也以畫則雖六子亦皆乾坤之畫而六子无畫也唯乾坤有用九用六之道諸卦得奇者皆用乾之九得偶者皆用坤之六終无用七用八之道故曰九六有象七八无象也蔡氏曰天地之運大小皆極于三百六十大衍乾坤之策當期之日真所謂與天地相似也郭氏雍曰天地謂之數乾坤謂之策則數者策之所宗而策為已定之數也

二篇之策萬有一千五百二十當萬物

之數也集解

朱子曰二篇謂上下經凡陽爻百九十二得六千九百一十二策陰爻百九十二得

四千六百八策合之得此數附錄朱子語二篇之策當萬物之數亦是大二篇之策當萬物之數不是萬物盡於此數只是取象自一而萬數萬數來當萬物之數爾正義曰乾

之策二百一十有六者以乾老陽一爻有三十六策六爻凡有二百一十有六策也乾之少陽一爻有二十八

策六爻則有一百六十八策此經據乾之老陽之策也
坤之策百四十有四者坤之老陰一爻有二十四策六
爻故一百四十有四策也若坤少陰一爻有三十二策
六爻則有一百九十二此經據坤之老陰之策也凡三
百有六十當期之日者舉合乾坤兩策有三百六十當
期之數三百六十舉其大略不數五日四分日之一也
二篇之策萬有一千五百二十當萬物之數者二篇之
爻總有三百八十四爻陰陽各半陽爻一百九十二爻
爻別三十六總有六千九百一十二也陰爻亦一百九
十二爻爻別二十四總有四千六百八也陰陽總合萬
有一千五百二十當萬物之數也今攷凡言策者即謂
著也禮曰龜為卜策為筮又曰倒策側龜皆以策對龜
而言則可知矣儀禮亦言筮人執筮尤為明驗故此凡
言策數雖指掛扐之外過揲見存之著數而言然不以
掛扐之內所餘之著不為策也疏議及其解說皆已得
之且其并以乾坤二少之爻為言則固不專以乾坤為

老六子為少矣但乾坤皆少而其合亦為三百六十兩篇皆少而其合亦為萬一千五百二十則數未有及而學者不可不知

纂註

郭氏疏曰聖人畫卦初未有以陰陽老少為異然卜史之象欲取動

與聖人畫卦之意已不同矣是故四營而成易十有八

變而成卦集解

朱子曰四營謂分二掛一揲四歸奇也易變易也謂一變也三變成爻十八變

則成六附錄度經營方成一變若說易之一變却不可

這處未下得卦字亦未下得爻字只下得易字謂四營而成易者營謂經營即變易也謂分二掛一揲四歸奇凡四度經營者策乃成一變也十有八變而成卦者謂既三變而成一爻復合四十九策如前經營以為一變積十八變則成六爻而為一掛也其法初一變兩揲之餘為掛扐者不五則九第二變兩揲之餘為掛扐者

不四則八第三變兩揲之餘為掛扞者亦不四則八五
四為少九八為多若三變之間一五兩四則謂之三少
一九兩八則謂之三多或一九一八而一四或一五而
二八則謂之兩多一少或一九而二四或一五一四而
一八則謂之兩少一多蓋四十九策去其初掛之一而
存者四十八以四揲之為十二揲之數四五為少者一
揲之數也八九為多者兩揲之數也一揲為奇兩揲為
偶奇者屬陽而象圓偶者屬陰而象方圓者一圓三而
用全故一奇而含三方者一圓四而用半故一偶而含
二也若四象之次則一曰太陽二曰少陰三曰少陽四
曰太陰四以十分之則居一者含九居二者含八居三
者含七居四者含六其相為對待而具於洛書者亦可
見也故二少為老陽者三變各得其一揲之數而三二
為九也其存者三十六而以四數之復得九揲之數也
左數右策則左右皆九左右皆策則一而圓三也三多
為老陰者三變各得兩揲之數而三二為六也其存者

二十四而以四數之復得六揲之數也左數右策則左
右皆六左右皆策則圓四用半也兩多一少為少陽者
三變之中再得兩揲之數一得一揲之數而兩二一三
為七也其存者二十八而以四數之復得七揲之數也
左數右策則左右皆七左右皆策則方二圓一也
再得一揲之數一得兩揲之數而二三一二為八也其
存者三十二而以四數之復得八揲之數也左數右策
則左右皆八左右皆策則圓二方一也
方一謂一八卦卦考其多少之說雖不經見然其實以
一為四以奇為少以偶為多而已九八者兩其四也陰
之偶也故謂之多五四者一其四也陽之奇也故謂之
少奇陽體圓其法徑一圓三而用其全故少之數三偶
陰體方其法徑一圓四而用其半故多之數二歸奇積
三三而為九則其過揲者四之而為三十六矣歸奇積
三二而為六則其過揲者四之而為二十四矣歸奇積

二三一二而為八則其過揲者四之而為三十二矣歸
奇積二二一三而為七則其過揲者四之而為二十八
矣過揲之數雖先得之然其數眾而繁歸奇之數雖後
得之然其數寡而約此數之法以約御繁不以眾制寡
故先儒舊說專以多少決陰陽之老少而過揲法朱氏
揲之數亦冥會焉初非有異說也荅郭子如纂註曰四
時行而後萬物生无非四也故曰四營而成易又曰引
而伸之觸類而長之不越乎此項氏曰此一節以是
故發辭蓋接上文二篇之策而論揲筭求卦之法予以
總括夫一章之事也自下文八卦小成以下乃言得卦
之後占象推演之法

八卦而小成集解

朱子曰謂九變而成三畫得內

卦引而伸之觸類而長之天下之能事畢矣

吕音訓伸

又作信音身

集解

朱子曰謂已成六爻而視其爻之變與不變以為動靜則一卦可變而為

六十四卦以定吉凶
凡四千九十六卦也
附錄
朱子語引而伸之觸類而長
之是占得這卦則就上而推

看如乾則推其為圓為
君為父之類是也
易玩纂註
朱氏曰引而伸之觸類而
長之不越乎此是故聖人

語小天下莫能破語大天下莫能載謂八卦而小成者
舉中而言也
雙湖先生曰柴四千九十六卦乃焦延

壽變卦之法詳見
啓蒙原卦畫篇
顯道神德行是故可與酬酢可與祐

神矣
呂音訓行陸下孟反酬陸氏曰市由反徐又音時
酢陸氏曰在洛反京作醋祐陸氏曰音又助也馬

荀作侑
集解
程子曰顯明於道而見其功用之神故可
與應對萬變可贊祐於神道矣謂合德也

人為順理以成功乃贊天地之化育也
朱子曰道附
因辭顯行以數神酬酢謂應對祐神謂助神化之功

錄
朱子語問顯道神德行曰道較微妙又曰道是箇无
形影底物事因卦辭說出來道這是吉這是凶這可

為這不可為德行是人做底事因數推出來方知得這
不是人硬恁地做都是神之所為也又曰須知得是天
理合如此學象神德行是說人事那處做底只是人為
若決之於鬼神德行便神淵此說著龜之用道理因此
顯著德行是人事却須取決於蓍既知吉凶而後可以
酬酢事變夫神不能自說吉凶與人必俟易始著見是
易能祐助於神也必大易惟其顯道神德行故能與人
酬酢而祐助夫神化之功也易說酬酢言幽明之相應
如賓主之董纂註朱氏曰德行者卦之德行神者變而通
交接也董纂註之蔡氏曰顯道闡幽也神德行微顯
也如是則可以應變而助神矣項氏曰天道雖幽可
闡之以示乎人人人事雖顯可推之以合乎天明可以酬
酢事物之宜幽可子曰知變化之道者其知神之所為
以贊出鬼神之命

乎集解

程子曰知變之道則知神之所為也合與上文
相連不合在下董朱子曰變化之道即上文

數法是也皆非人之所能為故夫子嘆之而門人加子曰以別上文也此第九章言天地大衍之數揲著求

卦之法然亦略矣意其詳具於太卜筮人之附錄朱子官而今不可考耳其可推者啓蒙備言之附錄語錄

問陽化為陰陰變為陽者變化也所以變化者道也道者本然之妙變化者所乘之機故陰變陽化而道无不

在兩在故不測故曰知變化之道者其知神之妙纂註南所為乎不審可如此看否先生答云亦得之

張氏曰變者不能自變有神以變之化者不能自化有神以化之故知變化之道者疑若窺測其妙也游氏

曰春作夏長秋斂冬藏皆神之所為也神之所以異於人為者以其從道而已此四時所以不忒也雙湖先

生曰此章首論天地之數次論著策之數末論卦畫之數天地數之原也著策數之行也卦畫數之鍾聚也蓋

至於卦畫足以濟生人之用矣故始之以成變化而行鬼神明數之體段原於天地者將必有如是之功用終

之以變化之道神之所為明數之功用達於著卦者原其初已有如是之體段也變化之道即成變化之事揲著中老陽變為少陰老陰變為少陽是也神之所為即行鬼神之事卦畫既立吉凶禍福皆可得而前知所謂定天下之吉凶成天下之亶亶是也爾編釐正之功大矣

易有聖人之道四焉以言者尚其辭以動者尚其變以制器者尚其象以卜筮者

尚其占

呂音訓聖人之道陸氏曰明僧紹作君子之道以言今本下三句皆有以字陸氏曰下三句无

以字一本

集解朱子曰四者皆變化之道神之所為者也

附錄

朱子語易有君子之道四

至精至變則合做兩箇是它裏面各有這箇淵問以言者尚其辭以言是取其言以明理斷事如論語上舉不恒其德或承之羞之類否曰是學家劉砥問以制器者尚其象曰這都難說如取諸離益不是先有見乎離而

後為網罟先有見乎益而為耒耜之屬聖人亦只是見魚鱉之屬欲有以取之遂做一箇物事去攔截它須得耕種見地土硬遂做一箇物事去別起它却合於離之象合於益之意又曰有取其象者有取其意者質雖問以卜筮者尚其占卜用龜亦使易占否曰不用只是文勢如此問以言以動以制器以卜筮這以字是指以易而言否曰然又問辭占是一類變象是一類動制是一類所以下文至精合辭占說至變合變象說曰然占得辭是一類者曉得辭方能知得占若與說話曉得它言語方見它習中底蘊變是事始象是事之已形者故亦是一類

纂註 南軒張氏曰易有聖人之道四焉故指也並學蒙

其所之者易之辭也以言者尚之則言无不當矣化而裁之者易之變也以動者尚之則動无不時矣象其物宜者易之象也制器者象之則可以盡創物之智極數知來者易之占也卜筮者尚之則可以窮先知之神

龐氏仁夫曰四者皆是用易然有言動

時取用者有制器卜筮時取用者四句惟尚變難通變雖在辭象占之外實不出辭象占之間凡舉動必合易之變唯心與是以君子將有為也將有行也問焉而以理會者能之

言其受命也如響无有遠近幽深遂知來物非天下之

至精其孰能與於此

呂音訓響今本作響陸氏曰許兩反又作響晁氏曰崇響古文響字

與陸音集解

程子曰言所以述理以言者尚其辭謂於預下同集解言求理者則存意於辭也以動者尚其變

動則變也順變而動乃合道也制器作事當體乎象卜筮吉凶當考乎占受命如響遂知來物非神乎曰感而通求而得精之至也朱子曰此尚辭尚占之事言人以著問易求其卦爻之辭而以此發言處事則易受人之命而有以告之如響之應聲以決其未來之吉凶也以言與以言者尚其辭之以言義同命則將筮而告著

之語冠禮筮日宰附錄程子語卜筮之能應祭祀之能
自右贊命是也

附錄

程子語卜筮之能應祭祀之能
享亦只是一箇理嘗龜雖无情

然所以為卦而卦有吉凶莫非是此理以其有是理也
故以是問焉其應也如響若以私心及錯卦象而問之
便不應蓋沒此理今日之理與前日已定之理只是一
箇理故應也大臨朱子語問君子將有為也將有行

也問焉而以言其受命也如響曰此是說君子作事問
於著龜言是命龜受命如響龜受命也抱龜南面是也
問問焉而以言若以上下文義推之而以言則是命筮
之辭古人亦大段重筮但而以言三字義切若作以易

之言如所謂不恒其德或承之羞不占纂註張子曰易
只是以其言言又於上下文不順學纂註无思无為

受命乃如響又曰此言易之為書也至精者謂聖人窮
理極虛精微處也耿氏曰物之來者遠在八荒之上

深在六極之下吾能知之則參伍以變錯綜其數通其
天地之鑑也萬物之照也

變遂成天地之文極其數遂定天下之象非天下之至

變其孰能與於此

呂音訓參陸七南反錯陸七各反綜陸宗統反天地陸氏曰一本作天下

晁氏曰王昭素云諸本多作下集解朱子曰此尚象之

之文陸氏曰虞陸績本作之文變一先一後更相考覈以審其多寡之實也錯者交而

互之一左一右之謂也綜者總而挈之一低一昂之謂也此亦皆是揲蓍求卦之事蓋通三揲兩手之策以成

陰陽老少之畫究七八九六之數以定卦爻動靜之象也參伍錯綜皆古語而參伍尤難曉案荀子云窺敵制

變欲伍以參韓非曰省同異之言以知朋黨之分偶參伍之驗以青陳言之實又曰參之以此物伍之以合參

史記曰必參而伍之又曰參五不失漢書附錄朱子語曰參伍其賈以類相準此足以相發明矣

以變先生云既三以數之又伍以數之譬之三十錢以三數之看得幾箇三了又以五數之看得幾箇五兩數參合方可看得箇成數曰也是如此或問也不獨是以數算大槩只是參合底意如趙廣漢欲問馬先問牛便只是以彼數來參此數否曰是又曰是恁地數了又恁地數又曰是將這去比那箇又曰是其他數猶可湊三與五兩數自是參差不齊所以舉以為言又曰這箇是三箇將五來比之便是多了兩箇是伍箇將三來比之便是少了兩箇又曰兵家謂窺敵制變欲伍以參今欲覘敵人之事教一人探來恁地說又差一箇去探來說得不同便將這兩人說相參看是如何以求其實所以謂之欲伍以參易玩若三箇兩是六箇便多了一箇三箇三是九箇又少一箇三箇四又是十二箇也未是必三箇五方是十五箇大略如此更子細看或問錯綜之義曰錯是往來底綜是上下底綜便是織機上底古人下這字極子細又曰錯綜其數便又是七八九六九

對八便是東西相錯六上生七為陽九下生八為陰便是上下為綜義剛錯綜是兩樣錯是往來交錯之義有迭相為用之意綜者條而理之也如機上織底綜一箇上去一箇下來陽上去做陰陰下來做陽如綜相似測揲著本无參數五數之法只言交互參考皆有自然之數如三三為九三二為六之類雖不用以揲著而推考變通則未嘗不用也誤參以三數之也伍以五數之也如云什伍其民如云或相什伯非直為參與伍而已也蓋紀數之法以三數之則遇五而齊以五數之則遇三而會故荀子曰至以類相準見集解皆其義也易所謂參伍以變者蓋言或以三數而變之或以五數而變之前後多寡多相反復以不齊而要其齊如河圖洛書大衍之數伏羲文王之卦歷象之日月五星章節紀元是皆各為一法不相依附而不害其相通也錯綜之義沙隨得之然錯綜自是兩事錯者雜互之也綜者條而理之也參伍錯綜又各是一事參伍所以通之其治之也

簡而疎錯綜所以極之其治之也繁而密荀子說參伍處揚倮解之為詳漢書所謂欲問馬先問牛參伍之以得其膏綜如織綜之綜大抵陰陽奇偶變化无窮天下之事不出諸此成天地之文者若卦爻之陳列變態者是也定天下之象者物象皆有定理足以經綸天下之事也人傑本義云錯者交而互之一左一右之謂也問莫是揲著之左揲右右揲左否曰不特此如乾對坤坎對離自是交錯綜者總而挈之且以七八九六明之六七八九便是次序然而七是陽六壓他不得便當揆上七生八八生九九又須揆上便是一低一昂參蒙

纂註

程氏曰易之為書十有八變而成六爻故參以變所以畫乾坤相雜之文蓋錯其數而通之也五位

相得而有合故伍以變所以行乎卦爻之間蓋綜其數而極之也經曰八卦相錯則參以變者可知織者之用綜蓋以經相間而低昂之如天一地二之類是也則伍以變者可知朱氏曰參伍以變者縱橫十五天地五

十有五之數也錯之為六七八九線之為三百六十通
六七八九之變則剛柔相易遂成天地之文極五十有
五之數則剛柔有體遂定天下之象非成文不足以成
物非受象不足以制器變之又變謂之至變 雙湖先
生曰案楊稼荀子註伍參猶雜也使間諜或參之或伍
之於敵間而盡知其事史記引周書曰必參而伍之註
三卿五大夫 易无思也无為也寂然不動感而遂通天下之故
欲更議也

非天下之至神其孰能與於此集解

朱子曰此四者之體所以立而用所以行者也

易指著卦无思无為言其无心也寂然者感之體感通者寂之用人心之妙其動靜亦如此 附錄 程

語老子曰无為又曰无為而无不為常有為而以无為為之是乃有為為也聖人作易未嘗言无為惟曰无思也无為也此戒夫作為也然下則曰寂然不動感而遂通天下之故是動靜之理未嘗為一偏之說矣昨寂然

不動感而遂通者天理具備元无少欠不為堯存不為
桀亡父子君臣常理不易何曾動來因不動故言寂然
雖不動感便通感非自外來也大臨寂然不動萬象森
然已具在感而遂通感則只是自內感不是外而將一
件物來感于此也入關錄寂然不動感而遂通此只言
人分上事若論道則萬理皆具更不說感與未感入關
難心一也有指體而言者寂然不動是也有指用而言
者感而遂通天下之故是也皆大臨感而遂通天下之
故以其寂然不動小則事物之至大則无時而不感良
性寂然不動者誠也感而遂通者神也動而未形有无
之間者幾也誠精故明神應故妙幾微故幽誠神幾曰
聖人遺書 朱子語易无思也无為也寂然不動忠也
敬也立大本也感而遂通天下之故恕也義也行達道
也答張敬夫易无思也无為也易是箇无情底物事故
寂然不動占之吉凶善惡隨時著見乃感而遂通也時
象陳厚之問寂然不動感而遂通曰寂然是體感是用

當其寂時理固在此必感而後發如仁感為惻隱未感時只是仁義感為羞惡未感時只是義可學問胡氏說多指心作已發曰便是錯了縱使已發感之體固在所謂動中未嘗不靜如此則流行發見而卓然有不可移今只指作已發一齊无本了終日只得奔波急迫大錯了可學看來寂然不動衆人皆有是心至感而遂通處獨聖人能之衆人却不然蓋它雖具此心未發時已自汨亂了思慮紛擾夢寐顛倒可見若无聖人操存之道至感發處如何會得如聖人中節寓寂然不動感而遂通天下之故與窮理盡性以至於命本只是說易不是說人諸家皆是借來就人上說亦通問祖感而遂通感著它卦卦便應它如人來問底善便與說善來問底惡便與說惡所以先儒說道潔靜精微這般句說得有些意思淵凡言易者多只是指著卦而言著卦何嘗有思有為但只是扣着便應无不通所以為神耳非是別有至神在著卦之外也答呂祖僉人之一身知覺運用莫

非神之所為則心者固所以主於身而无動靜語默之間者也然方其靜也事物未至思慮未萌而一性渾然道義全具其所謂中是乃心之所以為體而寂然不動者也及其動也事物交至思慮萌焉則七情迭用各有攸主其所謂和是乃心之所以為用感而遂通者也然性之靜也而不能不動情之動也而必有節焉是則心之所以寂然感通周流貫徹而體用未始相離也又曰方其存也思慮未萌而知覺不昧是則靜中之動復之所以見天地之心也及其察也事物紛糾而品節不差是則動中之靜良之所以不復其身不見其人也所以主乎靜中之動是以寂而未嘗不感有以察乎動中之靜是以感而未嘗不寂寂而常感感而常寂此心之所以周流貫徹而无一息之不仁也答從夫易曰无思也无為也寂然不動感而遂通天下之故者何也曰无思慮也无作為也其寂然者无時而不感其感通者无時而不寂也是乃天命之全體用之一源流行而不息者

疑若不可以時處分矣然於其未發也見其感通之體
於其已發也見其寂然之用亦各有當而實未嘗分焉
故程子曰中者言寂然不動者和者言感而遂通者
也然中和以情性言者也寂感以心言者也中和蓋所
以為寂感
纂註 楊氏時曰惟无思惟足以感通天下之
也雜著 故而謂无思土木可乎此非窮神知化
未足與議也 呂氏曰寂然之中天機常動感應之際
本原常靜洪鐘在簾叩與不叩鳴未嘗已寶鑑在手照
與不照明未嘗息 張子曰一故神譬之人身四體皆
一物故觸之而无不覺此所謂感而遂通不疾而速不
行而
至也 **夫易聖人之所以極深而研幾也** 呂音訓研陸氏
曰蜀才作掣幾
陸氏曰如字本或作機 **集解** 朱子曰研猶審也幾微也
鄭云機當作幾幾微也 所以極深者至精也所以
研幾者 **附錄** 朱子語問如何是極深曰聖人都曉得至
至變也 深難見底道理都就易中見得問如所謂

幽明之故死生之說鬼神之情狀之類否曰然問如何
是研幾曰便是研磨出那幾微處且如一箇卦在這裏
便有吉凶有悔吝幾微毫釐處都研出來又問如此說
正與本義所謂所以極深者至精也所以研幾者至變
也正相發明曰然道夫易便有那深有那幾聖人便用
極出那深研出那幾研是研磨到底之意詩書禮樂皆
是說那已有底事惟是易說那未有底事研幾是不待
他顯著只在那茫昧時都處置了問知至如極深能慮
便是研幾楚孫知至能慮唯深也故能通天下之志唯
與極深研幾句略相似

幾也故能成天下之務唯神也故不疾而速不行而至

集解朱子曰所以通志而附錄程子語神无速亦无至

足以形容故也絢朱子語深是幽深通是開通人所
以閑塞只為它淺若是深後便能開通人志道理若淺

如何開通得人所謂通天下之志亦只似開物相似所
以下一句也說箇成務易是說那未有底六十四卦皆
是如此淵深就心上說幾就事上說幾便是有那事了
雖是微畢竟是有深在心甚玄奧幾在事半微半顯通
天下之志猶言開物開通其間故其下對成務淵極
出那深故能通天下之志研出那幾故能成天下之務
淵問惟深也惟幾也惟神也此是說聖人能如此否曰
此是說聖人亦是易如此若不深如何通得天下之志
又曰它恁黑窅地深疑若不可測然其中却事事有又
曰事事都有一箇端緒可尋又曰各有箇路脈線索在
裏面所以曰惟幾也故能成天下之務研者便是研窮
它或問幾曰這便是周子所謂動而未形有無之間者
也學家所謂通天下之志者通是開通之意蓋當時之
民遇事多閉塞不知所為故聖人作易示以此理教它
恁地做便會吉如此做便會凶必恁地則吉而可為如
此則凶而不可為所謂通天下之志開物亦只是如此

纂註 楊氏萬里曰天下之理惟疾故速惟行故至未有
不疾而速不行而至者也蓋不如是不足以為神

也然則聖人之神果何物也心之精也豈惟心之能神
哉物理亦有之銅山東傾而洛鐘西應豈惟物理哉人
氣亦有之其毋蠶指而其子心動此一物之理一人之
氣相應相同有不疾而速不行而至者也况聖心之神
乎是故範圍天地而一念不踰時經緯萬方而半武不
出戶宜假疾而後速行而後至何為其然也心之神也

子曰易有聖人之道四焉者此之謂也集解 朱子曰此
第十章承

上章之意言易附錄 朱子語變化之道莫非神之所為
之用有此四者附錄也故知變化之道則知神之所為

矣易有聖人之道四焉所謂變化之道也觀變玩占可
以見其精之至矣玩辭觀象可以見其變之至矣然非
有寂然感通之神則亦何以為精為變而成變化之道
哉此變化之道所以為神之所為也所以極深者以其

精也所以研幾者以其變也極深研幾所以不疾而速
不行而至者以其神也此又覆明上文之意復以易有
聖人之道四焉者結之也或曰至精至變皆以書言之
矣至神之妙亦以書言可乎曰至神之妙固无不在詳
考之文意則實亦以書言之也所謂无思无為寂然不
動云者言在冊象在畫著在情而變未形也至於玩辭
觀象而揲著以變則感而遂通天下之故矣推而極於
天地之大反而驗諸心術之微其一動一靜循環始終
之際至神之妙亦如此而已矣嗚呼此其纂註項氏曰
所以不疾而速不行而至也與精變神託纂註四者雖
云辭變象占而其下文所論則皆占也自是以君子將
有為也至天下之至精言所占之事也自參伍以變至
天下之至變言占之法也自易无思也至天下之至神
言占之理也凡占之法有數有變每爻三揲為三變每
揲有象兩象三象四時象閏象再閏為五小變此參伍
以變也三揲之奇分而計之則得三少三多一少兩多

一多兩少之數去三揲之奇以左右手之正策合而計之則得四九四六四七四八之數此錯綜其數也錯謂分而間之綜謂合而綜之此兩句止論一爻之法通六爻之變得十有八遂成初二三四五上以為剛柔相雜之文極六爻之數得七八九六遂定重單交拆以為內外兩卦之象此兩句成卦之法故曰此言占法也著之變策之數爻之文卦之象皆寂然不動之物初不能如人之有思亦不能如人之有為皆純乎天者也及問焉而以言則其受命也如響无有遠近幽深遂知來物則感而遂通天下之故皆同乎人者也故曰此言占理也至精至變至神易之體也惟深惟幾惟神易之用也故曰夫易聖人所以極深而研幾也立此一句以承上體起下用也物情難盡惟精於占者能極遠近幽深之情而繫其辭故雖深而无不至也事變至微人所易忽惟明於變者能推分合錯綜之文而見其象故雖微而无不察也至於神则无所用其力矣研極之至義精用利

以至於神此則夫子耳順心從之事非於深幾之外復有所謂神也或指精變深幾為四者精主占而言深則占之辭變主變而言幾則變之象亦不出於四事也自將有為以下專論占一事猶以四道終之者占則有辭變則有象舉其一則四事皆在其中矣

子曰夫易何為者也夫易開物成務冒天下之道如斯而已者是故聖人以通天下之

志以定天下之業以斷天下之疑

呂音訓夫易開物陸氏曰一本无夫易二

字開王肅作聞音同冒陸氏曰莫報反覆也斷陸丁亂反下同

彖解

朱子曰開物成務謂使人卜筮以知

吉凶而成事業冒天下之道謂卦爻既設而天下之道皆在其中

附錄

程子語開物成務有濟時之才

辭來子語夫易何為也至以斷天下之疑此言易之書其用如此易說問開物成務者上古之時民淳俗

朴風氣未開於天下事全未知識故聖人立龜與之卜
作易與之筮使之趨吉避害以成天下之事故曰開物
成務物只是人物務只是事務冒只是單得天下許多
道理在裏出不得它箇道人問易開物成務冒天下之
道是易之理能恁地而人以之卜筮又能開物成務否
曰然學象易本欲定天下之志斷天下之疑不是要說
道理也誤以通天下之志以定天下之業以斷天下之
疑此是說著龜若不指著龜何以言通之定之斷之必
大聖人作易教它占吉則為凶則否所謂通志定業斷
疑者則此也 讀繫辭者須見得如何是開物如何是
成務如何是冒天下之道須要就卦中一一見得許多
道理然後可讀繫辭也蓋易之為書大抵皆因卜筮以
設教逐爻開示吉凶包括无道如將天下許多道理包
藏在其中故曰冒天下之道繫辭自大衍以下皆是說
卜筮事若不曉它盡是說爻變中道理則如所謂變動
不居周流六虛之類有何憑着今人說易所以不將卜

筮為主者只是怕小却這箇道理故憑虛失實茫昧臆
度而已殊不知由卜筮而推上通鬼神下通事物精及
於无形靡及於有象如包單在此隨取隨得居則觀其
象而玩其辭動則觀其變而玩其占者又不待卜而後
見只是體察便自見吉凶之理謀易本為卜筮而作古
人淳質初无文義故畫卦爻以開物成務故曰夫易何
為者也夫易開物成務冒天下之道如斯而已者也是
故以通天下之志以定天下之業以斷天下之疑是故
著之德圓而神卦之德方以知六爻之義易以育
聖人以此洗心退藏於密此易之大意在此謨 筮註
張子曰物凡物也務事也開明之也成處之也事无大
小不能明明則何由能處雖至麤至小之事亦莫非開物
成務譬如不深耕易耨則稼穡烏得而立唯深也故能
通天下之志唯幾也故能成天下之務是則開物成務
者必也有濟時之才 朱氏曰萬物在天地間不離五
十有五之數聖人雖不言其能逃乎然則易之為書何

為者也。物有理，易則開之，事有時，易則成之。聖人冒天下之道，所謂易者如斯而已者也。冒天下之道，日月所照，霜露所墜，舟車所至，凡有血氣者，必待此道而後覆。冒關于明曰象，生有定數，吉凶有前期，變而能通，則治亂有可易之理。天命人事，其同歸乎？故聖人以此通天，下之志，謂其極深也。以此定天下之業，謂其成務也。以此斷天下之疑，謂其受命如響也。是故著之德圓而神，卦之德方以知。

六爻之義，易以貢聖人，以此洗心，退藏於密，吉凶與民同患。神以知來，知以藏往，其孰能與於此哉？古之聰明

獻知神武而不殺者夫。

呂音訓：著陸音尸，圓陸氏曰本又作負音同。晁氏曰：案負古文。

以知陸音智，下知以獻知，皆同。易陸氏曰：以鼓反，韓音亦謂變易貢陸氏如字，告也。京陸績虞作工，荀作功，洗

陸氏曰劉瓛悉殄反盡也王肅韓悉禮反京荀虞董張蜀才作先晁氏曰石經作先心案先古文洗字藏陸氏曰如字劉作臧善也晁氏曰案篆无臧字劉訓誤爾殷陸氏曰馬鄭王肅干所戒反師同徐所例反陸績韓如字晁氏曰鄭虞云不意

集解

朱子曰圓神謂變化无方

謂變易以告人聖人體具三者之德而无一塵之累无事則其心寂然人莫能窺有事則神知之用隨感而應所謂无卜筮而知吉凶也神武附錄程子語安有識得不殺得其理而不假其物之謂附錄易後不知退藏於密密是用之源聖人之妙處河南語錄退藏於密密是甚入闕錄生生之謂易天地設位而易行乎其中乾坤毀則无以見易易不可見乾坤或幾乎息矣易畢竟是甚又指而言曰聖人以此洗心退藏於密聖人示人之意至此深且明矣終无人理會易者此也密也是甚物人能至此深思當自得之

知不專為藏往易言知來

藏往主著卦而言入關錄朱子語著以七為數故七
七四十九而屬陽是未成卦時所用未有定體故其德
圓而神所以知來卦以八為數故八八六十四而屬陰
是因著之變而成已有定體故其德方以知所以藏往
答何錡著之德圓而神卦之德方以知六爻之義易以
貢是變易以告人貢字只作告字說但上面神字知字
下得重不知此字又却下得輕却曉不得學家聖人之
心渾只是圓神方知易貢三箇物事更无別物一似洗
得來潔靜了淵聖人以此洗心此字指著卦之德六爻
之義而言洗心言聖人玩此理而默契其妙也答王遇
退藏於密時固不用這物事吉凶與民同患也不用這
物事用神而不用著用知而不用卦全不犯手退藏於
密是不用事時到它用事也不犯手事未到時先安排
在這裏了事到恁地來恁地應淵聖人以此洗心退藏
於密是以那易之理來洗濯自家心了更没些私意小
智在裏許聖人便似那易了不假卜筮而知吉凶所以

說神武而不殺這是有那神以知來知以藏往又說簡齋戒以神明其德皆是得其理不假其物謂一卦之中凡爻辭所載皆具已著底道理此藏往也占得此爻却因已見底道理以推未來之事便是知來必大神以知來如明鏡然事物來都看見知以藏往只是見在底事也都識得又曰都藏得在這裏面又曰如揲著然當其未揲也都不知成卦了則事都研定在上面了便是藏往聖人於天下自是所當者推所向者伏然而他都與卦以德言又以義言但只是具這箇道理在此而已所謂以此洗心者心中渾然此理別无它物退藏於密只是未見於用所謂寂然不動也下文說神以知來便是以著之德知來知以藏往便是以卦之德藏往洗心退藏言體知來藏往言用然亦只言體用具矣而未及使出處到下文是與神物以前民用方發揮許多道理以盡見於用也然前段必結之以聰明獻知神武而

不殺者只是譬喻著龜雖未用而神靈之理具在猶武
雖殺人底事聖人却存此神武而不殺也該是故著之
德至殺者夫此言聖人所以作易之本也著動卦靜而
爻之變易无窮未盡之前此理已具於聖人之心矣然
物之未感則寂然不動而无朕兆之可名及其出而應
物則憂以天下而圓神方知者各見於功用之實聰明
徹知神武而不殺言其纂註張子曰圓神故能通天下
體用之妙也答張敬夫
業易貢故能斷天下之疑易書成三者備民患明聖人
得以洗濯其心而退藏於密矣又曰吉凶可以正勝非
聖人之患也又曰問物於幾先故曰知來明憂患而辨
其故故曰藏往又曰示人吉凶其道顯矣知來藏往其
德行神矣語著龜之用也神武而不殺神之武者使懼而不犯
神武者也孔氏曰吉凶同患者凶雖民之所患吉亦民之所
患也既得其吉又患其凶故老子寵辱若驚也項氏
曰自子曰夫易何為者也至定之以吉凶所以斷也朱

子合為一大章專言卜筮之事而其間節目有四第一節自夫易何為者也至神武而不殺者夫統言易中有著卦爻三德章首先設問答次以是故發辭開物者知其未然也陽之始物也成務者定其當然也陰之終物也天下之始終皆備於此書之內矣是故聖人用之以通人之志所謂開物也以定人之事所謂成務也以決人之疑即志與事之決也此三者皆著卦爻之所能也是故著用七故其德圓卦用八故其德方爻用九六故其義易而著開於无卦之先所以為神卦定於有象之後所以為知爻決之先者也所以為貢聖人以此三者洗心以存其神退藏以定其體同患以贊其決故其知幾即神之開物也其畜德則知之成務也此所謂聰明獻知也其斷吉凶即神武之決也其與民同患即不殺之仁也古之人有能備是德者即伏羲聖人是也故自立卜筮之人焉

是以明於天之道而察於民之故是興

神物以前民用聖人以此齊戒以神明其德夫

齊陸側音訓

階反其德夫陸氏曰荀虞顧絕句

集解

朱子曰神物謂衆皆以大字為下句一本无夫字

之謂齊肅然警惕之謂戒明天道故知神物之可興察民故故知其用之不可不有以開其先是以作為卜筮

以教人而於此焉齊戒以考其占使

附錄

程子語易要其心神明不測如鬼神之能知來也

神明其德夫絢聖人齊戒敬也以神明其德惡人齊戒示敬也故可以事上帝光庇聖人以此洗心退藏於密

聖人以此齊戒以神明其德夫絢

朱子語問天之道便是民之故否曰到得極處固只是一箇道理看時須

做兩處看方看得周匝无虧欠處問天之道只是福善禍淫之類否曰如陰陽變化春何為而生秋何為而故

夏何為而暑冬何為而寒皆要理會得問民之故如君臣父子之類否曰故只是事凡民日用皆是若只理會

得民之故却理會不得天之道便即民之故亦未是在
到得極時固只是一理要之須是都理會周匝始得道
大問明察之義有淺深否曰察深於明明只是大槩明
得這道理耳孟子所言明察與易明於天道察於民故
同去仍問是以明於天之道而察於民之故曰聖人見
得天道知得人事都是這箇道理看見善龜之靈都包
得這道理於是作為卜筮使民因卜筮皆知得道理都
在這裏面了學象是興神物以前民用此言有以開民
使民都知前時民昏塞吉凶利害是非都不知因這箇
開了便能如神明然此便是神明其德又曰民用之則
民神明聖人用之則自神明其德淵齊戒敬也聖人无
一時一事而不敬此特因卜筮而言尤見其精誠之至
如孔子所慎齊戰疾之意也答敬大聖人於卜筮其齊
戒之心虛靜純一戒謹恐懼却只是退聽於鬼神學象
便是聖人也要神明這箇本是一箇靈聖底物事自家
齊戒便會靈聖不齊戒便不靈聖古人所以七日戒三

日齊義剛設為卜筮以為民之嚮導聖人於此又要以卜筮而齊戒以神明其德顯道神德行便似這神字猶言凶吉若有神陰相之相似都不是自家做得却都若神之所為學蒙是以明於天之道至以前民用此言作易之事也聖人以此齊戒以神明其德夫此言用易之事也恭敬夫是以明於天之道以下言教民卜筮之事而聖人亦未嘗不敬而信之以神明其德也 著之德圓而神以下却是從源頭說却不是說卜筮蓋聖人之心自有易之三德故渾然是此道理不煩用一毫之私便是洗心即是退藏於密所謂密者只是它人自无可捉摸處便是寂然不動處吉凶與民同患神以知來知以藏往皆已具此理但却未用於著龜故曰古之聰明獻知神武而不殺者夫神武不殺之言只是譬喻謂聖人已具此理却不犯手耳明於天之道以下方說著龜乃是發用處是與神物以前民用蓋聖人既具此理又將此理就著龜上發明出來使民亦得前知而用之也

聖人以此齊戒以神明其德德則聖人之德又即卜筮以神明之聖人自有此理亦用蓍龜之理以神明之必大但方其退藏而與民同患之用已具及其應變則又以齊戒而神明其德此則非聖人不能與答茶幸通洗心聖人玩辭觀象理與心會也齊戒聖人觀變玩占臨事而敬也答何錫聖人此心虛明自然具衆理卦爻許多不是安排對副與人看是甚人來自然撞着易如此聖人也如此所以說个著之德卦之德明其德淵明道愛舉聖人以此齊戒以神明其德夫一句雖不是本文意思要之意思自好道夫湛然純一之謂齊肅然警惕之謂戒玩此則知所以神明其德之意也胡叔器問齊戒只是敬否曰也是敬但齊較詳於戒到湛然純一時那肅然警惕纂註張子曰言天之變遭禍福之道由民也元了美剛纂註逆順取舍之故故作易以先之柴氏曰齊戒以致其誠以自神明其德人心誠則神神則與理无間斷項氏曰此第二節言始立蓍筮之人以

是以發辭惟其聰明厥知也是以明於天道之遠而察於民事之近惟其神武不殺也是以建立蒼策以開斯民占決之用聖人又以卜筮之法所以齊心而戒事問之於神而貢之於明者以自齊戒以自神明其齊則洗心也其戒則藏密也其神明其德則與民同患也自是此以下遂言畫爻布卦之法以見神明其德之事也是

故闔戶謂之坤闢戶謂之乾一闔一闢謂之變往來不

窮謂之通見乃謂之象形乃謂之器制而用之謂之法

利用出入民咸用之謂之神

呂音訓闔陸胡臘反闢陸婢亦反見陸賢通反

集

朱子曰闔闢動靜之機也先言坤者由靜而動也乾

解坤變通者化育之功也見象形器者生物之序也法

者聖人修道之所為而神

附錄

程子語闔闢便是易一

道真元之氣氣之所生不與外氣相雜但以外氣涵養而已若魚在水魚之性命非是水為之但必水涵養魚乃得生爾人居天地氣中與魚在水無異至於飲食之養皆是外氣涵養之道出入之息者闔闢之機而已所出之息非入之氣但真元自能生氣所入之氣止當闔時隨之而入非假此氣以助真元也精義朱子語闔闕乾坤理與事皆如此書亦如此這箇則說理底意思多淵問易中多言變通之意如何曰處得恰好處便是通問往來不窮謂之通如何曰處得好便不窮不通便窮道夫見乃謂象只是說動而未形有無之間者幾底意思幾雖是未形然畢竟是有箇物了淵問闔戶謂之坤一段只是這一箇物以其闔謂之坤以其闕謂之乾以其闔闕謂之變以其不窮謂之通以其發見而未成形謂之象以其成形則謂之器聖人修明以立教則謂之法百姓日用則謂之神曰是如此又曰利用出入者便是人生日用都離它不得又曰民之於易隨取而各

足易之於民周徧而不窮所以謂之神
所以謂之活潑潑地便是這處學家
纂註朱氏曰坤

陰右行萬物由之而入故曰闔戶乾自冬至一陽右行
萬物從之而出故曰闢戶又曰无闔則无闢无靜則无

動此歸藏所以先坤歟徐氏曰天道流行有動有靜
猶戶之闔闢陽之嘘也羣蟄由是而作是謂之乾陰之

翁也羣動由是而息是謂之坤先坤後乾陰陽之義也
余氏曰戶一而已闔斯為坤闢斯為乾且闔且闢為

變可往可來為通見此戶之象也戶則器也劑之於棟
宇之初者法也千萬世由之而不能離者神也皆言戶

也知戶之說則知乾坤之說聖人偶有觸於一物而發
明乾坤之妙如此知此者謂之知易觀天地則圖書與

得諸此戶无異也先儒觀兔及斲公事之說亦然張
子曰夫氣本一所以為陰陽者闔闢而已氣闔則温煥

發生闔則收斂肅殺但一體二用不可以二物分之分
之則闔闢之機露而生生之用息矣又曰闔闢二機无

時止息則陰陽二氣安得而離陽極則陰生陰勝則陽復消長陵奪无俄頃之間此天道之所以運行不息入于地道則為剛柔入于人道則為仁義才雖三而道則一體雖兩而用則一項氏曰第三節言畫卦布爻之法以是故發辭闢戶謂之坤言畫偶爻也凡偶皆屬陰闢戶謂之乾言畫奇爻也凡奇皆屬乾一闢一闢謂之變六畫既成剛柔相雜言成卦也往來不窮謂之通九六之動交相往來言之卦也皆自神而明之也案其迹而言見於著策謂象形於卦爻謂器制用之謂卜筮之法可謂明矣究其用言之枯莖敗槩而內外靜作之務皆資於利用王公阜隸之人皆用以決疑極深研幾其妙如此豈非天下至神乎此自明而神也此下復惟明之作是故易有大極是生兩儀兩儀生四象四象生八

卦

陸音泰 集解

朱子曰一每生二自然之理也易者陰陽之變大極者其理也兩儀者始

為一畫以分陰陽四象者次為二畫以分太少八卦者
次為三畫而三才之象始備此數言者竇聖人作易自
然之次第有不假絲毫智力而成者
附錄程子語范文
畫卦操著其序皆然詳見序例啓蒙甫問四象曰
左右前後楊中立問四象曰四方時氏拾遺天地之間只有動
易者陰陽之變太極其理也真氏說天地之間只有動
靜兩端循環不已更無餘事此所謂易而其動其靜必
有所以動靜之理焉是則所謂太極也蓋易有太極是
生兩儀即所謂易也但倒說此一句故曰易有太極祇
太極十全是具一箇善若三百八十四爻中有善有惡
皆陰陽變化後方有八卦列於六經為萬世文字之祖
參呂氏易有太極便是下面兩儀四象八卦自三百
八十四爻總為六十四自六十四總為八卦自八卦總
為四象自四象總為兩儀自兩儀總為太極以物論之
易之有太極如木之有根浮圖之有頂但木之根浮圖
之項是有形之極故周子曰无極而太極是它說得有

功處然太極之所以為太極却不離乎兩儀四象八卦如一陰一陽之謂道指一陰一陽之謂道固不可而道則不離乎陰陽也必大周子康節說太極是和陰陽說易中便擡起說周子言太極動而生陽靜而生陰動時便是陽之太極靜時便是陰之太極蓋太極即在陰陽裏如易有太極是生兩儀則先從實理處說若說其生則俱生太極依舊在陰陽裏但言其次序須有這實理方始有陰陽也其理則一雖然自見在事物而觀之則陰陽函太極推其本則太極生陰陽並兩儀者兩箇儀象也非是指天地之形而言伏羲初畫陰陽指言此二畫為陰陽之象故曰兩儀也紙龜山過黃亭詹季魯家季魯問易龜山取一張紙畫箇圓用墨塗其半云這便是易此說最好只是一陰一陽做出許多般樣顯子闔闢往來乃是易之道易有太極則承上文而言所以往來闔闢而无窮者以其有是理耳有是理則天地設位而易行乎其中矣兩而生四四而生八至於八則三

變相因而三才可見故聖人因之畫為八卦以形變易之妙而定吉凶至此然後可以言書耳答蔡季通太極兩儀四象八卦者伏羲所畫八卦之法也說卦天地定位至坤以藏之以前伏羲所畫八卦之位也帝出乎震以下文王即伏羲已成之卦纂註南軒張氏曰易者生而推其義類之辭也木之生之妙而太極者所以生生者也程氏珙曰太者至大而无所不包極者至極而无所不備太極之道太化同流屈信消長萬類一本至理兼該莫不包舉而悉備也天地之所以為天地人物之所以為人物皆本於太極自然之理周子曰无極而太極也蓋謂是理至神至妙動靜互根陽變陰合循環无始焉有終極形而上者之謂也易曰天地絪縕萬物化醇男女構精萬物化生故物物各具一太極而萬物同此一太極也真氏曰泰古書言太極自易之外如老子曰有物混成先天地生寂兮寥兮獨立而不改周行而不殆可以為天下母吾不知其名字之曰

道強名之曰大佛氏因之亦曰有物先天地無形本寂
寥能為萬象主不逐四時凋夫太極理而已矣二氏乃
以物言可乎又老子曰道生一一生二二生三三生萬
物莊子曰夫道有情有性無為無形可傳而不可見自
本自根未有天地自古以固存禪鬼神帝生天生地
在太極之先而不為高在太極之下而不為深先天
地生而不為久長於上古而不為老列子曰氣形質具而未
相離故曰渾淪凡此皆指太極而言也朱子嘗荅學者
曰太極之義正謂理之極致耳有是理即有是物無先
後次序之可言故曰易有太極則是太極乃在陰陽之
中而非在陰陽之外也今以乾坤未判大衍未分之時
論之恐未安也形而上者謂之道形而下者謂之器今
論太極而以天地未分元氣合而為一者言之亦恐未
安也有是理即有是氣理一而已氣則無不兩者故易
曰太極生兩儀而老子乃謂道先生一而後乃生二則
其察理亦不精矣朱子所辨可謂有功於學者大抵自

周子以前凡論太極皆以氣言莊子以道在太極之先所謂太極乃是指作天地人三者氣形已具而渾淪未判者之名而道又別是一懸空底物在太極之先則道與太極為二矣不知道即太極太極即道以其通行而言則曰道以其極致而言則曰極又何嘗有二邪若列子渾淪之云漢志由三為一之說所指皆同倘非周子啓其秘而朱子又闡而明之孰知太極之為理而非氣也哉或謂古書有所謂太一有所謂太易太初太始太素其與太極同乎異乎曰太一者即太極之異名也禮曰禮必本於太一分而為天地以其極至則曰極以其无二則曰一所謂名殊而義一者也若所謂太易未見氣太初氣之始太始形之始太素質之始也則以氣形質言之而非指乎此理

八卦定吉凶 凶生大業集解

朱子曰有吉有凶是生大業

附錄 朱子語卦畫既立便有吉凶在裏蓋是陰陽往來交錯於其間時則

有消長之不同長者便為主消者便為客事則有當否之或異當者便為善否者便為惡即其主客善惡之辨而吉凶見矣故曰八卦定吉凶吉凶既決定而不差則以之立事而大業自此生矣此聖人作易教民卜筮以開天下之愚以定天下之志纂註項氏曰自太極以至以成天下之事者如此賀孫末章為第四節極言聖人制作之本然制作之本有三易有太極以下六句言成器之所由立天生神物以下四者為易書之所由作雙湖先生曰紫項氏分節目甚好但其間語未盡純難全纂爾是故法象莫大乎天

地變通莫大乎四時縣象著明莫大乎日月崇高莫大乎富貴備物致用立成器以為天下利莫大乎聖人探賾索隱鈎深致遠以定天下之吉凶成天下之亹亹者

莫大乎著龜

呂音訓陸陸音立探陸吐南反陸陸氏曰九家作册疊陸亡謀反莫善乎著龜今本

作莫大陸氏曰集解朱子曰富貴謂有天下履帝位立本亦作莫大

急決附錄朱子語蹟是雜亂不是妙字本從口是喧鬧故勉

著龜如何曰人到疑而不能決處便放倒了不肯向前既得卜筮知其吉凶自然勉勉住不得則其所以疊疊

者是卜筮成之也必大易占不用筮注柴氏曰六者莫龜而每言著龜皆具此理也董

易无乎不在天地四時日月其最著者也非富貴之位則易之道不行非聖人之作則易之用不備非著龜之

神則易之理不顯然易道之行宜必富貴然聖人之道以及物為本心又下接備物致用為天下利為言故有

取於富貴也故曰廣土眾民君子欲之所樂不存焉徐氏曰法謂效法象謂成象萬物之生有顯有微皆法

象也而莫大乎天地萬物之運終則有始皆變通也而莫大乎四時天文煥爛皆懸象著明也而莫大乎日月崇高以位言而貴為天子富有四海者為尤大智者創物巧者述之皆足以為利而物无不備用无不致立成器以為天下利者惟聖人為大蹟隱以物象言深遠以事理言探之索之則蹟者陳而隱者顯定鈞謂曲而取之致謂推而極之則深者出而遠者至矣卦爻示人者明若觀火則有以決其吉凶而勉其有成也故曰成天下之亶亶者莫大乎蓍龜上三言以易之在造化者言也下三言以易之在人事者言也天地有自然之法象非崇高富貴位與天地並何以修道而立教四時有自然之變通非聖人作易變通盡利何以神化而宜民日月之明旁燭幽遐非易之示人本隱之顯何以開物成務是三言者各有所合也 蔡氏曰五字下當有象字

是故天生神物聖人則之天地變化聖人效之天垂象

見吉凶聖人象之河出圖洛出書聖人則之

呂音訓見陸賈適反

出陸如字又尺遂反下同洛陸氏曰集解者聖人作易

王肅作雖漢家以火德王故從各佳

附錄

程子語因見膏兔者聖人見河圖洛書詳見啓蒙洛書而畫八卦然何必圖書只有

此兔亦可作八卦數便在中可起古之聖人只取神物

之至著者爾只如樹木亦可見數兔何以无尾有血无

脂只為是陰物大抵陽物尾長陽威者尾愈長如雉是

威陽之物故尾極長又其身文明今之行軍者多植尾

節孔子感麟而作春秋或謂不然如何曰春秋因感麟

而作然麟不出春秋豈不作孔子之意蓋亦有素因此

一事乃作故其書之成復以此終大抵須有發端處如

畫八卦因見河圖洛書果无纂註朱氏曰蒼一根百莖

河圖八卦亦須作八關錄

周易會通

卷六

之數神物也故聖人則之天地變化四時行焉百物生焉故聖人效之日月五星天象也天不言示人以象吉凶見矣故聖人象之河圖九宮洛書五行聖人則之又曰效之者效之以立文之動故曰文也者效天下之動者也象之者象也於蒼龜圖書言之者大衍之數八卦五行作易者則之故乾坤坎離震巽艮兌三畫之卦又皆合九六七八數皆十五水火七木八金九五行之數具焉傳曰聖人以蒼龜而信天地四時日月之象數以河圖洛書而信蒼龜之象數信矣其不疑也於是乎作易 蔡氏曰效學也象形像也變化垂象天地造化之可考者聖人效象之而易道以明神物圖書天地生物而備數者聖人則之而易法以著此乃作易之旨也 雙湖先生曰神物謂蒼則之而四十九之用以行變化謂陰陽效之而卦爻動靜備象謂日月星辰循度失度而吉凶見象之而卦爻有以斷吉凶圖書則余木水火土生成克制數則之而卦畫方位定皆作易之本

也易有四象所以示也繫辭焉所以告也定之以吉凶

所以斷也集解

朱子曰四象謂陰陽老少示謂示人以所值之卦爻此第十一章專言卜筮

纂註

錢氏曰有其象亡其辭則示人以其意而已聖人懼後世不能與知也於是繫之辭以告之定其

辭以斷之曰示則使人有所見曰告則使人有所知曰斷則使人无所疑朱氏曰聖人所以示人吉凶也易

於吉凶有以利害者有以情遺者有義命當吉當凶當身當否者一以貞勝而不顧非聖人不能定之也定之

者所以斷之雙湖先生曰此章凡八稱聖人皆指伏羲只繫辭以告是文王周公事首揭夫易何為者也一

句為問辭喚起一章大意而以夫易開物以下為答辭盡說歸卜筮其下六箇是故一箇是以皆發明卜筮事

第一箇是故說聖人以通以定以斷總言卜筮之綱也第二箇是以言聖人以此洗心第三箇是故言聖人以

此齊戒此即卜筮以用卜筮也第五簡是故再提起易有太極論生儀象卦之法亦揲蓍求卦之事第六簡是故雖論天地四時日月實歸重聖人有富貴之位能致用立器以利天下而必以著龜成壘壘者結之亦聖人節也至第七簡是故四致意於聖人則之效之象之則之而未及文王周公之辭焉故本義謂此章專言卜筮然雖專言卜筮而伏羲畫卦之法其綱領已備見於是而圖書為作易之原亦因是而發焉此皆不可不知也

易曰自天祐之吉无不利子曰祐者助也天之所助者順也人之所助者信也履信思乎順又以尚賢也是以

自天祐之吉无不利也

吕音訓又以陸氏曰鄭本作有以晁氏曰集又古文有字今文

當作集解朱子曰釋大有上九爻義然在此无附錄朱子

有

朱子曰釋大有上九爻義然在此无附錄朱子

子

語引大有上九爻以明上文之末纂註朱氏曰天之所助義或曰此一節宜在八章之末

者信也六五履信而思乎順又自下以尚賢是以自天祐之吉无不利言此明獲天人之理然後吉无不利聖

人明於天之道而察於民之故合天人者也柴氏曰聖人興易以示天下欲居則觀其象而玩其辭動則觀

其變而玩其占捨逆取順避凶趨吉而已六十四卦中如大有上九爻辭之順道而獲吉者多矣夫子於此再

三舉之者以自天祐之吉无不利之辭深見人順道而行自與吉會之意子曰書不盡言言

不盡意然則聖人之意其不可見乎子曰聖人立象以

盡意設卦以盡情偽繫辭焉以盡其言變而通之以盡

利鼓之舞之以盡神呂音訓書不盡陸如集解朱子曰字又津忍反下同

傳者淺象之所示者深觀奇偶二畫包含變化无有窮盡則可見矣變通鼓舞以事而言兩子曰字宜衍其一蓋子曰字皆後人所加故有此誤如近世通書乃周子所自作亦為後人每章加以周子曰字其設問答處正如如此

附錄

程子語言貴簡言愈多於道未必明杜元凱却有此語云言高則旨遠辭約則義微大率

言語須是涵養而有餘意所謂書不盡言言不盡意精義未予語問書不盡言言不盡意一章曰立象盡意是觀一奇一偶兩畫包含變化无穷盡設卦以盡情偽則有一奇一偶設之於卦自是盡得天下情偽繫辭焉便斷其吉凶變而通之以盡利此言占得此卦陰陽老少交變因其變便有通之理鼓之舞之以盡神未占得則有所疑既占則无所疑自然使人脚輕手快行得順便如大衍之後言顯道神德行是故可與酬酢可與祐神定天下之吉凶成天下之亹亹皆是鼓之舞之之意范元裕問書不盡言言不盡意是聖人設問之辭曰也

是如此言是不足以盡意故立象以盡意書是不足以盡言故繫辭以盡言又曰書不盡言言不盡意是元舊有此語又曰立象以盡意不獨聖人有這意思寫出來自是他象上有這意設卦以盡情偽不成聖人有情又有偽自是卦上有這情偽但今不曉那處是偽沈思久之曰看來情偽只是箇好與不好如剝五陰只是要害一箇陽這是不好底情便是偽如復如臨便是好底卦便是真情學家問立象設卦繫辭是聖人發其情意見於書變通鼓舞是聖人推而見於事否曰是學蒙變通盡利鼓舞盡神是言立象設卦繫辭皆為卜筮之用而天下之人方知所以趨吉避凶奮然有所興作不知手之舞之足之蹈之之意故曰定天下之吉凶成天下之亹亹者莫大乎蓍龜猶懼迫天下之人勉之為善相似諷問鼓之舞之蓋有以作興振起之使人遷善而不自知否曰鼓之舞之便无所用力自是聖人教化如此鼓舞於占上分數較多自是樂會得而不自知因舉橫渠

云巫風其鼓舞之盡神者與巫字從工兩邊人字是取象其舉袖巫者祀神如舞雩之類皆須舞蓋以通暢其和氣達于神明問鼓舞恐是振揚發明底意思否曰然蓋提撕警覺使人各為其所當為也道夫鼓之舞之以盡神亦只如成天下疊疊之義鼓舞有發動之意鼓天下之動者存乎辭是因易之辭而知吉凶後如此必大歐公謂書不盡言言不盡意者非蓋它不曾看立象以盡意一句惟其言不盡意故立象以盡之學者於言上會得者淺於象上會得者深

筮祭註

楊氏萬里曰

以一卦言之天地交

也通寒之象立治亂之意盡矣以一爻言之初而潛者勿用之象也上而亢者不知進退之象也上下之象立而潛退之意盡矣卦設而天地萬物之情可得而見鬼神之情狀可得而知而況於人之情偽乎元亨利貞者卦之辭也潛龍勿用者爻之辭也祭之以卦辭不足又繫之以爻辭則盡其言矣丘氏曰書以記言言有非

書所能述言以道意意有非言所能達於是聖人為之立象以示人使之觀象而意自得為之繫辭以斷吉凶使之玩辭而言以明情實也偽虛也人之情偽何啻萬端自六十四卦既陳而是非得夫居然可見故足以盡情偽變通以事言謂因其卦之變而通之使人凡有所為知所趨避故足以盡利鼓舞以心言謂其奮然有所興起也方其未占則人心有疑而不敢為既占則自然作興疊疊而不厭故足以盡神立象設卦繫辭三者言作易之體變通鼓舞二者言用易之事

立乎其中矣乾坤毀則無以見易易不可見則乾坤或

幾乎息矣

呂音訓緼陸氏曰於粉反徐於憤反王肅又於問反

集解

朱子曰緼所包畜者猶衣

之著也易之所有陰陽而已凡陽皆乾凡陰皆坤畫卦定位則二者成列而易之體立矣乾坤毀謂卦畫不立

乾坤息謂附錄程子語乾健坤順人亦不曾果是體認變化不行得乾坤毀則無以見易精義未予語

乾坤其易之緼緼如緼袍之緼是箇胎骨子人傑向論衣徹緼袍緼是綿絮胎今看此緼字正是如此取義易

已著此理乾坤則是體骨必大易之言乾坤者多以卦言易立乎其中只是言乾坤之卦既成而易立矣乾坤

成列便是一陰一陽則未有變易在又曰有這卦則有變若只是一陰一陽則未有變易在又曰有這卦則有變

易无這卦便无這易了又曰易有太極則以易主此一段別以乾坤為主學家問乾坤成列是說兩畫之列是

說八卦之列曰兩畫也是列八卦也是列六十四卦也是列學家乾坤其易之緼邪乾坤成列而易立乎其中

這又只是言立象以盡意設卦以盡情偽易不過只是一箇陰陽奇偶千變萬變則易之體立若奇偶不交變

奇純是奇偶純是偶去那裏見易易不可見則陰陽奇偶之用亦何自而辨問在天上如何曰闢天地什麼事

此皆說易不外奇偶兩物而已元裕自易道體統而言則乾陽坤陰一動一靜乃其緼也自乾坤成列而觀則易之為道又不在于乾坤之外惟不在外故曰乾坤毀則无以見易然易不可見則乾自乾坤自坤故又曰易不可見則乾坤或幾乎息矣谷欽夫乾坤毀則无以見易只是陰陽卦畫沒這幾箇卦畫惡箇甚寫出那陰陽造化何處更得易來這只是反覆說易不可見則乾坤或幾乎息只是說揲著求卦別更推不去說做造化之理息也得不若前說較平潤乾坤成列易立乎其中只是說乾坤二卦易只是說易之書與天地設位而易行乎其中之易不同行乎其中纂註余氏曰既曰乾坤易者却是說易之道理必大之緼又曰乾坤易之門徹內外只如此張子曰乾坤既列則其間六十四卦爻位錯綜以為變易乾坤不列則何以見易易不見則是无乾坤乾坤天地也易造化也聖人之意莫先乎要識造化既識造化然後有理可窮彼惟不識造化以

為幻妄也不見易則何以知天道不知道則何以語性
又曰陰陽剛柔仁義之本立而後知趨時應變故乾坤
毀則无以見易感而後通不有兩則有一故聖人以剛
柔立本乾坤毀則无以見易 楊氏時曰或問乾坤毀
則无以見易如此則易不屬无矣曰易固非无張橫渠
深闢老子有無之論莫有見於此否曰然才說无便成
斷滅去如 釋氏說空 是故形而上者謂之道形而下者謂之器化

而裁之謂之變推而行之謂之通舉而措之天下之民

謂之事業

呂音訓上陸時掌反錯陸氏曰七故反本又作措

集解

朱子曰卦爻陰陽皆形而

下者其理則道也因其自然之化而裁制之變 附錄 程
之義也變通二字上章以天言此章以人言
語形而上為道形而下為器須着如此說器亦道亦
器但得道在不係今與後已與人語有形皆器也无形

為道。絢形而上者，謂之道。不可移。謂字在之字下。此孔子
文章。光庭形而上者，謂之道。形而下者，謂之器。若如或
者，以清虛一大為天道，則一作此，乃以器言而非道也。
絢，佛氏不識陰陽晝夜生死古今安得謂形而上者，與
聖人同乎。繫辭曰：形而上者謂之道，形而下者謂之
器。又曰：立天之道曰陰與陽，立地之道曰柔與剛，立人
之道曰仁與義。又曰：一陰一陽之謂道，陰陽亦形而下
者也。而曰道者，唯此語截得上下最分明。元來只此是
道，要在人默而識之也。並幽。朱子語問形而上者謂
之道，形而下者謂之器，如何分形器曰形而上者是理
才有作用便是形而下者。問陰陽如何是形而下者，曰
一物便有陰陽，便有作用。寒暖生殺皆見得是形而下
者。事物雖大皆形而下者，理雖小皆形而上者。木之道
是道，理事事物物皆有箇道理。器是形跡，事事物物亦
皆有箇形跡。有道須有器，有器須有道。有物必有則，質

濂可見底是器不可見底是道理是道物是器道非器不形器非道不立變殊凡有形有象者皆器也其所以為是器之理者則道也如所謂始終晦明奇偶之屬皆陰陽所為之器獨其所以為是氣之理如目之明耳之聰父之慈子之孝乃為道耳峇陸九淵形而上者指理形而下者指事物事事皆有理事物可見而其理難知即事即物便要見得此理只是如此看但要真實於事物上見得這道理然後於己有益護問形而上下如何以形言曰此言最的當設若以有形无形言之便是物與理相間斷了所以謂攔截得分明者只是上下之間分別得一箇界至分明器亦道道亦器有分別而不相離也化是漸漸消化疊疊地去有漸底意思不見其化之迹且如而今天氣漸漸化涼將去到得立秋便截斷這以後是秋便是變又曰只就那化中截截取便是變道夫化是因其自然而化裁是人為變是變了他且如自初一至三十日便是化到這三十日截斷

做一月明日便屬後月便是變又如今年三百六十日
頃待日日漸次進去到那滿時這便是化自春而夏夏
而秋秋而冬聖人去這裏截做四時這便是變化不是
一日內便頓然恁地人之進德亦如此三十而立不到
那三十時便立須從十五志學漸漸化去方到淵如子
丑寅卯十二時皆以漸而化不見其化之迹及亥子時
便截取子屬明日所謂變也人傑又如星辰運行无頃
刻停息若逐時記之自不勝其記以昏旦紀之則一日
差一度然亦記不得所以只於逐月截斷道昏某中旦
某中逐日便是化到這一月處便是變化而裁之方是
分下頭項推而行之便是見於事如堯典分命羲和許
多事便是化而裁之到敬授人時便是推而行之學蒙
化而裁之謂之變推而行之謂之通裁是裁截之義謂
如一歲裁為四時一時裁為三月一月裁為三十日一
日裁為十二時此是變也如陰陽兩爻自此之彼自彼
之此若不截斷則豈有定體通是通其變將已截斷者

推而行之便是通謂如占得乾之履便是九三如乾乾
不思則我所行者以此而措之於民則謂之事業也必
大化而裁之屬前項事謂漸漸化去裁制成變則謂之
變推而行之屬後項事謂推而為別一卦了則通行无
礙故為通舉而措之天下謂之事業便只是定天下吉
凶成天下疊疊者元祚問形而上者謂之道一段只是
這一箇道理但即形器之本體而不離乎形器則謂之
道就形器而言則謂之器聖人因其自然化而裁之則
謂之變推而行之則謂之通舉而措之則謂之事業裁
也行之措也都只是裁行措這道曰是董問易中多言
變通通字之意如何曰處得好便不窮通便是通問往來不
窮謂之通如何曰處得好便不窮通便不窮不通便窮
推而行之謂之通如何曰推而行之便就這上行將去
且如亢龍有悔是不通了處得來无悔便是通變是就
時就事上說通是就上面處得行處說故曰通其變只
要常流通不通不窮問如富貴貧賤夷狄患難這是變行

乎當貴行乎貧賤行乎夷狄行乎患難至於无入而不自得便是通否曰然道夫形而上底虛渾是道理形而下底實便是器這箇分說得極精切故明道云惟此語截得上下最分明在伊川云形而上謂道形而下謂器須著如此說曰這是伊川見得分明故云須如此說形而上者是理形而下者是物如此開說方見得分明如此子方說得道不離乎器器不違乎道處如為君須止於仁為臣須止於敬為子須止於孝為父須止於慈這皆道理合如此今人不解恁地說便不索性兩邊說怎生說得通賀孫問明道云陰陽亦形而下者而曰道只此兩句截得上下分明截字莫是斷字誤曰正是截字形而上形而下即就形處離合分別此正界至處若只說作在上在下纂註張子曰形而上者是无形體故謂便是兩截矣董之道形而下者是有形體故謂之器无形迹者即道也如大德敦化是也有形迹者即器也見於事實是也又曰聖人因天地之化截節而立法

使民知寒暑之變故為之春夏秋冬亦化裁之一端爾
楊氏萬里曰此一節所以別言易道之體極言易道

之用也何謂體曰道曰器是也何謂用曰變曰通曰常
業是也項氏曰自奇偶未形以上則謂之太極不可

以陰陽名也自奇偶既形以下則謂之兩儀四象八卦
而陰陽之體定矣體定而變化行故乾本健也初爻化

為入中爻化為麗末爻化為說坤本順也初爻化為動
中爻化為陷末爻化為止六十四象皆示人以化裁之

變也當其變也順而推之則通違而執之則窮乾之災
變而元首則吉坤之傷變而永貞則利此皆教人以推

而行之通也于以通天下之志以定天下之
業以斷天下之疑此舉而措之謂之事業也 是故夫象

聖人有以見天下之賾而擬諸其形容象其物宜是故

謂之象聖人有以見天下之動而觀其會通以行其典

禮繫辭焉以斷其吉凶是故謂之爻

呂音訓是故夫象此四字衍文之賾陸

氏曰本亦作之至賾

集解

朱子曰重出以起下文

纂註

郭氏京曰是故聖人有以見天下之賾是

故字下誤增大象字此節本是第六章首於此引之者為極天下之賾者以下為引文成義之勢驗第六章足

見誤矣

極天下之賾者存乎卦鼓天下之動者存乎辭集

解

朱子曰卦即象也辭即爻也

附錄

朱子語極天下之賾者存乎卦卦體之中備陰陽變易之形容

鼓天下之動者存乎辭是說出這天下之動如鼓之舞之相似如初九當潛則鼓之以勿用九二當見則鼓之以利見大人若无辭則都發不出了必大卦即象也辭則爻也大抵易只是一箇陰陽奇偶而已此外更有何物化而裁之存乎變推而行之存乎通神而明之存乎

其人默而成之不言而信存乎德行

呂音訓裁陸氏曰本又作財默而成

今本有之字陸氏曰本或作默而成之

集解

朱子曰卦爻所以變

通者在人人之所以能神而

附錄

程子語易因爻象論變因變化論神因神

論人因人論德行

全體通論易而終於默而成之不言而信存乎德行

學顏子便有準的參也魯竟以魯得之默而成之不言而信存乎德行也

事言似不同曰同繫辭雖從天地陰陽鬼神言之然卒曰默而成之不言而信存乎德行中庸亦曰鬼神之為

德其威矣乎視之而不見聽之而不聞體物而不可遺使天下之人齊明威服以承祭祀洋洋乎如在其上如


在其左右詩曰神之格思不可度思矧可射思夫微之顯誠之不可揜如此夫是豈不同詢昨日之會天率談

禪持國之為此學者三十年矣其所說者儘說得知有這道理然至於反身而誠却竟无得處他有一箇覺之理可以敬以直内矣然无義以方外其直内者要之其本亦不是譬之贊易前後貫穿却說得是有此道理然須然而成之不言而信存乎德行一再有德行字處是所謂自得也談禪者雖說得蓋未之有得大臨朱子語問化而裁之謂之變化而裁之存乎變如何分曰上文化而裁之喚做變下是就這變處見得化而裁之學象變化字多相對說化裁之變又說得來重如云幽則有鬼神鬼神本皆屬幽然以鬼神二字相對說則鬼屬幽神又自屬明變化相對說則變是長化是消個神而明之一段却與形而上謂之道相對說自形而上謂之道說至於變通事業是自至約處說入至蘊處自極天下之賾者存乎卦至神而明之又自至蘊上說入至約處默而成之不言而信

纂註張子曰化而裁之存乎變則說得又微矣元裕存四時之變則周歲之化

可裁存晝夜之變則百刻之化可裁推而行之存乎通
推四時而行則能存周歲之通推晝夜而行則能存百
刻之通又曰道至有難明處而能明之此則在人也凡
言神亦必待形然後著不得形神何以見神而明之存
乎其人然則須待人然後能明乎神蔡氏曰神明之
化能使天下自成而不待乎告教者又在乎德行之至
而感之耳故曰存乎德行中庸曰聲色之化民末也上
天之載无聲无臭正謂此也神而明之者德行之本默
而成之者德行之效丘氏曰上文五謂者皆聖人作
易之用此六存者則聖人之用夫易也前言變通而歸
之事業推易道於民也此言變通而歸之德行存易道
於己也楊氏萬里曰此章言聖人作易之意其散在
六十四卦之文章其聚在乾坤之二卦聖人用易之道
其散在天下之事業其聚在一身之德行也又曰易有
三一曰天易二曰竹易三曰人易天尊地卑乾坤定矣
天易也書不盡言言不盡意竹易也存乎其人存乎德

行人易也。有聖人焉，能行易之道，神而明之，默而成之，則易不在天，不在竹，而在人矣。



周易會通卷十二